



南府志

ル 5
1546
14



河南府志卷之七十一

古蹟志十七 壇廟

壇廟

周郊壇 周書作雒篇設丘兆于南郊以上帝配后稷日月

農星先王皆與食孔晁註設築壇郊南郭也 書召誥丁

巳用牲于郊牛二 王肅家語孔子至周歷郊社之所

按禮家據書用牲于郊牛二之文謂周有南郊無北郊為天地合祭故用二牛不知用牛二者郊天特牲以后稷配故用牛二其但言郊不別言南北郊者因作新邑告祭上帝非正祭南郊也豈得謂但言郊而遂無南北郊之分乎周禮大司樂以冬日至祀天於圓丘夏至祭地於方澤此王者父事天母事地之正禮稽之經傳凡壇壝圭璧瘞埋樂舞祝詞皆與祀天迥別說者又謂周禮葬賊偽書不足據明夏言疏駁之日合祭實自葬

始莽果偽爲是書何不削去圓丘方澤之制天地神祇之祭而自爲一說耶此言足明分祭之確考天地之祭漢時或分或合後惟魏文帝之太初周武帝之建德隋高祖之開皇唐玄宗之開元宋神宗之元豐元文宗之至順明世宗之嘉靖特主分祭餘皆主合祭我

天子歲必親行破累代之陋規遵古經之正禮三代之盛義以加焉說詳五禮通考

周大社壇

周書作雜篇乃建大社於周中其壇東青土南

赤土西白土北驪土中央豐以黃土將建諸侯鑿取其方

一亩之土苞以黃土苴以白茅書召誥戊午社于新

邑牛一羊一豕一注告立社稷之位社稷共牢白虎通

天子社壇方五丈

按祭法王爲羣姓立社曰大社王自爲立社曰王社通典周制天子立三社大社於庫門內之西立之王社於

藉田立之亳社廟門之外立之此洛邑大社當在庫門內所謂左宗廟右社稷也

周廟

周書作雜篇太廟宗宮考宮咸有四阿反玷重亢重

郎常累復格藻稅設移旅楹春常畫內階元階堤唐山廡

應門庫臺元闔孔晁註太廟后稷二宮祖考廟也廟四下

曰阿反玷外尚室也重亢累棟也重郎累屋也常累系也

復格累之樛也升藻稅畫梁柱也承屋曰移旅列也春謂

藻升之節也言皆畫列柱爲之也元階以黑石爲間唐中

庭道堤謂高之也廡謂畫山雲門皆有臺於庫門見之又

以黑石爲門階也王肅家語孔子觀周入后稷之廟有

金人焉三緘其口而銘其背曰古之慎言人也孔子顧謂

弟子曰小子識之

按孔子適周在敬王未城成周之前則家語所謂歷郊社觀周廟者乃周公作維之廟社也今其地在府城西古王城遺敬王城成周王都東移廟社改否不可知故于周但記作維遺蹟而不記敬王以後

周東都合諸侯壇 周官司儀掌九儀之賓客擯相之禮將

合諸侯為壇三成宮旁一門 注天子春帥諸侯拜日於東

郊則為壇於國東夏禮日於南郊則為壇於國南秋禮山

川邱陵於西郊則為壇於國西冬禮日月四瀆於北郊則

為壇於國北既拜禮而還加方明於壇上而祀焉所以教

尊尊也觀禮曰諸侯覲於天子為宮方三百步四門壇十

二尋深四尺是也

按詩車攻序曰宣王復古也宣王合諸侯於東都而曰復古知周初固合諸侯於東都其後陵夷不復舉宣王復之非宣王始于東都合諸侯也如是則周官所謂合諸侯之壇當在洛陽矣

漢雒陽南郊圓壇 後漢祭祀志 建武二年正月初制郊兆

於雒陽城南七里依鄗采元始中故事為圓壇八陛中又

為重壇天地位其上皆南向西上其外壇上為五帝位青

帝位在甲寅之地赤帝位在丙巳之地黃帝位在丁未之

地白帝位在庚申之地黑帝位在壬亥之地其外為壇重

營皆紫以象紫宮有四通道以為門日月在中營內南道

日在東月在西北斗在北道之西皆別位不在羣神列中

八陛陛五十八酸合四百六十四酸五帝陛郭帝七十二

醜三百六十醜中營四門門五十四神合二百一十六神
 外營四門門百八神合四百三十二神皆背營內鄉中營
 四門門封神四外營四門門封神四合三十二神凡千五
 百一十四神營卽壇也封封土築也背中營神五星也及
 中宮宿五官神及五嶽之屬也背外營神二十八宿外宮
 星雷公先農風伯雨師四海四瀆名山大川之屬也至七
 年五月詔三公曰漢當郊堯其與卿大夫博士議時侍御
 史杜林上疏曰爲漢起不因緣堯與殷周異宜而舊制曰
 高帝配方軍師在外且可如元年郊祀故事上從之隴蜀
 平後乃增廣郊祀高帝配食位在中壇上西西北上天地

高帝黃帝各用犢一頭青帝赤帝共用犢一頭白帝黑帝
 共用犢一頭凡用犢六頭日月北斗共用牛一頭四營羣
 神共用牛四頭凡用牛五頭凡樂奏青陽朱明西皓元冥
 及雲翹育命舞中營四門門用席十八枚外營四門門用
 席三十六枚凡用席二百一十六枚皆莞篔簹率一席三神
 日月北斗無陛郭醜旣送神犢俎實於壇南已地

按後漢雒陽郊壇從祀之神至一千五百一十四何其
 繁也其星辰等皆天神宜在南郊至嶽瀆山川宜從地
 在北郊而亦祀于南郊其失在天地同位龔王莽竇亂
 不經之舉故從祀天地之神同在南郊耳至以高帝配
 天則遠過西漢郊天之禮馬端臨曰西都所謂郊祀若
 雍五畤甘泉泰一皆出于方土祈福之說而非有古人
 報本之意惟武宣以求仙成帝以求嗣故三君親郊頗
 多而其清心無求者則領之祠官修故事而已世祖置

郊丘于洛陽以高祖配祀
始稍復古人祀天之制

漢雒陽北郊方壇

祭祀志曰建武三十二年為建武中元

元年初營北郊未用事遷呂太后於園上薄太后尊號曰
高皇后當配地郊北郊在雒陽城北四里為方壇四陛三
十三年正月辛未郊別祀地祇位南面西上高皇后配西
面北上皆在壇上地理羣神從食皆在壇下如元始中故
事中嶽在未四嶽各在其方孟辰之地中營內海在東四
瀆河西濟北淮東江南他山川各如其方皆在外營內四
陛酸及中外營門封神如南郊地祇高后用犢各一頭五
嶽共牛一頭海四瀆共牛一頭羣神共二頭奏樂亦如南

郊既送神瘞俎實于壇北

按漢官儀北郊壇在城西北角去城一里張璠記云城
北六里與祭祀志所謂四里者異竊意南郊七里陽數
也北郊或四或六陰數也至漢儀謂為一里者失之或
者漢雒陽背負北印偏近山上於古方澤之義不合因
下就平地但去城西北角一里即在西北角相去一里
以城正北計之當為迤西北四里漢志固不謬也又文
獻通考曰范史紀志不載親郊之歲月禮儀志云正月
上丁祀南郊禮畢次北郊明堂高廟世祖廟謂之五供
豈每歲行之耶祭祀志言二年初制郊采元始中故事
按元始之制嘗以歲孟春正月上辛若丁親郊祀天南
郊以地配冬至則使有司祀天於南郊以高帝配夏至
使有司祭地於北郊以高后配然則天地之祭每歲親
祠者一命有司祭者二豈歲以為常故不復紀述乎如
是則漢郊祀凡三有分有合歲合祭者一分祭各一當
時反以合祭為重天子自行分祭為輕有司行
事於古人南北郊之義雖用焉而未嘗有合也

漢高廟

祭祀志建武二年正月立高廟於雒陽四時祫祀

高帝為太祖文帝為太宗武帝為世宗如舊餘帝四時春

呂正月夏呂四月秋呂七月冬呂十月及臘一歲五祀

按漢書注漢舊儀曰故孝武廟古今注於雒陽校官立之是雒陽舊有武帝廟東漢統於高廟

漢親廟 祭祀志 建武三年正月立親廟雒陽祀父南頓君

呂上至春陵節侯

漢世祖廟 祭祀志 明帝即位呂光武帝撥亂中興更為起

廟尊號曰世祖廟

按東漢自明帝後皆遺詔遵儉無起寢廟藏主於世祖廟迨靈帝時京都四時所祭高廟五主世祖廟七主獻帝初平中蔡邕等呂和帝呂下功德無殊而有過差不應為宗及餘非宗者追尊三后皆奏毀之四時所祭高廟一祖二宗及近帝四凡七帝詳正祭祀志

漢雒陽大社方壇 祭祀志 建武二年立大社稷於雒陽在

宗廟之右方壇無屋有墻門而已二月八月及臘一歲三祠皆太牢具使有司祠

漢明帝五郊壇 祭祀志 永平中呂禮讖及月令有五郊迎

氣服色因采元始中故事兆五郊于雒陽四方中兆在未壇皆三尺階無等立春之日迎春于東郊祭青帝句芒車旗服飾皆青歌青陽八佾舞雲翹之舞因賜文官太傅司徒以下縑各有差立夏之日迎夏於南郊祭赤帝祝融車旗服飾皆赤歌朱明八佾舞雲翹之舞先立秋十八日迎黃靈于中兆祭黃帝后土車旗服飾皆黃歌朱明八佾舞

雲翹育命之舞立秋之日迎秋於西郊祭白帝蓐收車旗
服飾皆白歌西皓八佾舞育命之舞立冬之日迎冬于北
郊祭黑帝元冥車旗服飾皆黑歌元冥八佾舞育命之舞

按周官冢宰司徒所蒞祀事皆言五帝司寇禮祀五帝
司服祀五帝亦如之掌次五帝則張大次是五帝之祭
非昊天上帝之祭也陳氏禮書曰五帝與昊天同稱帝
不與昊天同稱天猶諸侯與天子同稱君不與天子同稱
王周官祀五帝之禮有與天同以極其隆有與天異以
致其辨故皆禮祀皆服大裘此其所同也祀帝于圓丘
兆五帝于四郊此其所異也馬端臨謂五帝為五行之
主而在天猶五嶽為五行之鎮而在地不可謂五帝即
天猶不可謂五嶽即后土說與陳氏同而鄭氏本
識書為六天之說又有所謂感生帝者皆妄也

漢雒陽先虞壇

祭祀志迎秋西郊使謁者以一特牲先祭

先虞于壇有事天子入圜射牲以祭宗廟名曰疆劉

漢南郊老人星廟

禮儀志仲秋之月縣道皆按戶比民年

始七十者授玉杖舖之糜粥八十九十禮有加賜玉杖長
尺端以鳩鳥為飾鳩不噎之鳥也祀老人星於國都南郊
老人星廟

漢城南心星廟

禮儀志季秋祠心星於城南壇心星廟

漢雩塲

鐘離意傳永平二年夏旱而大起北宮意上疏策

詔報曰湯引六事咎在一人比上天降旱密雲數會朕戚
然慙懼思獲嘉應故分布禱請闕候風雲北祈明堂南設
雩塲注明堂在洛陽城南言北祈者蓋時修雩塲在明堂
之南

漢洛陽令王渙祠 後漢循吏傳渙為洛陽令民思其德為立祠安陽亭西每食輒弦歌而薦之鄧太后詔曰洛陽令王渙秉清修之節蹈羔羊之義盡心奉公務在惠民功業未遂不幸早世百姓追思為之立祠自非忠愛之至孰能若是者乎今呂渙子石為郎中呂勸勞勤延熹中桓帝事黃老道悉毀諸房祀唯特詔密縣存故太傅卓茂廟洛陽留王渙祠焉

魏委粟園丘 魏志明帝紀景初元年冬十月乙卯營洛陽南委粟山為園丘十二月壬子冬至始祀詔曰曹氏繫世出自有虞氏今祀園丘以始祖帝舜配號園丘曰皇皇帝

天方丘所祭曰皇皇后地以舜妃伊氏配天郊所祭曰皇天之神以太祖武皇帝配地郊所祭曰皇地之祇以武宣皇后配宗祀皇考高祖文皇帝於明堂以配上帝

按明帝詔以郊與園丘為二處蓋用鄭康成之說也康成注禮以為周祀天於園丘以饗配謂之神祇五帝於郊以稷配謂之郊又祀五帝及五人帝於明堂以文王配謂之祖祀五神於明堂以武王配謂之宗此三祭者必皆有祖考可配而後可以舉事是以魏文帝之時有郊祀而未有祖配直至明帝時復遠取舜以配園丘然後以武帝配郊以文帝配明堂蓋拘於康成支離之說是以配天之祀必俟奕世之後也說見通考

晉禮志 晉武帝太始二年有司奏古者丘郊不異宜并園丘方澤於南郊更修立壇兆

按西晉郊壇始因魏郊以郊與園丘為二處迨泰始二年乃合園丘於南郊蓋園丘即郊王肅之說武帝肅外壇廟

孫也故從其說且更修立壇兆不因舊蹟是以別記晉郊壇也

晉洛京二社壇 晉書武帝紀太康九年春二月初并二社為一十年六月庚子復置二社 禮志漢魏但太社有稷而官社無稷故常二社一稷晉初仍魏至太康九年社稷祠壇與廟俱徙詔并二社傅咸表曰祭法王社大社各有其義宜仍立二社其後摯虞奏從二社詔從之至建武又依洛京立二社一稷

晉高禰壇 晉書禮志元康時洛陽猶有高禰壇百姓祠其旁或謂之落星 隋志晉惠帝元康六年禰壇石中破為二詔問石毀今應復不博士議禮無高禰置石之文與哲

議以石在壇上蓋主道也宜埋而更造後得高堂隆故事魏青龍中造立此石詔更鑄石令如舊置壇上埋破石入地一丈

按後漢禮儀志仲春之月立高禰于城南祀以特牲其壇至晉時猶存通典謂武帝立後漢因之蓋武帝晚得太子故立高禰之祠也

晉大石山祠 水經注小狂水逕大石嶺南開山圖所謂大石山也王隱晉書曰惠帝使校尉陳總仲元詣洛陽山請雨總盡除小祀惟存大石而祈之七日大雨卽是山也

按大石山在古洛陽南蓋泉萬安之通名也東南為萬安諸峯小狂水在其南北為玉泉雙峯對峙直古洛陽南各勝志曰玉泉山上有泉水如碧玉色泉上有白龍祠祈禱甚應所謂白龍祠者卽古大石山祠也除他

祀而獨存大石以犬石為洛陽巨鎮非他山可比故表而出之遂靈應不爽耳

後魏委粟圜丘 禮志太和十九年十一月庚午帝幸委粟

山議定圜丘 李業與傳衍散騎常侍朱异問業與曰魏

洛陽委粟山是南郊邪業與曰委粟是圜丘非南郊异曰比

聞郊丘異所是用鄭義我此中用王義業與曰然洛中郊

丘之處專用鄭解 水經注伊水至洛陽縣南逕員丘東

大魏郊天之所準漢故事建之漢壇皆紫以象紫宮今壇

墳無復紫矣

按李業與謂用鄭解是後魏時南郊猶別置非即委粟之員丘也水經注謂伊水逕員丘東即委粟山而引漢南郊紫壇為言不見別有所謂南郊者豈地不相遠水經注遂不復別白之歟

後魏改築圜丘壇 禮志世宗景明二年十一月壬寅改築

圜丘于伊水之陽乙卯仍有事焉

按後魏本鄭氏以郊與員丘為二處已非議禮之準况又改築員丘是何禮也孟子云旱乾水溢則變置社稷社稷可以變置未聞員丘可以變置也

又按齊書魏虜傳城西有祠天壇立四十九木人長丈許白幘練裙馬尾被立壇上常以四月四日殺牛馬祭祀在未遷洛以前及遷洛陽則郊廟外未聞別有祠天壇矣

後魏廟社 水經注渠水又西歷廟社之間廟社各以物色

辨方周禮廟及路寢皆如明堂而有燕寢焉唯祧廟別無後代通為一廟列正室於下無復燕寢之制禮天子建國左廟右社以石為主祭則希冕今多王公攝事王者不親

拜焉咸寧元年洛陽大風帝社樹折青氣屬天元皇東渡魏社代昌矣

隋天經宮廟 大業雜記傍苑城行三里有天經宮南二里有仙都宮並置先帝廟堂 隋書禮儀志大業元年煬帝

欲遵周法營立七廟詔有司定禮未及創制既營建洛邑

帝無心京師乃於東都固本里北起天經宮以遊高祖衣

冠四時致祭於三年有司奏請准前義于東京建立宗廟

帝謂祕書監柳諝曰今始祖及二祧已具今後子孫處朕

何所又下詔唯議別立高祖之廟屬有行役遂復停寢

按周營洛邑所謂為位改位者乃南北郊及左祖右社前朝後市之位也隋議遷都營東京所營者惟是宮殿

園圍窮奢極欲耳祖廟但起天經置身且恐無所其天地郊壇與夫日月星辰之位東都皆不見靡得而記

唐東都太社壇 會要神龍元年五月乙酉詔於東都建置

太社祝欽明問禮官博士曰周禮田主各用所宜木令太

社主用石何也韋叔夏等議曰春秋傳軍行祓社書曰不

用命戮于社社之主蓋用石為之崔靈恩三禮義宗曰社

神用石以土地所生最實故也又呂氏春秋云殷人之禮

其社用石後魏書云天平四年太社石主遷於社宮是主

用石古有明說周禮用所宜木謂民間之社非太社也

唐洛壇 武后傳承嗣偽款洛水石導使為帝遣雍人唐同泰獻之后號為寶圖擢同泰游擊將軍太后乃郊上帝謝

况自號聖母神皇作神皇璽改寶圖曰天授聖圖號洛水曰永昌水圖所曰聖圖泉勒石洛壇左曰天授聖圖之表

唐東都武氏廟 武后傳立武氏七廟于神都尊周文王為

文皇帝號始祖妣曰文定皇后武王為康皇帝號睿祖

妣姜曰康惠皇后罷唐廟為享德廟後中宗復位遷東都

武氏廟于崇尊廟更號崇恩復唐宗廟及韋武黨誅廢崇

恩廟

按武后移唐祚立武廟至上援文王為始祖武王為睿祖何其悖也追中宗復位武廟雖移尚未廢除其餘黨之可畏固如是哉

唐東都元元皇帝廟 唐書開元二十九年制兩京各置元

元皇帝廟天寶二年改東京元元皇帝廟為太微宮 杜甫有冬

日洛城北謝元元皇帝廟詩 舊唐書哀帝紀天祐二年六月辛卯太

微宮使柳璨使裴樞充宮使日權奏請元元觀為太

微宮又別奏在京宏道觀為太清宮至今未有制置伏以

今年十月九日陛下親事南禮先謁聖祖廟宏道觀既未

修葺元元觀又在北山若車駕出城禮非便穩今欲只留

北山上老君廟一所其元元觀請拆入都城于清化坊內

建置太微宮以備車駕行事從之

五代梁唐郊壇 文獻通考梁太祖始建都於汴然郊壇則

在洛都開平二年十一月南郊帝自東京至洛都行禮自

石橋備儀仗至郊壇三年正月以河南尹張宗奭爲南郊大禮使後唐莊宗同光二年帝祀南郊初梁均王將郊祀于洛陽聞楊劉陷而止其儀物具在至是張全義請上亟幸洛陽謁廟畢卽祀南郊從之然則梁唐行郊祀皆在洛陽

五代唐東都卽位壇

張憲傳莊宗幸東都定州王都來朝

莊宗命憲治鞠場與都擊鞠初莊宗建號東都以鞠場爲卽位壇于是憲言卽位壇王者所以興也漢鄠南魏繁陽至今尚在不可毀乃別治鞠場未成莊宗怒命兩虞侯亟毀壇以爲場憲歎曰此不祥之兆也

宋西京郊壇

宋史太祖紀開寶九年春正月庚辰詔郊西

京三月庚寅大雨夏四月己亥雨霽庚子有事於圜丘廻御五鳳樓大赦文獻通考開寶九年江表底定幸西京以四月有事南郊藝祖親郊凡四獨是歲行之于洛陽凡郊必以陽至之月獨是歲以四月乃是行大雩之禮蓋本非藝典帝以洛都元有郊兆是年又有欲徙都于洛之意故因西幸而特行其禮云

宋西京祖廟

宋史真宗景德四年二月癸酉詔西京建太

祖神御殿

李通志慶歷中名太祖殿曰興先太宗曰帝

華真宗曰昭考

建炎朝野雜記建炎初金人圍西京急

留守孫昭遠遣其將王仔奉啟運宮神御問道夫若曰帝
遷于福州

宋移置歷代廟

名勝志廟宅記周六廟在縣西南三里建

隆元年移置彰善坊漢七廟在縣西北八里積善坊晉五

廟在恭安坊後唐明宗五廟在福善坊俱與漢廟毗連

宋范文正公祠

徐溥記宋魏國范文正公葬於河南府洛

陽縣尹樊里萬安山下其子許國忠宣公及侍郎以下附

焉其西十五里熙寧間創褒賢顯忠寺以奉香火有祠自

元守臣郭文徵始

元必妃廟

李通志在府城東關元至正廿六年建偃師鞏縣

亦有之

元關廟

李通志漢壽亭侯廟在府治西北元至順間建

按漢壽之名乃曹公表封之號關之所不願受也
據本傳追諡曰壯繆侯則後人廟稱宜曰壯繆

元十賢祠

元吳澂記孟子沒而河南二程出同時邵子衛

人也司馬公陝人也皆遷洛中張子秦人也以邵程遷洛

而時造焉洛人張順中多其鄉之有五賢又思程子之學

其原肇於營道之周而其流衍於發源之朱廣漢之張東

萊之呂至輩懷許文正公尊信四書小學而國朝始知有

朱子之學乃市地於洛城宣仁門之北構祠屋祀十賢

明社稷壇

風雲雷雨山川壇

李通志舊在府城外後建

伊府二壇俱改置府內 明會典洪武中令有司各立壇

廟祭風雲雷雨 明集禮儀注風師雨師之祀見于周官

秦漢隋唐亦皆有祭天寶中又增雷師于雨師之次因升

風雨雷師為中祀宋元因之國朝既于園丘以太歲風雨

雷師從祀且增雲師于風師之次復以春秋驚蟄秋分之

三日專祀風師雲師雷師雨師于國南羣祀壇天子降香

遣官行事其郡縣風雲雷雨師之祭一如前代之儀云

按明社稷壇至今已移其他所建祠廟如周公廟宋太祖廟今猶舉祀事者不得入古蹟別見祀典

又按古祠有不詳何代所建者但據各書及殘碑舊址類記于後

湯王廟 李通志湯王廟在府城南 廟碑湯聘伊尹停驂

處

萇宏祠 名勝志萇宏祠在灑水側俗謂之撞鐘祠

賈誼祠 廟碑漢長沙賈太傅祠

按賈誼祠在府城東火燒街路旁有殘碑大書數字不詳何代建廟已毀廢

朱賈臣廟 李通志朱賈臣廟在府城東關

董令祠 李通志董令祠在府治東南祀漢洛陽令董宣

按後漢書宣為洛陽令湖陽公主蒼頭白日殺人因匿主家吏不能得及主出行而召奴駭乘宣於夏門亭候之乃駐車中馬曰刀畫地大言數主之失叱奴下車因格殺之主訴帝帝使宣叩頭謝主宣不從強使頓之宣兩手據地終不肯俯因勅彊項令出卒於官詔遣使者臨視惟見布被覆屍妻子對哭有大麥數斛做車一乘如是則宜良吏也廉吏也而范史列宣酷吏列傳何哉祠有古碑字剥落不可識據金石攷碑前有四字篆書

漢董宣傳傳作中楷結法俱精雅有方圓意而不具入姓名當是唐能書者書之也

李靖廟 李靖廟在府城舊旌善坊靖唐名將

按舊洛志李衛公德裕分司東都宜立祠非李靖也與通志異 以上洛陽

高辛氏郊禘祠 生民詩克禋克祀以弗無子注去無子求

有子古者必立郊禘焉元鳥至之日以太牢祠于郊禘

元鳥詩天命元鳥降而生商注春分元鳥降湯之先祖有

娥氏女簡狄配高辛氏帝帝率與之所于郊禘而生契

按月令疏鄭義稷契當堯時命歷序云帝嚳傳十世則稷契不為帝嚳之子是後世子孫之子鄭注生民云姜嫄高辛氏之世妃則簡狄亦後世之妃此立為禘神者是簡狄之夫不得為帝嚳祭高禘是祭天故生民傳云從於帝而見于天高禘為配祭之人又王居明堂禮曰帶以弓韜禮之禘下其子必得天材疏逸禮篇名禘在

壇上御者在下故云禘下高辛氏之世有吞鳥之異是為媒官嘉祥後王立高辛為禘神蔡邕以為禘神高辛已前舊有高者尊也生民元鳥毛傳曰姜嫄從帝祠郊禘簡狄從帝祈郊禘則前此矣據二疏則高辛郊禘之說互有異同以姜嫄簡狄為非帝嚳妃則周人禘嚳為禘所自出不可通謂禘神為古媒氏則祀之上帝郊壇亦太褻其變郊禘為高禘蔡邕以高為尊之義甚確後人可以知所折衷矣

夷齊廟 水經注首陽山春秋所謂首戴也夷齊之歌所矣

曰登彼西山上有夷齊之廟前有二碑並是後漢河南尹

廣陵陳導洛陽令徐循與處士平陽蘇騰南陽何進等立

事見其碑

按水經注載夷齊廟在首陽山上與周公廟元武觀類敘今偃師西北首陽山上無夷齊廟亦無後漢碑惟石橋北有周公祠在首陽山南麓夷齊廟當相近但廟碑乃唐開元時碑已非水經注所謂周公廟也又名勝志

河南府志 卷之二十一 古蹟志 壇廟

以夷齊廟左有周公廟在偃師西北二十五里卽今石橋北唐人周公祠但夷齊廟址不可尋耳

周靈星祠 水經注休水又東屈零星塢 詩絲衣序 繹賓

尸也高子曰靈星之尸也 通典周制仲秋之月祭靈星

於國之東南注歲星之位也

按靈星之祀古已有之水經注零星當作靈星其地在周洛邑之東南道元時猶存靈星之名知爲古靈星祠又漢高命郡國郡邑立靈星祠靈星塢在古緱氏或爲漢蹟不可知至靈星之說疏家謂不知何星張晏曰龍星左角曰天田則農祥也晨見而祭之史傳之說靈星唯有此耳

周公祠 廟碑周公諱旦字照明

按祠在石橋北二里俗呼其地爲廟臺有唐開元周公祠碑賈口義撰文稱周公字照明可補史傳所未備

王子晉祠 水經注緱氏山王子晉控鶴斯阜上有子晉祠

或言在九山非此世代已遠矣莫能辨之劉向仙傳云世有簫管之聲焉

按子晉祠與漢仙人祠異處仙人祠在古緱氏城史記所謂公孫卿見仙人跡也詳在下子晉祠在緱山上爲周靈王太子子晉控鶴處後人又以爲王子喬非王子晉夫謂子晉無昇仙之事則可謂緱山爲王子喬非子晉則不可王子喬據蔡邕碑自在蒙城于緱山何涉唐武后改子晉祠爲昇仙太子廟自製碑文在山上

秦三杜主祠 史記封禪書秦并天下亳有三杜主之祠杜

主故周之右將軍其在秦中最小鬼之神者 注韋昭曰亳

湯所都

秦壽星祠 封禪書秦并天下亳有壽星祠

漢酈食其廟 水經注陽渠水又東流逕漢廣野君

廟南廟在北山上成公綬所謂偃師西山也山上

有廟宇東面門有兩石人對倚北石人胸前銘云門

一石人西有二石闕雖經頽毀猶高丈餘闕西即廟故

基前有碑文字剥缺不復可識子安仰澄芬於萬古讚

徽於廟像文載厥集矣

按酈食其廟石人石闕今俱無山上惟有
帝舜廟見李濂通志當是酈食其廟故址

漢仙人祠

水經注緱氏城有仙人祠

封禪書公孫卿侯

神河南言見仙人跡緱氏城上有物如雉往來城上天子

親幸緱氏城視跡

密陵光侯廟

水經注休水西南有司空密陵光侯鄭廟碑

文缺不可復識

薄太后廟

李通志廟在偃師西北太后漢文帝母

按廟在西首陽山上西首陽與故洛城北即相接東漢
嘗尊薄太后為高皇后配享北郊方澤迨漢郊既改後
人遂廟祀薄太后但不
知何時建廟山上耳以上偃師

黃帝河洛壇

水經注黃帝東巡河過洛修壇沉璧受龍圖

于河龜書于洛赤文篆字堯帝又循壇河洛擇良議沈榮光

出河休氣四塞白雲起迴風逝赤文綠色廣袤九尺負理

平上有列星之分七政之度帝王錄記興亡之數以授之

又東沈書於日稷赤光起元龜負書背甲赤文成字遂禪

於舜舜又習堯祀沈書於日稷赤光起元龜負位

當作
書至

于稷下榮光休至黃龍卷甲舒圖壇畔赤文綠錯以授舜
 舜以禪禹殷湯東觀于洛習禮堯壇降璧三沈榮光不起
 黃魚雙躍出濟于壇黑鳥以浴隨魚亦土化為黑玉赤勒
 之書黑龜赤文之題也故春秋說題辭曰河以道坤出天
 苞洛以流川吐地符王者沈禮焉

按水經注記河洛壇于洛汭以為歷代圖書並出其地在鞏縣洛水入河處則孟津所謂負圖河永寧所謂元滬洛書不得專有之矣但道元雜引緯書後言符瑞儒者所不道然謂圖書並出于黃帝堯舜之世則其說必有傳也易曰河出圖洛出書聖人則之不言何代出亦不分言伏羲則圖而作易大禹則書而衍疇則圖書之出已不得專屬羲禹時矣

首九山廟 水經注九山有九山廟廟前有碑云九顯靈府

君者太華之元子陽九列名號曰九山府君也南據崧岳
 北帶洛澨晉元康二年九月太歲庚午帝遣殿中中郎將
 關內侯樊廣緱氏令王與主簿傅演奉宣詔令興立廟殿

按九山在水經注又為百稱山今呼白雲山山際有舊山廟坡九舊音轉也箋云晉元康二年太歲在壬子而用歷經推之是年九月乙亥朔無庚午日也或傳寫有誤耳

百蟲將軍廟 水經注九山又有百蟲將軍顯靈碑碑云將
 軍姓伊氏諱益字隤敬帝高陽之第二子伯益者也晉元
 康五年七月七日順人吳義等建立堂廟永平元年二月

二十日刻石立頌贊示後賢矣

按史記秦本紀云顓頊之裔孫大業生大費佐舜調馴鳥獸是謂栢翳索隱云伯翳即尚書之伯益列女傳云

臯子五歲而贊禹曹大家注云臯子者臯陶之子伯益也此碑謂益字贖欽帝高陽之第二子與史記異左傳所記贖敬庭堅並高陽氏之子杜元凱左傳注又云臯陶字庭堅則父子同在八愷之中不應並時而舉也見水經注箋

嚴子陵廟 李通志嚴子陵廟在鞏縣西

按鞏縣無子陵遺蹟通志亦不詳廟建何時又云一在宜陽縣上莊保

汾陽王廟 李通志汾陽王廟在鞏縣西元至治間建郭子儀嘗帥師過邑芻糧俱乏徵於此邑人告曰草可得糧不可得公問所以人曰是邑南岡歲有妖霧害稼厥明公詣岡指之曰四方之亂予皆掃除妖氛敢為害耶乃引兵還自是妖氛不復為害五穀成熟故人立廟祀之

儀嘗帥師過邑芻糧俱乏徵於此邑人告曰草可得糧不可得公問所以人曰是邑南岡歲有妖霧害稼厥明公詣岡指之曰四方之亂予皆掃除妖氛敢為害耶乃引兵還自是妖氛不復為害五穀成熟故人立廟祀之

按廟在鞏縣西南五十里漫流岡上廟碑所稱與通志同但通志以為元至治間建廟廟碑乃金元光二年天黨越琢撰則通志誤矣又廟旁有洞曰風洞人以為能出怪風壞田禾與碑稱出毒霧亦有異其事史傳不載無從考證而汾陽之德於鞏也則至今不忘云

晉河平侯祠 水經注河之南岸有二碑北面題云洛陽北

界水二渚分為之也上舊有河平侯祠祠前有碑今不知

所在郭頌世語曰晉文王之世大魚見孟津長數百步高

十五丈頭在南岸尾在中渚河平侯祠即斯祠也

按洛陽北界舊抵大河今則入孟津矣

後魏方澤壇 高祖紀太和十八年二月己丑行幸河陰規

建方澤之所二十年五月丙戌初營方澤于河陰丁亥車

駕有事于方澤

按魏都洛陽而方澤壇在河陰者洛陽背負北
即不可以山上為方澤故就河陰卑下為之耳

夷齊祠 李通志祠在孟津縣叩馬村

子耕廟 李通志廟在孟津縣白坡保祀冉伯牛

按孟津有子耕廟者以
子耕墓在孟津故祀之

馮異廟 李通志廟在孟津縣南門外

按光武嘗以馮異為孟
津將軍故邑人廟祀之

以上孟津

漢光武廟 元劉傑廟記宜陽縣治之西九十里

鄉唐屬福昌即古宜陽也治之西北山高數仞古稱

漢光武之廟在焉建武三年光武降赤眉于此廟

遂詔立廟周顯德五年重修殿庭宋景德三年復作寢殿
至元二年復增修之

唐太宗廟 李通志廟在宜陽縣西南趙村保元至正十四

年建

晉高祖廟 李通志廟在宜陽縣西北柴家峪保宋開寶間

建

女几廟 李通志廟在宜陽縣西女几山祀晉彭城

按名勝志女几山在宜陽縣西九十里唐李賀集白蘭
香神女上昇遺几在焉志以為晉女彭娥汲器所化之
地據李賀集則仙女也據志則節女
也但以為節女則女兒宜作女汲矣

以上宜陽

漢太室祠 武帝紀元封元年行幸緱氏詔曰朕用事華山

河南府志

卷之七十二

古蹟志

三

壇廟

至于中嶽獲駮庶見夏后啓母石翌日親登嵩高御史乘屬在廟旁吏卒咸聞呼萬歲者三登禮罔不答其令祠官加增太室祠禁無伐其草木呂山下戶三百爲之奉邑名曰崇高獨給祠復亡所與

按郊祠志謂在山上聞呼萬歲而武帝詔謂在廟旁是漢時太室祠廟在山上也今嵩高有萬歲峯蓋其遺跡且詔謂加增太室祠曰加增則元封前已有祠也史記封禪書秦并天下令祠官所常奉自殺以東名山五曰太室是秦已有太室祠武帝特加增之耳

漢靈星壇 玉海嵩高山記孝武遊登五岳尊祠靈星移祠

置岳南築作殿壇立圓石闕

按嵩高記謂靈星祠置岳南孝武立圓石闕今考岳南石闕乃漢安帝元初五年陽城長呂常造題曰中嶽太

室石闕銘以爲太室祠石闕非靈星祠石闕且石闕制左右皆方亦非圓石闕也嵩高記虛元明所作元明後魏人隱嵩山証以目見當不誤蓋靈星石闕今已毀不得以太室石闕當之也○又按元初太室石闕在今岳廟前以啓母少姨兩石闕例之則闕即在漢太室祠前也太室祠據武帝記在山上諸書不言安帝時移祠于今廟處皆以今廟爲唐開元所移而今廟前乃有漢石闕何也闕銘曰崇高帝君又曰聖朝肅齋衆庶所尊蓋漢時必常自山上移今廟處建立石闕史志不載今可以石闕知之唐韋行儉廟記元魏徙廟於嶽之東南不言自何地徙今意武帝加增祠在山上元初立闕時祠已在今廟地元魏徙廟東南又徙神蓋峯唐開元又徙今廟地並詳在後

漢啓母廟 郊祀志成帝卽位衡譚奏郡國祠所不應禮請

皆罷又罷孝武夏后啓母石之屬

按啓母廟立於孝武帝至後漢安帝延光二年潁川守朱寵立石闕題曰開母廟神道石闕併記姓名年月及

三銘詞篆書在關上以啓母為開母者漢避景帝諱故也而漢書不諱者後人傳寫本耳唐崔融以顧野王虛元明不遵避諱之旨以為陽翟婦人事不經見諒無所取似矣然謂士歌南國徒問候禹之詞石破北方終見生余之兆則猶襲化石生啓之說也嘗于登封北太室山麓見啓母石似由石崩落者武帝觀石之時已有淮南化石之說其為附會不待智者而知矣

漢少室山廟

前漢地理志

潁川密高有大室少室山廟

按前漢史志已並言少室山廟是廟建于前漢也今少室東邢家鋪西三里許有石闕二空書銘大篆盡泐不可辨僅一石存諸人爵里姓名數十字與啓母廟闕姓名相同蓋亦朱寵所建者其記年月但有三月三日字以啓母廟闕推之當亦在漢安帝延光年間是建廟在前漢立闕在後漢矣又唐楊炯少姨廟記少姨廟者漢書地理志少室之廟也其神為婦人之像者則故老相傳云啓母塗山之妹也據是則少姨主少室之祀啓母亦當主太室之祀然太室廟與啓母廟自為二而少室廟即少姨廟本為一何也太室中豈自有嶽靈啓母少

姨乃後人立廟在山嶽間者耳

後魏中嶽廟

唐韋行儉廟記

元魏徙廟于嶽之東南

黃久約廟記舊有廟在東南嶺上莫知其經始之由魏大

安中嘗徙于神蓋山唐開元間始改今廟

按韋行儉謂元魏徙廟于嶽之東南即黃久約所謂舊有廟在東南嶺上者也行儉謂元魏徙廟而黃以為莫知其經始記文闕疎耳至黃謂魏大安徙于神蓋山韋則不及合觀二記則元魏兩徙廟也初徙于東南嶺上又徙于神蓋山所謂東南嶺者今廟東南玉案嶺也所謂神蓋山者今廟東黃蓋峯也又峻極中峯上傳為元魏中嶽廟遺趾是元魏于兩徙廟外又嘗建廟山上矣可備一說

唐登封壇

唐書禮樂志

高宗將封嵩嶽已而遇疾不克封

至武后遂登封焉

武后紀改嵩山為神嶽萬歲通天元

年臘月甲戌如神岳甲申封于神岳改元曰萬歲登封大赦免今歲租稅賜酺十日丁亥禪于少室

按武后登封壇在嵩頂登封壇南有柳樹大赦日於其秘置金雞榜自製升中述志碑樹于壇南之丙地宜政雜錄所謂碎于政和間者也其降禪遺蹟今不可攷蓋當時禪于少室而少室高插天半不合降禪之義今縣西萬羊岡近少室岡上有碑額曰大周封祀壇碑薛曜書或當時即以此為少室降禪壇歟不曰降禪壇曰封祀壇者義固得通也而嵩山志謂降禪碑在嵩頂誤矣

唐朝觀壇 舊唐書高宗將封禪於嵩嶽行宮之前為朝觀

壇武后既封御朝觀壇羣臣

按唐以嵩陽觀為行宮則朝觀壇當在嵩陽觀前矣

唐中天王廟 韋行儉廟記開元十八年元宗徵元封故事

再飾祠宇天寶初又命秩視王禮封為中天王編在祀典

按開元十八年再飾祠宇即黃久約所謂自神蓋山改卜今廟者也碑又稱天寶初封為中天王據武后紀垂拱四年封岳神為天中王在木移今廟前天中天前後互異元宗之封非武后之封也

唐石人廟 崔融啓母廟碑銘壇迤邐斜分玉女之臺碑闕

相望近對石人之廟

許由廟 李通志廟在登封縣東南箕山上

按舊志謂許由廟漢潁川太守朱寵建唐田游巖卜居許由祠旁蓋其祠歷代不廢近日乃呼為真人祠而高隱之義晦矣

純孝伯祠 李通志祠在登封縣西南

按潁水所出曰潁谷以潁考叔為潁谷封人故邑人廟祀之

以上登封

壇廟

禹王廟 李通志廟在永寧縣西長水鎮昔禹治水成功洛

龜呈瑞故立廟祀焉宋淳化六年建

文潞公祠 李通志祠在永寧縣西鳳翼山下祀宋丞相文

彥博

五賢祠 二妙祠 李通志五賢祠祀康節温公橫渠明道

伊川二妙祠祀薛庸齋及其子友諒二祠在永寧縣洛西

書院內

按庸齋父子元人李濂志以為宋人誤五賢祠即薛友諒建在書院孔子燕居堂之左後人又建薛氏父子祠於燕居堂之右明季俱燬干兵據志友諒嘗請升周程諸儒從祀孔子廟廷建洛西書院永寧人祀之宜矣但父子同祀而曰二妙稱名殊不當

河瀆廟 名勝志嶠嶢山在縣西北三十五里上有龍井及

河瀆廟

以上永寧

甘上卿廟 李通志廟在新安縣東祀秦上卿甘羅

韓柱國廟 李通志廟在新安縣盧院保宋乾德五年建祀

隋上柱國韓擒虎

以上新安

河神廟 李通志廟在沔池縣南村保宋嘉祐間建

漢周黨祠 後漢逸民傳光武詔曰自古明王聖主必有不

賓之士伯夷叔齊不食周粟太原周黨不食朕祿亦各有

志焉其賜帛四十匹黨遂隱居黿池著書上下篇而終邑

人賢而祠之

明曹月川祠 李通志祠在沔池縣治南祀學正曹端正統

六年建天順五年修御史謝琚記 以上沔池

三塗山廟 李通志廟在嵩縣西南三塗山上宋熙寧三年建

伊尹廟 李通志廟在嵩縣東

三國胡昭祠 水經注陸渾山等郭文之故居訪胡昭之遺

像世去不停莫識所在

按胡昭居陸渾山寇賊相約不敢犯其部落一川賴昭咸無怵惕而道元以為訪胡昭之遺像則必陸渾人嘗

為昭立祠矣然爾時已莫識所在今人人陸渾者亦徒想高風焉耳

九賢祠 魯齋祠 李通志九賢祠祀周惇頤程顥程頤邵

雍張載司馬光朱熹呂祖謙張栻魯齋祠祀許衡二祠俱

在嵩縣北瀉臯鎮伊川書院內

按書院元延祐三年建二祠在先聖殿兩廡碑文薛友諒撰趙文敏公書

以上嵩縣

河南府志卷之七十二

古蹟志十八

陵墓一

夏孔甲墓

明一統志在永寧縣東北三嶠山

按三秦記秦謂天子墳曰山漢云陵言高大如山如陵是帝王皆宜稱陵餘乃稱墓也然山陵之名起於秦漢漢以前帝王亦稱墓其稱陵者乃後人追尊之詞茲紀陵墓先列帝王陵墓於前不別各縣但以年代為次尊山陵也而曰陵曰墓一從本書所稱非自亂其例也

夏后皐墓

左傳蹇叔曰殺有二陵焉其南陵夏后皐之墓

也杜注皐桀之祖父

水經註石嶠水出石嶠山山有二

陵南陵夏后皐之墓

元和郡縣志二嶠山又名嶺崆山

陵墓一

河南府志

古蹟志

此頁為書中表格或圖說之殘留，文字模糊，難以辨認。

在永寧縣北二十八里輿地廣記永寧縣西北有二峭山連入硤石界其南夏后臯之墓也

夏后趨墓路史夏后名趨死葬陽城

按夏后無有名者而登封今亦無墓可攷姑存路史之說可也

殷湯冢前漢地理志注尸鄉殷湯所都臣瓚曰湯居亳今

濟陰亳有湯冢師古曰瓚說非也劉向曰殷湯無墓處安得湯冢水經注崔駰曰湯冢在濟陰亳縣北皇覽曰亳

城北郭東三里平地有湯冢冢四方方各十步高七尺上平也漢哀帝建平元年大司空史郤長卿案行水灾因行湯冢在漢屬扶風今徵之廻渠亭有湯地徵陌是也然不

經見難得詳案秦寧公本紀云二年伐湯三年與亳戰亳王奔戎遂滅湯然則周桓王時自有亳王號湯為秦所滅乃西戎之國葬于徵者也非殷湯矣劉向言殷湯無葬處為疑杜預曰梁國蒙縣北有薄伐城城中有成湯冢其西有箕子冢今城內有故冢方墳疑即杜元凱之所謂湯冢者也而先謂之王子喬冢冢側有碑題云仙人王子喬碑閻若璩四書釋地劉向博極羣書者也告成帝云殷湯無墓處直至哀帝建平元年大司空御史長卿按行水灾因行湯冢始得之于汾陰亳縣北東郭去縣三里冢四方方各十步高七尺上平處平地馬端臨曰今河中府是

故宋太祖乾德四年著諸祀典迄今不易雖有杜預湯冢
 在亳城中魏王泰謂在偃師縣東吾未敢以為據集注桐
 湯墓所在亦偶誤本孔安國書傳李通志成湯冢在偃
 師縣東北有司春秋致祭三歲一遣使祭享古本亦云

按劉向謂成湯無葬處非無葬處也言葬處者不一家
 不能確指耳今考諸家言湯墓者凡五處而小別者又
 一其言桐宮有湯墓者孔安國之說也四書集注本之
 然亦未嘗指桐宮所在惟後人以桐為虞城桐地遂於
 虞城求湯墓失前賢意矣其言濟陰亳縣有湯墓者前
 漢書注臣瓚與皇覽之說也皇覽謂在亳縣北東郭去
 縣三里杜預謂在蒙縣北薄城中毫薄一地而為東郭
 為城中此又說之小別者也攷水經注引皇覽曰在縣
 北郭東非北東郭杜預所謂蒙縣即蒙亳曰蒙縣北薄
 城即亳縣北郭東非有異地但其所謂成湯方冢者水
 經注以為即王子喬冢冢側有碑蔡中郎撰皇覽乃魏
 文帝書在中郎後不應中郎不知為湯冢至魏文帝時

始別為湯冢也且皇覽據漢哀時御史長卿行水得冢
 為言攷水經注作司空史卻長卿所得湯冢不在濟陰
 乃在扶風是一說也濟陰之湯冢水經注固不敢信
 扶風之湯冢水經注按秦寧公木紀二年伐湯三年與
 亳戰亳王奔戎遂滅湯是周桓王時自有亳王號湯為
 秦所滅乃西戎之國蓋處非殷湯葬處亦不敢信也其
 又謂汾陰有湯墓者閻若璩本馬端臨之說也閻四書
 釋地曰漢御史長卿行水災因行湯冢得之於汾陰亳
 縣馬端臨以為今河中府是夫濟陰有亳縣汾陰安得
 有亳縣蓋傳寫字謬以皇覽之濟陰亳縣為汾陰亳縣
 耳濟陰且不敢信况汾陰乎汾陰湯冢即元和郡縣志
 太平寰宇記所謂在滎河縣北四十三里者也但太平寰宇記
 統志所謂在滎河縣北四十三里者也但太平寰宇記
 曰殷湯陵在寶鼎縣北四十三里後魏太和中有縣人
 張恩破陵求貨其陵下先有石弩以銅為鏢盜開堽門
 矢發中三人皆斃恩更為他計卒取得墓中物其物多
 是鐘磬及諸樂器得其銘恩恐人知以銘投之汾水後
 事泄為主司所理乃於水次取得其銘銘曰吾死後二
 千年終困於恩由是執事不復深加其罪明一統志曰
 在滎河縣北四十里元癸未歲淪于河如太平寰宇記

所稱張恩得石銘事既誕妄不足信如一統志所載當
 元癸未已淪于河其冢又無可攷據隆平集乾德四年
 詔給守陵五戶蠲其役仍令長吏春秋奉祀夫汾陰湯
 冢自宋太祖乾德四年著諸祀典迄今且不易禮所謂
 有其舉之莫敢廢焉者也况古聖王精靈所托何處不
 存既列明神所棲止雖非湯墓而以爲湯祠焉可也
 若夫攷湯墓之所在則當以謂在偃師者近是偃師湯
 冢一徵之魏王泰再徵之李濂通志既非無據且偃師
 湯都湯自南亳徙居西亳固終于西亳葬於西亳矣葬
 近國都尤屬有理據通志在明時亦嘗列諸祀典今登
 偃東北山有所謂湯王陵者去城七八里
 古冢巍然即牧童樵豎皆知爲湯王冢云

殷王冢 郡國志注帝王世紀曰狄泉本殷之墓地在城中

東北今城中有殷王冢是也

按世紀載故洛城殷王冢不言何王然既稱殷
 當在盤庚以後且曰殷之墓地又似不一冢矣

昭王陵 明一統志在登封縣小室山陽城西谷

按左傳昭王南征不復而登封
 乃有昭王陵豈當時得返葬與

周桓王陵 太平寰宇記葬河南洹池縣東北一百二十里

周靈王冢 皇覽靈王冢在河南城西南栢亭西周山上蓋

以王生而有髭而神故諡靈王其冢民祀之不絕 水經

注洛水故瀆東逕周山上有周靈王冢

周景王冢 皇覽景王冢在洛陽太倉中秦封呂不韋洛陽

十萬戶故大其城并圍景王冢也 寰宇記帝王世紀云

景王葬於翟泉今東陽門內有大街北有太倉是景王陵

西南望步廣里北眺翟泉二處相距遠近畧均之也 水

經注皇甫謐曰悼王葬景王於翟泉今洛陽太倉中大冢

是也

按水經注既以景王家在洛陽城中而于三王陵並存景王之說蓋疑之也詳在下

周三王陵 水經注洛水故瀆又東北逕三王陵東北出焉

三王或言周景王悼王定王也魏司徒公崔浩注西征賦云定當為敬子朝作難西周政弱人荒悼敬二王與景王俱葬於此故世以三王名陵帝王世紀曰景王葬於翟泉今洛陽太倉中大家是也而復傳言在此所未詳矣又悼敬二王稽諸史傳復無葬處今陵東有石碑錄赧王以上世王名號考之碑記周墓明矣

代齊即王對言三王陵者有二一為或言以三王為一避主尊即王廟以三王為景悼敬道元又折以己意謂

景王已有冢在洛城中悼敬于史傳無葬處是于前二說所謂三王者皆不敢信但曰為周墓不確指何王蓋慎之也夫二說言三王皆有景王景王既有冢安得復在此誠如道元所譏至崔浩西征賦注恐亦傳本有誤水經注箋曰潘岳西征賦云谷景悼以迄句崔時所傳或作定悼故崔云定當作景傳寫者又誤以崔注景字作敬敬王名句安得叠言之理如是則道元所引崔注亦非本真今取其三王無景之說而于所引二說參求之則三王陵當為悼王敬王定王也

周威烈王家 水經注周威烈王葬洛陽城內東北隅景王

冢在洛陽太倉中翟泉在兩冢之間

按威烈王在敬王後敬王時已城成周遷都矣烏有威烈王復葬城內者乎蓋水經注所謂葬城內東北隅者時城內秦漢以後之城內也而水經注但言秦封西王其城并得景王家不言得威烈王家或秦時景王冢漢以後乃併得威烈王家歟○又按隆平集桓靈景威烈四王墓乾德四年詔州縣常禁樵採

漢昭帝陵 李通志在府城東平樂保

按前漢昭帝紀葬平陵三輔黃圖平陵在長安西北七十里通志以為在洛陽平樂誤

漢世祖原陵 後漢書本紀建武二十六年春正月初作壽

陵將作大匠竇融上言園陵廣袤無慮所用帝曰古者帝

王之葬皆陶人瓦器木車茅馬使後世之人不知其處太

宗識終始之義景帝能述遵孝道遭天下反覆而霸陵獨

完受其福豈不美哉今所制地不過二三頃無為山陵陂

池裁令流水而已中元二年二月帝崩于南宮前殿三月

丁卯葬原陵 帝王世紀原陵方三百一十步高六丈在

平亭東南去洛陽十五里 文獻通考山方三百二十

三步高六丈六尺垣四出司馬門寢殿鐘虞皆在周垣內
提封田四十二頃五十七畝八十五步 李通志在孟津
縣西長道社有司春秋致祭三歲一遣使祭享 後漢書
光烈陰皇后崩合葬原陵

按帝王世紀所謂去洛陽者謂古洛陽也其皇后合葬者俱附各陵之下又有廢后與非廢后而不合葬者則別出陵各而類附各代之後

漢明帝顯節陵 後漢書永平十八年秋八月壬子帝崩于

東宮前殿遺詔無起寢廟初作壽陵制令流水而已石槨

廣一丈二尺長二丈五尺無得起墳萬年之後埽地而祭

杆水脯糒而已過百日唯四時設奠置吏卒數人供給灑

埽勿開修道敢有所興作者以擅議宗廟法從事壬戌葬
 顯節陵 東觀漢紀陵東北作廡長三丈五步外為小厨
 財足祠祀 帝王世紀顯節陵方三百步高八丈其地故
 富壽亭也西北去洛陽三十七里 文獻通考山方三百
 步高八丈無周垣為行馬四出在殿北提封田七十四頃
 五畝 東平王傳帝 章帝也 欲為原陵顯節陵起縣邑蒼聞
 之遽上疏諫曰伏聞當為二陵起立郭邑竊見光武皇帝
 躬履儉約之行深觀始終之分勤勤懇懇以葬制為言故
 營建陵地具稱古典詔曰無為山陵陂池裁畝流水而已
 孝明皇帝大孝無違奉承貫行至於自所營創尤為儉省

謙德之美於斯為盛臣愚以園寢之興始自疆秦古者即
 隴且不欲其著明豈况築郭邑建都郭哉上違先帝聖心
 下造無益之功虛費國用動搖百姓非所以致和氣祈豐
 年也又以吉凶俗數言之亦不欲無故繕修邱墓有所興
 起考之古法則不合稽之時宜則違人求之吉凶復未見
 其福陛下履有虞之至性追祖禰之深思然懼左右過議
 以累聖心臣蒼誠傷三帝純德之美不暢於無窮也帝從
 而止 後漢皇后紀明德馬皇后崩合葬顯節陵
 漢章帝敬陵 後漢書章和二年春正月壬辰帝崩于章德
 前殿遺詔無起寢廟一如先帝法制三月癸卯葬敬陵

帝王世紀在洛陽城東南去洛陽三十九里伏侯古今

注陵周三百步高六丈二尺文獻通考山方三百步高

六丈二尺無周垣為行馬四出司馬門石殿鍾虞在行馬

內寢殿園省在東園寺吏舍在殿北提封田二十五頃五

十五畝後漢皇后紀章德竇皇后合葬敬陵

按獨斷章帝宋貴人曰敬隱后葬北陵安帝祖母也梁貴人曰恭懷后葬西陵和帝母也據史梁貴人生和帝實后養為己子而忌梁氏作飛書陷貴人父竦貴人曰憂卒後實后崩有上書陳狀和帝手詔臣子無貶尊上之文其勿復議于是實后得合葬敬陵

漢和帝慎陵後漢書元興元年冬十二月辛未帝崩于章

德前殿殤帝延平元年三月甲申葬慎陵帝王世紀在

洛陽東南三十里文獻通考山方三百八十步高十丈

無周垣為行馬四出司馬門石殿鍾虞在行馬內寢殿園

省在東園寺吏舍在殿北提封田三十一頃二十畝二百

步後漢皇后紀和熹鄧皇后合葬順陵

按和帝紀注慎陵俗本作順者誤徐乾學讀禮通考曰解續侯養生靈帝其陵曰慎陵不應與和帝復出疑鄧皇后紀作順陵者非誤也又和帝陰皇后葬臨平亭部故鄧后得以合葬順陵。又按舊志明帝章帝和帝三陵俱在故洛城北。山上俗稱大漢冢。二漢冢三漢冢三冢相去各里許于故洛城為在北于今洛陽為在東北據帝王世紀乃俱在洛陽東南何耶帝王世紀乃晉皇甫謐所作其時所謂洛陽者乃故洛城非今洛陽也豈三陵別有在故洛城東南者而今所傳三冢其真與抑帝王世紀有經後人入遂據今洛陽為言與據今洛陽為言里數亦合但當言東北不當言東南且明帝陵言三十七里章帝陵言三十九里則和帝陵當為

陵墓一

四十一里而日
三十里亦有誤

漢殤帝康陵

後漢書延平元年八月辛亥帝崩癸丑殯于

崇德前殿九月丙寅葬康陵注陵在慎陵塋中庚地

帝王世紀高五丈四尺去洛陽四十八里 文獻通考山周

二百八步高五丈五尺行馬四出司馬門寢鍾虞在行馬

中因寢殿為廟園吏寺舍在殿北提封田十三頃十九畝

二百五十步 獨斷以陵寢為廟者三殤帝康陵沖帝懷

陵質帝靜陵是也

漢女帝恭陵

後漢書延光四年三月丁卯幸葉帝崩于乘

車中還宮辛未夕乃發喪夏四月己酉葬恭陵注在今

洛陽東北二十七里 伏侯古今注陵山周二百六十丈

高十五丈 帝王世紀高十一丈在洛陽西北去洛陽十

五里 文獻通考山周二百六十步高十五丈無周垣為

符馬四出司馬門石殿鍾虞在行馬內寢殿園吏寺舍在

殿北提封田一十四頃五十六畝 後漢皇后紀安思閭

皇后合葬恭陵

漢順帝憲陵

後漢書建康元年八月帝崩于玉堂前殿遺

詔無起寢廟九月丙午葬憲陵 帝王世紀在洛陽西北

去洛陽十五里 文獻通考山方三百步高八丈四尺無

周垣為行馬四出司馬門石殿鍾虞在司馬門內寢殿園

省寺吏舍在殿東提封田十八頃十九畝三十步
皇后紀順烈梁皇后合葬憲陵

漢沖帝懷陵 後漢書永壽元年春正月戊戌帝崩于玉堂

前殿已未葬懷陵 帝王世紀西北去洛陽十五里 伏

侯古谷墓高四丈六尺周百八十三步 文獻通考山方

百丈對柱步高四丈六尺為寢殿行馬四出門闕寺吏舍

皆與提封田五頃八十畝 李固傳沖帝崩將北卜山

里乃議曰今處處寇賊軍興用費加倍新創憲陵賦發

其下尚幼小可起陵於憲陵塋內依康陵制度其於後

世宜減二乃從固議

漢質帝靜陵 後漢書本初元年閏月甲申大將軍梁冀潛

行鳩弒帝崩于玉堂前殿秋七月乙卯葬靜陵注在洛陽

東南三十里 帝王世紀在洛陽東去洛陽三十二里

文獻通考山方百三十八步高五丈五尺為行馬四出門

寢殿鍾虡在行馬中園寺吏舍在殿北提封田十二頃五

十四畝因寢為廟

漢桓帝宣陵 後漢書永康元年十二月丁丑帝崩于德陽

前殿靈帝建寧元年辛酉葬宣陵 帝王世紀山方二百

步高十二丈在洛陽東南去洛陽三十里 後漢皇后紀

桓思竇皇后合葬宣陵

漢靈帝文陵

後漢書中平元年夏四月丙辰帝崩于南宮

嘉德殿六月辛酉葬文陵

帝王世紀山方三百步高十

二丈在洛陽西北去洛陽三十里

太平寰宇記靈帝陵

在河清縣東南三十里

後漢皇后紀靈思何皇后合葬

文昭陵王美人生皇子協興平元年追尊為靈懷皇后改

葬文昭陵

漢光武郭后陵

皇后紀光武郭皇后葬于北邙

按紀后曰寵稍衰數懷怨懟遂廢別葬却山不合葬原陵

漢和帝陰后墓

皇后紀和帝陰皇后有言后與外祖母鄧

朱共挾巫蠱道事覺帝賜后策上璽綬遷于桐宮曰憂死

葬臨平亭部

漢順帝母李后陵

皇后紀閹皇后妬忌帝幸宮人李氏生

皇子保遂鳩殺李氏瘞在洛陽城北順帝初不知閹后崩

左右白之帝發哀親到瘞所更曰禮殯上尊諡曰恭愍皇

后葬恭北陵注在恭陵之北因以為名

漢桓帝梁貴人冢

皇后紀桓帝懿獻梁皇后葬懿陵其歲

誅梁冀廢懿陵為貴人冢焉

漢桓帝鄧后冢

皇后紀桓帝鄧皇后與郭貴人更相譖訴

詔廢后送暴室曰憂死葬在北邙

漢靈帝宋后墓

皇后紀靈帝宋皇后帝信中常侍王甫搆

言遂策收璽綬后自是致暴室呂憂死諸常侍小黃門在省闈者皆憐宋氏無辜共合錢物收葬廢后歸宋氏舊塋臯門亭帝後夢見桓帝怒曰宋皇后有何罪過而聽用邪孽使絕其命今宋氏訴于天上帝震怒罪在難救帝覺問許永對曰宜改葬呂安寃魂

蜀漢後主墓 蜀志後主以太始七年薨于洛陽

按三國志但言後主薨于洛陽不言所葬其墓當在洛陽

魏文帝首陽陵 魏志黃初三年冬十月甲子表首陽山東爲壽陵作終制曰禮國君卽位爲禕存不忘亡也昔堯葬穀林通樹之禹葬會稽農不易畝故葬於山林則合乎山

林封樹之制非上古也吾無取焉壽陵因山爲體無爲封樹無立寢殿造園邑通神道夫葬也者藏也欲人之不得見也骨無痛痒之知冢非棲神之宅禮不墓祭欲存亡之不黷也爲棺椁足以朽骨衣衾足以朽肉而已故吾營此邱墟不食之地欲使易代之後不知其處無施葦炭無藏金銀桐鐵一以瓦器合古塗車芻靈之義棺但漆際三過飯含無以珠玉無施珠襦玉匣諸愚俗所爲也季孫以璵璠斂孔子歷級而救之譬之暴骸中原宋公厚葬君子謂華元樂莒不臣以爲棄君於惡漢文帝之不發霸陵無求也光武之掘原陵封樹也霸陵之完功在釋之原陵之掘

罪在明帝是釋之忠以利君明帝愛以害親也忠臣孝子
宜思仲尼邱明釋之之言鑒華元樂莒明帝之戒在於所
以安君定親使魂靈萬載無危斯則聖賢之忠孝矣自古
及今未有不亡之國亦無不掘之墓也喪亂以來漢氏諸
陵無不發掘至乃燒取玉匣金縷骸骨并盡是焚如之刑
豈不重痛哉禍由乎厚葬封樹樂霍爲我戒不亦明乎
其皇后及貴人以下不隨王之國者有終沒皆葬澗西前
又以表其處矣蓋舜葬蒼梧二妃不從延陵葬子遠在羸
魂而有靈無不之也一澗之間不足爲遠若違今詔妄有
所變改造施吾爲戮尸地下戮而重戮死而重死臣子爲蔑

死君父不忠不孝使死者有知將不福汝其以此詔藏之
宗廟副在尚書祕書三府七年夏五月丁巳帝崩于嘉福
殿六月戊寅葬首陽陵自殯及葬皆以終制從事 **太平**
寰宇記魏文帝陵在偃師縣首陽山南

魏明帝高平陵 **魏志**景初三年春正月丁亥帝崩于嘉福
殿癸丑葬高平陵 **水經注**大石山阿有魏明帝高平陵

孫盛魏世籍高平陵在洛水南大石山去洛城九十里

按李濂通志誤以明帝陵爲在孟津舊河清城
曹氏名勝志遂有高平津之名辨見津渡門

魏高貴鄉公墓 **魏三少帝紀**高貴鄉公卒以王禮葬之注

漢晉春秋曰丁卯葬高貴鄉公于洛陽西北三十里漚澗

之濱下車數乘不設旌旄百姓擁聚而觀之曰是前日所殺天子也或掩面而泣悲不自勝

魏文帝郭后陵

魏后妃傳文帝郭皇后崩于許昌以終制

營陵三月庚寅葬首陽陵西

按魏畧明帝嗣立追痛甄后之禍由於郭后故郭后暴崩勅殯者使如甄后故事不合葬

魏明帝郭后陵

魏后妃傳明元郭皇后葬高平陵西

按薛收元經傳漢故事陵上立祭殿至魏制以謂古不墓祭自有廟設於是園邑寢殿遂廢

晉宣帝高原陵

晉書宣皇帝魏嘉平三年秋八月戊寅崩

于京師九月庚申葬于河陰先是預作終制於首陽山為土藏不墳不樹作顧命三篇斂以時服不設明器後終者

不得合葬

晉后妃傳宣穆張皇后葬洛陽高原陵

季

通志陵在府城北二十里

晉景帝峻平陵

晉書景皇帝魏正元二年閏二月辛亥崩

于許昌武帝受禪上尊號曰景皇帝陵曰峻平

太平寰

宇記晉景帝陵在河清縣南三十里高六丈四尺

晉后

如傳景陵夏侯皇后青龍二年崩葬峻平陵景獻羊皇后

咸寧四年崩祔葬峻平陵

晉武帝峻陽陵

晉書泰始二年冬十月丁未詔曰昔舜葬

蒼梧農不易畝禹葬會稽市不改肆上惟祖宗清簡之旨所徙陵十里內居人動為煩擾一切停之太熙元年夏四

月巳酉帝崩于含章殿五月辛未葬峻陽陵 晉后妃傳

武元楊皇后泰始十年崩于明光殿葬于峻陽陵 李通

志陵在府城北

晉惠帝太陽陵 晉書光熙元年十一月庚午帝崩于顯陽

殿十二月巳酉葬太陽陵 李通志陵在府城東南

按元帝太興二年太陽陵毀帝素服哭三日

後魏孝文帝長陵 魏書太和二十三年四月丙午帝崩于

穀塘原之行宮至魯陽發哀還京師五月丙申葬長陵魏

皇后傳幽皇后馮氏葬長陵塋內昭皇后高氏先葬城西

長陵東南陵制卑局因就起山陵號終寧陵置邑戶五百

家肅宗遷靈輓於長陵兆西北六十步

按魏書初高祖孝于太后乃于方山太后承嗣陵東北里餘豫營壽宮有終焉瞻望之志及遷洛陽乃自表灑西以為山園之所而方山為虛宮據是則高祖長陵當在灑西

後魏宣武帝景陵 魏書延昌四年春壬月甲寅帝不豫丁

巳崩于式乾殿二月甲午葬景陵

按景陵正當隋宮城西北卽山上唐秦王登魏宣武陵知賊可擊者也

隋煬帝陵 李通志陵在永寧縣東北煬帝崩于江都唐太

宗遷葬于此

按隋書大業十三年十一月唐公入京師遜尊帝為太上皇立代王侑為帝改元義寧二年三月右屯衛將軍宇文化及等以驍果作亂入犯宮闈上崩于溫室蕭后令宮人撤床簀以理之化及發後衛右將軍陳稜奉梓

宮于成象殿墓吳公臺下
唐平江南之後改葬雷塘

唐孝敬皇帝陵 [唐書] 孝敬皇帝宏顯慶元年立為太子上

元二年從幸合璧宮遇酖薨詔諡孝敬皇帝葬緱氏墓號

恭陵制度盡用天子禮帝自製睿德紀刻石陵側營陵工

費鉅億人厭苦之投石傷所部官司至相率亡去 [太平

寰宇記] 恭陵在緱氏縣東北五里

按孝敬陵今呼為太子陵在偃師縣南景山上舊府志以太子陵為敬宗陵唐自別有敬宗太子諡孝敬非敬宗也

唐中宗定陵 [舊唐書] 景龍四年六月壬午帝崩于神龍殿

十一月己酉葬于定陵 [李通志] 陵在偃師縣東

按舊府志中宗陵在偃師縣東失攷說者以偃師縣東三里所謂王彌墓者即中宗陵據水經注王彌墓當在偃師縣西不在縣東則謂縣東有冢非王彌墓良是但以為即中宗陵亦不可攷元和郡縣志定陵在富平縣西北十五里龍泉山是謂中宗陵為在偃師縣東者非也蓋冢甚高大似陵制不類常人墓特不知為何王陵耳

唐昭宗和陵 [舊唐書] 天祐元年八月壬寅朱全忠弒昭宗

于椒殿二年二月己酉葬于和陵 [太平寰宇記] 昭宗陵

在緱氏縣東北五里 [唐地理志] 和陵在緱氏縣太平山

本嶼來山天祐元年更名 [舊唐書] 昭宗陵

五代梁太祖宣陵 [五代春秋] 乾化二年六月戊寅皇子友

珪弒逆帝崩于寢十一月甲寅葬于宣陵 [五代會要] 陵

在洛京伊闕縣

古蹟志 陵墓一

五代梁末帝墓 [五代春秋龍德二年十月辛未晉師迫京

師戊寅帝崩于建國樓下 [通鑑辛巳莊宗詔王瓚收友

貞尸殯于佛寺漆其首函之藏于大社 [五代會要晉天

福二年安從進收葬之 [揮塵錄梁末帝葬伊闕縣

五代唐太祖曹后坤陵 [五代會要後唐太祖皇后曹氏同

光三年七月崩諡曰正簡十月葬于坤陵初欲祔於代州

太祖園陵中書門下奏議曰人君以四海為家不當異南

北洛陽帝王之宅四時朝拜理須便近不能遠幸代州且

漢代諸陵皆近秦國朝陵寢布列京畿後魏文帝自代還

洛之後園陵皆在河南兼勅勛臣之家不許北葬今魏氏

諸陵尚在祔葬代州理未為允從之

五代唐莊宗雍陵 [五代春秋同光四年四月丁亥朔郭從

謙弒逆帝崩于絳霄殿天成元年七月葬于雍陵 [五代

史注帝尸為伶人焚之明宗入洛得其骨燼葬之河南新

安縣號雍陵 [五代會要陵在洛京新安縣至晉天福二

年正月以犯廟諱改為伊陵 [揮塵錄後唐莊宗葬伊陵

在新安縣

按陵在縣北七十里鄭
駟馬墓西高二丈許

五代唐明宗徽陵 [五代春秋長興四年十一月戊戌帝崩

于雍和殿清泰元年四月丙申葬徽陵 [五代會要陵在

洛京洛陽縣

〔揮塵錄〕明宗葬徽陵在洛陽東北

按五代史注梁太祖號宣陵以不得其死故不書葬唐明宗號徽陵雖得其死而為賊所葬故亦不書葬

五代唐閔帝墓

〔五代會要〕長興四年十二月即位應順元

年四月廢為鄂王遇弒葬徽陵之封中

五代唐末帝墓

〔五代史注〕帝自焚死晉葬其骨于徽陵域

中

五代晉高祖顯陵

〔五代春秋〕天福七年六月乙丑帝崩于

鄴都保昌殿十一月葬顯陵

〔揮塵錄〕石晉高祖葬顯陵

在壽安縣

〔李通志〕陵在宜陽縣西北

按明一統志陵在交城縣西北六十里可備一說

萬歲殿十一年壬申葬之陵

〔五代會要〕唐葬在洛京

減縣

〔李通志〕陵在登封縣東測影臺左

宋順祖康陵

翼祖靖陵

〔東都事略〕建隆元年三月有司

上皇帝會祖中丞府君諡曰惠元皇帝廟號順祖皇會祖妣

桑氏諡曰惠明皇后陵曰康陵皇祖號衛府君諡曰簡恭

皇帝廟號翼祖皇祖妣京兆郡夫人劉氏諡曰簡穆皇后

陵曰定陵

〔宋史禮志〕順祖翼祖皆葬幽州至真宗始命

營奉二陵遂以一品禮葬河南縣制度比安陵減五分之

一石作減三分之一等改定陵曰靖陵

宋宣祖安陵

東都事略建隆元年三月有司上皇考武清

府君諡曰昭武皇帝廟號宣祖陵曰安陵

宋史禮志安

陵在京城東南隅乾德初改卜河南府鞏縣西南四十里

訾鄉鄧封村以司徒范質為改卜安陵使學士竇儼禮儀

使中丞劉溫叟儀仗使樞密直學士薛居正鹵簿使太宗

時尹開封為橋道頓遞使質尋免相以太宗兼轄五使事

修奉新陵皇堂下深五十七尺高三十九尺陵臺三層正

方下層每面長九十尺南神門至乳臺至鵲臺皆九十五

步乳臺高一十五尺鵲臺增四尺神墻高九尺五寸環四

百六十步各置神門角闕東都事略宣祖昭憲皇后杜

氏建隆二年崩于滋德殿諡曰明憲葬安陵乾德二年十

卜安陵更諡曰昭憲合祔安陵文獻通考安陵陪葬子

孫一百二十一墳

按太祖父宣祖周廣順末鐵騎第一軍復轉右廂皆都
指軍令鞏人猶呼永安陵為指揮陵在鞏縣西南牛首
山北麓西與太
祖陵相去里餘

宋太祖永昌陵東都事略開寶九年冬十月癸丑帝崩于

萬歲殿明年四月乙卯葬永昌陵宋史禮志陵在鞏縣

耐宣祖孝章皇后宋氏至道元年四月崩六月上諡曰孝

章皇后以歲忌權檟于趙村沙臺三年正月祔葬永昌陵

之北皇堂陵臺神牆乳臺鵲臺並如孝明園陵制度文

獻通考永昌陵陪葬子孫一十五墳

按宋時皇后如宣祖昭憲杜后合祔安陵為行前代之禮而太祖之孝明李惠二后一葬宣祖安陵西北一葬安陵之北孝章宋后亦不同兆域太宗皇后尚有葬安陵西北者章憲明肅劉后亦葬真宗永定陵西北隅當時禮官不主祔葬茲惟宋孝章宋后祔葬者附著永昌陵下其孝惠皇后孝明王后別陪葬者例為另列宋代帝陵之後以古蹟中有一

宋太宗永熙陵 東都事畧至道三年三月癸巳帝崩于萬

歲殿十月巳酉葬永熙陵前德皇后李氏祔葬永熙陵元

德皇后李氏以真宗生母祔葬永熙陵 宋史禮志永熙

陵皇堂深百尺方廣八十尺陵臺方二百五十尺置衛士

五百人于陵 文獻通考元德皇后李氏以至道三年十

月追尊先殯于普安禪院咸平元年議改卜園陵二年命

使按行園陵地議立陵名禮官言周顯德末都省集議故

事帝后同陵謂之合葬同塋謂之祔葬漢呂氏陵在長陵

西百餘步以同塋兆而無名號又唐穆宗二后王氏生敬

宗蕭氏生文宗並祔葬光陵之側今園陵鵲臺在永熙陵

封地之內恐不須別建陵號從之又永熙陵陪葬子孫八

墳

按昌陵在安陵西里餘熙陵在昌陵西里餘三陵俱在牛首山北麓永安縣羅水之南

宋真宗永定陵 東都事畧乾興元年二月戊午帝崩于延

慶殿冬十月巳酉葬永定陵 宋史禮志山陵按行使藍

繼宗言據司天監定永安縣東北六里曰卧龍岡堪庀山
陵詔雷允恭覆按以聞皇堂之制深八十一尺方百四十
尺制陵名曰永定章獻明肅皇后劉氏明道二年三月崩
于寶慈殿司天監詳定山陵制度皇堂深五十七尺神牆
高七尺五寸四面各長六十五步乳臺高一丈九尺至南
神門四十五步鵲臺高二丈三尺至乳臺四十五步十月
五日葬永定陵之西北隅章惠皇后楊氏明道三年十二
月崩四年二月葬永定陵之西北隅宋后妃傳李宸如
生仁宗章獻以爲已子仁宗不自知爲妃所出也明道元
年薨章獻太后欲以宮人禮治喪丞相呂夷簡奏禮宜從

厚太后獨坐簾下召呂夷簡問曰一宮人死相公云何呂
夷簡曰臣待罪宰相事無內外無不當預太后怒曰相公
欲離間吾母子耶夷簡從容對曰陛下不以劉氏爲念臣
不敢言儻念劉氏則喪禮宜從厚太后悟遽曰宮人李宸
妃也夷簡請治喪用一品禮殯洪福院夷簡又謂入內都
知羅崇勳曰宸妃當以后服殮用水銀實棺異時勿謂夷
簡未嘗道及崇勳如其言後章獻太后崩燕王爲仁宗言
陛下乃李宸妃所生死以非命仁宗號慟尊妃爲皇太后
諡曰莊懿幸洪福寺祭告易梓宮親往視之妃玉色如生
冠服如皇太后以水銀養之故不壞仁宗歎曰人言其可

信哉遇劉氏加厚陪葬永定陵慶歷中改諡章懿
 傳謂為山陵使雷允恭為都監與判司天邢中和擅易皇
 堂地眾議喧騰謂庇允恭依違不決詔王曾馮拯曹利用
 等覆視咸云應用舊地遂誅允恭太后與帝坐承明殿詰
 問謂為宰輔交通宦官坐陵大事擅有變易論罪降官又
 貶崖州司戶叅軍籍其家 [文獻通考]始丁謂請名陵曰
 鎮陵及謂貶馮拯謂三陵止名安陵又翼祖已名定陵于
 是改翼祖陵為靖陵議者譏拯不學當時無正之者

按營定陵時徐仁旺奏用牛首山前丁謂定用山後爭
 之不可仁旺表日出後之害坤水長流災在丙午年丙
 丁風直射禍當丁未年終其言卒驗今真宗陵在西青
 龍山西北與牛首山陵中隔羅水而徐丁所爭牛頭山

前山後者乃青龍西北別起一小山狀類牛頭而得各
 非太祖陵南之牛首山也當時亦曰卧龍岡據史丁謂
 置皇堂土石相半繼之以水王曾奏太后丁謂包藏禍
 心置皇堂於絕地太后怒丁謂貶死當時已不用丁謂
 所定皇堂矣然今真宗陵南高北下退就卑濕猶是丁
 謂山後之議也意丁謂所用更在北以王曾奏乃稍移
 就南耳至通考譏馮拯易名定陵與翼祖陵本名同長
 非但謂永安為縣名宣祖陵止名安陵無永安之稱殊
 不然永安名縣乃因陵而名宋代諸陵皆有永安其稱
 之也或言永某陵或但曰某陵皆得非宣祖陵無永安
 之號也○又按真宗三后潘后葬永昌陵側郭后葬永
 熙陵西北故惟劉后祔葬定陵又楊后仁宗尊為皇太
 后亦祔葬定陵李宸如常從守定陵乃殯洪福院太后
 崩仁宗知為宸如所生尊為皇太后陪葬永定陵今定
 陵後俗呼為呂道姑陵者恐是
 呂李聲譌即李宸如陪葬陵也

宋仁宗永昭陵 東都事畧嘉祐八年三月辛未帝崩于福

寧殿冬十月甲午葬永昭陵 傳家集司馬光言山陵擇

地劉子畧曰臣竊聞朝廷遣使按行山陵至今未知定處
 或云欲於永安縣外廣求吉地臣以為過矣國家自宣祖
 以來葬于永安百有餘年官司儲侍素皆有備今改卜他
 所不惟縣邑官司更須創制亦恐大行皇帝神靈眷戀祖
 宗未肯卽安於新陵也伏望朝廷特賜指揮按行山林使
 等只於永安界舊陵側近選擇善地 韓忠獻遺事仁宗
 永昭陵葬且有日忽傳皇堂棟損時諸使皆欲不問而掩
 之韓公琦正色曰不可果損當易之若違葬期侈所費此
 責猶可當若苟且掩之後有壞而致人主疑心臣下何以
 當責 宋史禮志慈聖光獻皇后曹氏元豐二年十月崩

于慶壽宮命韓縝為山陵案行使縝言永昭陵北稍西地
 二百六十步內方六十五步可為山陵上以迫隘詔增十
 步三月十日葬永昭陵

按名臣琬琰之集鄭獬上疏曰仁宗大行皇帝永昭陵
 依乾興制度雖未為過侈以今較昔蓋有不同乾興帑
 庫充積財力有餘故可以溢祖宗之舊制今國用空闕
 財賦不支將累歲邊備一日費之不知何年復能充補
 萬一歲凶民饑少有風塵之警則將何策以禦豈可以
 乾興為法也夫儉葬之制周公非不忠曾子非不孝以
 為褒君愛父不在於聚財此前世之極論竊惟大行皇
 帝節儉愛民出於天性無珠玉奇異之好無犬馬游觀
 之樂服御至於澣濯器玩極於樸陋此天下之所共知
 也今山陵制度乃取乾興最盛之時為準獨不傷先帝
 平日積儉之德乎臣以為宜飭有司條其名數再議減
 節范鎮奏曰竊聞大行皇帝受命寶及沿寶法物與平
 生衣冠器用皆欲舉而葬之恐非所以稱大行皇帝恭
 儉之意其受命寶伏乞陛下自寶用之且示有司傳付

若衣冠器玩則請陳於陵寢及神御殿歲時展視以慰
 思慕詔檢討官討尋典故及命兩制官禮官詳議翰林
 學士王珪等奏議曰受命寶者猶昔傳國璽也宜為天
 子傳器不當改作古者藏先王衣服於廟寢至於平生
 器玩則前世既不皆納於方中亦不盡陳於陵寢謂今
 宜從省約以稱先帝恭儉之實臣等謹議元豐三年程
 頤代富弼上神宗皇帝論永昭陵疏臣弼伏觀太皇后
 山陵有期老臣之心有所甚切不忍不言昧死以聞惟
 陛下深思而力行之不勝大願在者營奉昭陵時英宗
 皇帝方不豫未能聽事朝廷罔然不知其制失於迫卒
 不復深慮博訪凡百規畫一出匠者之拙謀中人之私
 意以巨木架石為之屋計不百年必當損墜壙中又為
 鐵罩重且萬斤以木為骨大止數寸不過二三十年決
 須摧毀梓宮之厚度不盈尺異日以萬鈞之石自高而
 墜其將奈何思之及此骨寒膽喪臣始則不知其詳後
 則無以為計士民之間有知之者無不痛心飲恨况老
 臣之心乎况陛下之心乎其後厚陵始為石藏議者竊
 意主事大臣已悟昭陵之事獨陛下未知之爾今也不
 幸太皇太后奄棄天下之養因此事會當為之謀竊以
 周公制合葬之禮仲尼善魯人之耐歷代諸陵雖不盡

用亦多行之太祖皇帝神謀聖慮超越萬古昭憲太后
 亦合安陵夫以周公之制仲尼之訓歷代之舊藝祖之
 法循而行之可無疑也老臣願陛下思安親之道為後
 日之慮決於聖心勿循浮議奉太皇太后合祔昭陵因
 得徹去鐵罩用厚陵石藏之制仍更別加裁處使異日
 雖木壞石墜不能為害救仁皇必至之禍成陛下莫大
 之孝復何難哉在陛下斷之而已而史稱昭陵北稍西
 地為山陵則其議固不行也○又按宋史范純禮知永
 安縣永昭陵在其境內初建時配木石磚甃及工徒於
 一路獨永安不受令請于山陵使韓琦曰歲時繕治無
 虛日願勿與諸縣均賦琦是其言而名勝志則以為修
 曹后山陵范公與曾魯公力爭與史不同蓋據過庭錄
 所傳也且又以永安為今
 永寧宋陵寢多在焉大謬

宋英宗永厚陵 東都事畧 治平四年春正月帝崩于福寧

殿秋八月癸酉葬永厚陵 文獻通考 英宗崩遺詔山陵

務從省約所歷郡縣無科率煩民八月葬永厚陵禮如舊

制 演繁露温公日記記英廟山陵舊制曰山陵皇堂壘石爲壁積材木於上以卷石覆之神宗以材木有時而朽則卷石必墜於梓宮不便更令就地爲石椁以藏梓宮總管張若水恐穿地或墮陷四壁乃請於平地壘石爲椁及後山陵復土梓宮入降隧道升石椁西首御夷牀不及地一尺而止俟已時一刻乃下仍於其上布方木及蓋條石乃設御座於蓋下闔石門出築合隧道案此則是神宗慮木久遠必朽朽必壓故專令卷石爲椁起自地上石旣四周捲起交相鈎鬪永不壓壞最爲堅耐趙州石橋正用捲石法故大水不能齧重車不墊也神宗雖有此旨若水董

役不敢廢去舊制故捲石之上仍鋪蓋木設使蓋木朽壞而其下自有捲石承之殆無害也 宋史禮志英宗宣仁

聖烈皇后高氏哲宗元祐八年九月三日崩于崇慶宮詔園陵依慈聖光獻太皇太后之制紹聖元年四月一日葬

永厚陵

按仁宗英宗二陵俱在青龍山北孝義保英宗陵東去仁宗陵一里許

宋神宗永裕陵 東都事畧元豐八年三月戊戌帝崩于福

寧殿冬十月乙酉葬永裕陵 宋史禮志紹聖四年太史請遷去永裕陵禁山民冢一千三百餘以便國音帝曰遷墓得無擾乎若無所害則令無遷果不便國音當給官錢

以資葬費神宗欽聖憲肅皇后向氏建中靖國元年正月十三日崩太常寺言大行皇太后山陵一行法物宜依元豐二年慈聖光獻皇后故事皇堂之制下深六十九尺面方二丈五尺石地穴深一丈明高二丈一尺鵲臺二各高四十一尺乳臺二各高二丈七尺神牆高一丈三尺五月六日葬永裕陵

后妃傳欽成朱皇后生哲宗崇寧元年

二月薨追冊為皇后陪葬永裕陵欽慈陳皇后生徽宗帝

崩守陵殿未幾薨建中靖國元年追冊為皇太后陪葬永

裕陵

宋哲宗永泰陵

東都事畧元符三年正月己卯帝崩于福

寧殿七月壬寅葬永泰陵昭懷皇后劉氏政和元年崩陪葬永泰陵

宋史禮志哲宗崩徽宗即位詔山陵制度並

如元豐

按神宗哲宗二陵俱在九山東北麓二陵相去一里許。又按中興記建炎元年五月一日大赦天下詔永安軍祖宗陵寢西京應天禪院會聖宮影殿西墳可差西京留守及臺官一員日下前去躬親省視如合修奉去處一面措置仍密具奏聞南墳委汝州守臣依此演繁露宗子自祔葬山陵之外又有南墳西墳

宋欽宗陵

朝野雜記欽宗之喪舉哀于天章閣南以學士

院為几筵殿上陵名曰永獻暨乾道中朝廷遣使求陵寢地金人許以遷奉且併歸靖康梓宮朝廷難之金人乃以禮陪葬于鞏縣云

文獻通考金人徙葬欽宗于鞏原而

荆襄謀報乃謂金以十萬騎奉還陵寢以來中外洶洶邊塞咸請增戍後卒無事

按宋史高宗紹興五年上皇卒于金七年始聞上皇之喪帝成服上廟號曰徽十二年八月金人歸徽宗之喪十月權權帝后梓宮于會稽號永固陵十三年更永固陵曰永祐三十一年始聞靖康帝之喪至孝宗乾道七年金人乃以一品禮葬欽宗于鞏洛之原鞏舊志辨鞏縣有欽宗陵無徽宗陵固非無據但欽宗為金人所葬鞏縣欽宗陵今亦無可攷傳聞是否猶不可知較耕錄載楊髡發陵之時言徽欽五國城數遣使祈請于金人欲歸梓宮凡六七年而後許至此被發掘徽欽二陵皆空無一物徽陵有朽木一段欽陵有木燈檠一枚而已蓋當時已料其真偽不可知不欲逆詳亦以慰一時之人心耳而二帝遺骸浮沉沙漠初未嘗還也又孫賜曰徽欽二帝陵在高麗地方二陵大如山高麗人皆知為宋二帝陵也蓋金時幅員甚廣高麗北境皆其地彼時葬二帝于此以空柩歸中國耳據是則會稽之徽欽陵與鞏縣之欽陵皆非其實矣且鞏志誤以會稽永祐

陵為永裕陵而反疑鞏縣神宗永裕陵為有誤併為正之

宋太祖賀后陵 東都事畧太祖孝惠皇后賀氏周顯德五

年崩葬安陵之西北 宋史禮志乾德元年十二月時議

改卜安陵于鞏并以二后孝明孝惠陪葬焉四月九日葬孝惠

于安陵之西北

宋太祖王后陵 宋史禮志改卜安陵于鞏并葬孝明王后

于安陵之北

宋太宗尹后陵 東都事畧太宗淑德皇后尹氏早崩葬于

孝明陵之西北

宋太宗符后陵 東都事畧太宗懿德皇后符氏葬于安陵

之西北

宋真宗潘后陵 宋史后妃傳真宗章懷潘皇后端拱二年五月薨葬永昌陵之側陵名保泰

宋真宗郭后陵 宋史后妃傳真宗章穆郭皇后景德四年崩葬永熙陵之西北

宋徽宗王后陵 東都事畧顯恭皇后王氏徽宗即位冊為皇后生欽宗崩葬永裕陵之次

按東都事畧徽宗王后初諡靖和改諡惠恭又改顯恭徽宗明達皇后劉氏陪葬惠恭皇后園明節皇后劉氏與明達並園立祠如是則徽宗三后俱祔神宗陵矣

河南府志卷之七十二終

河南府志卷之七十三

古蹟志十九

陵墓二 洛陽

商彭母冢 名勝志彭母冢在萬安山麓彭母不知何許人

宋時有彭婆鎮本此

按舊志以彭婆為彭祖之母據水經注彭城即殷大夫彭祖之國世本曰陸終之子其二曰篋是為彭祖彭祖城有彭祖冢洛陽為彭祖母他無所見故名勝志以為不知何許人又考唐李希烈叛圍鄭州邏騎西至彭婆則彭婆之名唐已有之不始於宋其由來遠矣

戰國蘇秦冢 伽藍記清陽門外有孝義里里西北角有蘇

秦冢冢傍有寶明寺眾僧常見秦出入北冢車馬羽儀若

今宰相也

按蘇秦冢在河南郡有三處一在洛陽如伽藍記所稱是也一在新安縣西李濂通志引唐張巡詩沙埋古篆折碑文六國存亡事繫君今日凄涼無處說亂山秋盡有寒雲是也一在鞏縣西南六十里有三蘇冢縣志以為蘇秦蘇代蘇厲三冢是也

秦呂不韋冢 後漢郡國志注洛陽縣北芒山道西呂不韋

冢

漢雍齒墓 李通志墓在府城東齒什方侯

漢賈誼墓 史記賈生為梁懷王太傅懷王墮馬死賈生自

傷為傅無狀哭泣歲餘亦死賈生之死年三十三矣

按賈誼墓舊志謂在縣東北卽山上大坡口道西蓋誼葬洛陽相傳在此

漢朱買臣墓 墓銘漢丞相長史朱買臣墓

按舊志洛陽嘗平御路北市東南隅得銘云云

漢鄧晨墓 鄧晨傳晨娶光武姊元光武兵敗單馬遁走遇

女弟伯姬與共騎而奔前行復見元趨令上馬元手攜曰行矣不能相救無為兩沒也遂遇害後晨卒詔遣中謁者備公主禮招新野主魂與晨合葬於北卽

漢祭遵墓 祭遵傳遵卒于軍喪至河南詔遣百官先會喪

所車駕素服臨之至葬車駕復臨既葬車駕復臨其墳後會朝帝每歎曰安得憂國奉公之臣如祭征虜者乎 李

通志墓在府城北卽山遵征虜將軍封潁陽侯

漢祭彤墓 祭彤傳 遵卒無子帝追傷之吕彤為偃師長令近遵墳墓四時奉祠之帝以彤為能拜遼東太守既卒烏桓鮮卑追思彤無已每朝賀京師過冢拜謁號泣乃去

李通志墓在府城北

按彤傳令為偃師長近遵墓則遵墓當在偃師矣通志謂在洛陽姑仍之

漢鄧訓墓 鄧訓傳 訓禹第六子和帝吕訓皇后之父使謁者持節至賜策追封諡曰平壽敬侯 李通志 墓在北邙

漢班超墓 李通志 墓在府城北 大 超定遠侯

漢劉寬墓 李通志 墓在府城北 山 寬太尉墓上有二碑皆故吏門生所立

漢崔瑗墓 崔瑗傳 瑗臨終顧命子實曰夫人稟天地之氣吕生及其終也歸精于天藏形于地何地不可藏勿歸鄉里實奉遺令遂留葬洛陽 李通志 墓在府城東

漢范丹墓 李通志 墓在府城西 金水保
按後漢獨行傳作范冉陳留外黃人卒于家遺命氣絕便歛歛畢便穿穿畢便埋墳封高下令足自隱知我心者李子堅王子炳也勿令鄉人宗親有所加大將軍何進移書陳留太守累行論諡僉曰宜為貞節先生會葬者二千餘人刺史郡守各為立碑表墓焉據本傳丹卒于家即葬陳留故何進移書陳留太守論諡其為立碑表墓者亦陳留太守也洛陽安得有范丹墓又金水旁有范丹窰與范丹墓俱屬附會

漢何進墓 李通志 墓在府城西北 杜村保 進漢大將軍
漢樂羊子妻墓 後漢列女傳 河南樂羊子妻者不知何氏

之女也盜欲有犯妻者乃先劫其姑妻聞操刀出盜曰釋汝刀從我者可全不則殺汝姑妻刎頸而死太守聞之即捕殺盜而賜妻繒帛巨禮葬之號曰貞義

按李濂通志以貞義婦為戰國時人誤

漢安定真墓 兩京雜記定真善筭術成帝時嘗自筭其年七十三至期果死又曰北邙青隴上孤櫬之西四丈鑿七尺吾葬地也真死依言往掘得古時空槨即葬焉

蜀漢關壯穆墓 三國志注吳歷曰權送公元於曹操操以諸侯之禮葬之

按冉中牟有壯穆考於壯穆葬處以為未詳又謂河南府有關公冢土人謂葬元處據舊洛志謂曹操葬公元

於洛陽城南五里今故洛城南五里關莊有冢甚大土人作冢其上下有公廟而今人所謂關冢者乃在今洛陽城南十五里南直伊闕論者多據舊志指故洛城南五里者為確但舊志亦出後人手所謂城南五里者未必即指曹魏故城言之且舊志又謂故城南得關朗墓志其非公墓明矣。又按公墓在海內者凡三一在洛陽公墓元處一在當陽玉泉公墓身處一在成都萬里橋南乃昭烈招魂葬公處

晉王祥墓 王祥傳祥遺令西芒上土自堅貞勿用甃石勿

起墳隴穿深二丈椁取容棺勿作前堂其子奉而行之

按祥遺令葬西芒李濂謂府城西有王祥墓是已又本傳祥幼子烈芬將死烈欲還葬舊土芬欲留葬京邑祥流涕曰不忘故鄉仁也不戀本土達也惟仁與達吾二子有焉然終從西芒之命矣

晉羊祜墓 羊祜傳祜卒從弟琇等述祜素志求葬於先人

墓次帝不許賜去城十里外近陵墓地一頃 李通志墓

在北邙山

晉張華墓

京洛朝市圖張華墓在修義坊

李通志墓在

府城北邙山華為楚王所害葬此

晉石崇墓

石崇傳崇被害及惠帝復祚詔以卿禮葬之

李通志墓在府城北邙山

晉王戎墓

聞見錄東都殖業坊有王戎墓隋時釀酒家穿

其旁作窖得銘曰晉司徒尚書令安豐侯王君墓

晉陳壽母墓

李通志墓在府城北壽安漢人張華舉孝廉

補陽平令母遂葬此

晉仲理墓

水經注灑水西南有帛仲理墓墓前有碑題

云真人帛君之表仲理名護益州巴郡人晉永寧二年十

一月立

後魏馮熙墓

北史外戚傳熙薨于代詔開魏京之墓令公

主之柩併向伊洛柩至七里澗衰服往迎葬日送臨墓所

親作誌銘

按馮熙墓據李濂通志在府城南而故洛陽東北有馮王山其上有馮王家乃馮熙墓也通志似誤

後魏韓延之墓

韓延之傳初延之曾來往栢谷塢省魯宗

之墓有終焉之志因謂子孫云河洛三代所都朝廷必有

居此者我死不勞向北代葬也即可就此子從其言遂葬

宗之墓次延之後五十餘年而孝文徙都其孫數家即居

於祖墓之北栢谷塢

按通志以韓延之墓為在府城北今考府城北無所謂栢谷塢疑延之墓處即鞏偃間栢谷塢而鞏偃之栢谷塢又無延之墓姑從通志入洛陽或當時有兩栢谷塢未可知耳

清女冢 水經注洛水枝瀆逕清女冢南冢在北山上者舊

傳云斯女清貞秀古跡表來今矣

按清女冢不詳何代見水經注故附于後魏之後

唐狄仁傑墓 李通志墓在府城東仁傑司空封梁國公

按墓在白馬寺東大道北有碑題為有唐忠臣狄梁公墓而孟津志謂狄仁傑墓在縣西梁周村昔有取土者得誌石知為狄公墓未知確否

王義童墓 文苑英華楊炯撰神道碑畧云王公諱義童

乘使者之轎車掌行人之旌節陸賈至於南海先責尉佗
隨何入於九江即徵黥布詔除泉州都督封建昌縣男卒

葬于伊闕縣之萬安山

唐喬知之墓 李通志墓在府城北邙山知之右司郎中

唐劉幽求墓 李通志墓在府城東北鳳凰保幽求左僕射

封徐國公

唐張建封墓 李通志墓在府城東建封尚書僕射白樂天

詩有人新自洛陽回曾到尚書墓上來即此

唐姚崇墓 文苑英華張說撰神道碑畧云薨於東都之慈

惠里諡文貞葬於萬安山之南原

按崇墓在洛陽通志謂在陝州考陝州乃崇父姚懿墓非崇墓也據姚懿墓碑云崇母夫人劉氏遺令不合葬乃葬于龍門萬安山之南如是則崇墓乃在萬安母墓之次矣唐書崇父子同諡文獻而神道碑請崇諡文貞當有一誤又說者謂崇與說有隙遺命說承弔盛陳寶玩說有欲色則獻之說料事遲先磨石以待文成速上石子孫如言說碑文云八柱承天高明之位定四時成象亭毒之功存說果悔索稿再易已無及矣乃嘆曰死姚崇猶能笄生張說今考崇神道碑乃燕公奉勅撰非崇子弟乞為文也則此言乃好事者為之耳

唐姚奕墓

通志金石畧西京有光祿卿姚奕碑徐浩書

唐姚奕墓

通志金石畧西京有尚書右丞姚奕碑徐浩書

按唐書奕崇長子奕崇三子則二墓俱當在崇墓之次

唐姚勗墓

本傳勗自作壽藏於萬安山南原崇塋之旁畧

兆曰寂居穴墳曰復真堂中剡土為牀曰化臺而刻石告

後世

按勗奕曾孫也曰崇塋之旁則崇後數世皆葬萬安山南矣

唐張鷟墓

文苑英華張說撰神道碑畧云贈丹州刺史郎

于東都康俗里安厝于萬安山陽

唐書張說傳說父僕

帝為書額曰嗚呼積善之墓

唐張說墓

文苑英華張九齡撰墓誌燕國公說窆于萬安

山陽

唐董晉墓

文苑英華權德輿撰神道碑畧云尚書左僕射

宣武軍節度使董晉葬于河南縣萬安山之原

唐董溪墓

金石攷溪太師晉第二子葬萬安山下太師墓

河

古蹟志

七

陵墓二

左韓愈換墓銘

唐白居易墓

舊唐書本傳會昌中居易請罷太子少

刑部尚書致仕與香山僧如滿結香火社大中元年命

命不歸下邳可墓於香山如滿師塋之側家人從命而

焉

按樂天自撰墓誌云終于東都履道里墓于華州下邳縣臨津里北原附侍御史僕射二先塋也後又遺命歸下邳故香山有白樂天墓又賈黃中譚錄云弟敏曾奏立神道碑李義山文河南尹盧貞刻醉吟先生傳於墓側過者必奠卮酒冢前方丈地常沾漬

唐權德輿墓

李通志墓在府城北土店保德輿贈尚書左

僕射韓愈換神道碑

唐張無擇墓

文苑英華白居易換神道碑畧云曹州別駕

張無擇終于東都利仁里墓于伊闕縣中里原

唐張誠墓

文苑英華白居易換神道碑畧云贈工部侍郎

張誠父無擇誠嘗分司東都祿山之亂與同官范陽盧奕潛遁于陸渾山食木實飲泉水者三年肅宗嗣位詔河南尹薛伯連搜訪不仕賊者得六人而誠與奕在焉後墓于

伊闕縣中李原

中李即中里

唐周墀墓

文苑英華杜牧換墓誌畧云東川節度使贈司

徒周墀歸葬河南府河南縣穀陽鄉立行里先塋

唐鄭叔則墓

文苑英華穆員換墓誌畧云福建觀察使鄭

叔則歸葬東都萬安山之南原

唐鄭約墓

〔文苑英華〕穆員撰墓誌畧云洛陽王簿鄭約

察叔則之冢子卒于東都尊賢里從葬先君子萬安山陽

唐馬某墓

〔文苑英華〕張說撰神道碑畧云故洛陽尉贈朝

散大夫馬某卜宅於洛陽北邙南麓夫人穴於兆之甲大

夫窆於域之庚景龍戊申將返葬故國執友禮部侍郎嚴

善思諗之曰吾相二士從新其愈乎

按金石畧西京有洛陽尉贈朝散大夫馬允中碑開元九年立又載盧藏用所書洛陽縣尉馬元忠碑八分書而以為未詳所在不知實一碑也特因允中元忠傳寫字譌遂列為二碑耳金石攷載洛陽有洛陽令馬克忠碑景龍三年張說撰盧藏用八分書即金石畧所謂洛陽尉二碑而允中元忠克忠字凡三譌矣文苑英華以

為景龍戊申立碑推中宗丁未改元景龍戊申乃景龍二年金石攷以為景龍三年猶不相遠至金石畧以為開元九年則不知何據也

唐盧岳墓

〔文苑英華〕穆員撰墓誌畧云陝虢觀察使盧岳

家東都履信里葬萬安之腹因山而封

唐李嵩墓

〔文苑英華〕孫逖撰墓誌畧云唐之宗盟武都公

嵩幼授枝江縣丞為州牧張漢陽所器重曰唐宗一日干

里吾見其人國未可量也卒葬于河南縣九嶺山之南原

唐元希聲墓

〔文苑英華〕崔氏撰墓碑序畧云吏部侍郎元

希聲洛陽人以景龍三年歸葬

唐崔景暉墓

〔文苑英華〕李華撰神道碑畧云贈太子少師

崔景旺河東武陽人葬于東京河南邙山之某原

唐陰府君墓 [文苑英華]張說撰神道碑畧云邠王府長史

陰府君葬于龍門南陵原

唐冉實墓 [文苑英華]張說撰神道碑畧云河州刺史冉實

葬于河南之定鼎原

唐平貞眷墓 [文苑英華]張說撰神道碑畧云常州刺史平

貞眷燕國薊人卜葬于伊闕之西

唐崔漪墓 [文苑英華]張說撰神道碑畧云瀛州河間縣丞

崔漪葬于金谷鄉邙山之陽

獨孤嶼墓 [文苑英華]獨孤及撰墓誌畧云大理少卿獨

孤嶼河南洛陽人葬洛陽某原

唐嚴司業墓 [文苑英華]穆員撰墓誌畧云國子司業嚴公

夫人劉氏先公歿祔先姑于龍門山之北原公卒歸夫人

之室

唐李長墓 [文苑英華]梁肅撰墓誌畧云明州刺史李長葬

於河南萬安山之陽

唐李處州墓 [文苑英華]梁肅撰墓誌畧云處州刺史李某

葬於洛陽

唐孫嘉之墓 [文苑英華]孫逖撰墓誌畧云宋州司馬孫嘉

之厝於邙山陶村之西原

唐劉海賓墓

文苑英華穆員撰墓誌畧云驃騎大將軍劉

海賓宿衛中禁為王爪牙後二年長安有朱泚之亂公與

故尉段秀實約曰公為曹沫我為荆卿期以一劍而復大

駕故公先機而發有害其成段公與公是日并命君子謂

二公之死千古如生後夫人田氏卒卜兆得北邙山之南

原西遠國門三十許里公合祔焉

唐崔微墓

文苑英華穆員撰盧氏墓誌畧云唐河南少尹

清河崔微從先大夫于北邙山平樂原夫人盧氏合祔

按唐世系表崔微為河南少尹一作微非

唐崔泳墓

文苑英華穆員撰墓誌畧云陸渾尉崔泳卒于

洛陽毓德里之第從先尚書少尹于此邱銘曰嗟我哲人

唐張仲方墓

白香山集贈尚書張公墓誌云墓北邙山

唐裴復墓

昌黎文集河南少尹裴君墓誌云墓東都芒山

之陰杜翟村公年十四上時雨詩代宗以為能將召入為

翰林學士父尚書公請免曰願使卒學

唐石洪祖父墓

昌黎文集石洪墓誌畧云祖婺州金華令

諱懷一卒葬洛陽北山金華生君之考諱平為太子家令

墓金華墓東

按昌黎撰石洪墓誌洪墓萬年白鹿原其謂墓于洛陽北山者乃其祖父墓也舊志謂洪墓在洛誤

唐苗蕃墓

昌黎文集太原府參軍苗君墓誌云墓於洛陽

平陰之原

按李濂通志以苗蕃墓入五代誤

唐李虛中墓

昌黎文集殿中侍御史李君墓誌畧云葬河南

南洛陽縣距其祖澠池令府君僑墓十里

唐盧於陵墓

昌黎文集處士盧君墓誌畧云處士諱於陵

父貽為河南法曹參軍河南尹誣仇與賊通收掠取服法

曹曰我官司也我在不可以為是廷爭之以死河南怒命

曹棗梓之法曹爭猶強遂并收法曹竟奏殺仇籍其家而釋

曹法曹出徑歸卧家念河南勢弗可敗氣憤弗食歐血

今京師入至今猶道之處士少孤能自立卒葬於龍門山

先人兆愈於處士妹婿也為之誌

唐孟郊墓

昌黎文集貞曜先生墓誌銘畧云樊子合凡贈

賻而葬之洛陽東其先人墓左將葬張籍曰先生揭德振

華於古有光賢者故事有易名况士哉如曰貞曜先生則

姓字行有載不待講說而明皆曰然遂用之

按昌黎文集有尚書左僕射劉昌裔葬河南某縣故監
察御史衛某字中立葬河南某縣左金吾將軍李道古
墓東都某縣贈左散騎常侍太原王仲舒葬於
河南某縣先塋之側俱不言何縣附見於此

唐傅良弼墓

李習之全集上柱國貝郡開國公食邑二千

戶贈左僕射傅公神道碑云葬河南府洛陽縣伯樂里

唐薛守恩墓

李通志墓在府城北上店保守恩鐵林都指

揮使贈太子少傅

唐高元裕墓 金石補遺石僕射渤海高元裕神道碑柳公

權書并篆額在洛陽南三官凹

唐鄭敞墓 墓碑公儀鳳三年十一月終萬年縣之來庭里

第大周久視元年六月遷葬于洛陽北邙山之平樂原

按金薤琳琅碑稱敞歷任顯官而敞為洛陽令有政績借唐史無傳

唐王行果墓 金石攷贈隴州刺史王行果神道碑景龍二

年李邕撰

唐郭孝子墓 金石攷常熟令郭孝子墓銘開元九年孫翌

撰并書

唐盧鄂州墓 金石補遺唐李北海書盧鄂州碑在許家營

唐張嘉祐墓 金石補遺張嘉祐墓誌在洛陽縣南四十里

曹家村

唐盧奕墓 金石攷太原府司錄盧府君墓銘大歷十年遺

孤盧杞撰并書

唐裴遵慶墓 墓碑唐故尚書僕射贈司空裴府君名遵慶

字少良聞喜人卒葬于萬安山之舊塋

唐和麗妃墓 張燕公集奉勅撰和麗妃神道碑開元十四

年窆于故都之後邙山之陽

唐皇甫淑妃墓 杜工部全集甫撰德儀贈淑妃皇甫氏神

道碑云葬于河南縣龍門之西北原

唐宇文夫人墓 [文苑英華]陳子昂撰墓誌畧云夫人適高

府君終于苑邱官舍後遷耐于洛州某原

唐杜義姑墓 [杜工部全集]唐武萬年縣君京兆杜氏墓誌

云遷殯于河南縣平樂鄉之原兄子甫銘曰嗚呼有唐義

姑京兆杜氏之墓

唐殷夫人墓 [金石補遺]杭州錢塘丞殷君夫人碑書第

三姪男上柱國魯郡開國公真卿撰文并書年月缺

唐陸翰妻元氏墓 [長慶集]微之撰墓銘云葬於洛陽之

樂里北邙原從祖姑兆

唐韋佩母段氏墓 [長慶集]微之撰墓銘云葬河南縣龍門

鄉之午橋村

唐唐充妻盧氏墓 [金石攷]韓愈撰墓銘墓在大石山

唐韓愈乳母墓 [金石攷]乳母李墓銘元和六年韓愈撰在

縣北三十里

按唐人墓在文苑英華及各文集金石等書可攷者如此又金石畧所載唐人墓碑在西京者尚多如義成軍節度使曹公碑程公碑劍南東西川鹽鐵青苗租庸等使兼殿中侍御史魏州刺史嚴公碑中書侍郎兼黃門侍郎同三品孫公碑荊州都督長史孫公碑延州刺史贈幽州刺史太常卿孫公碑贈齊州刺史崔府君碑陳公碑左衛親府中郎贈左僕射嗣曹王碑左僕射牛公碑邕州經畧制置等使贈右散騎常侍裴公碑房州刺史盧府君碑屯衛將軍東都留守盧府君碑太原少尹盧府君碑歙州刺史郭府君碑散騎常侍黎公碑荊州

刺史靜塞軍使張公碑丞相檢校司空李公碑明威將軍田府君碑太子賓客贈尚書令王府君碑工部侍郎趙公碑秦公碑贈太子少師崔公碑廬州司馬劉府君碑左右衛大將軍衛尉正卿卞國公贈羽林大將軍泉君碑左僕射太子少保陸杭二州刺史贈禮部尚書劉公碑都督隴右羣牧使贈太僕卿韋公碑太子翊善鄭公碑太子賓客孟簡碑左羽林軍統制普寧郡王贈太子太保陳府君碑太原尹贈工部尚書唐公碑工部侍郎起國公碑襄陽李公碑清河崔公碑太子賓客贈尚書孔府君碑諫議大夫萬州刺史某公碑檢校吏部郎中持節歙州諸軍事范陽盧府君碑伊州刺史衛府君碑蕭府君碑杭州刺史李公碑節度使畢公碑隨州錄事參軍狄公碑唐王公碑瀛州刺史王文公碑嘉州羅目令贈鄭州刺史郭府君碑徐武臣碑等俱在西京又有薛稷所書封府君三品李公魏州刺史李公趙州成公等墓碑李邕所書李府君墓碑徐浩所書程元封康正貝州刺史裴公陳州刺史陶公苗大夫杜氏等墓碑顏真卿所書濠州刺史顏元孫麗正殿學士殷踐猷顏君神道祕書丞郭揆五郡節度馬公工部郭福善等墓碑柳公權所書戶部高重禮部羅讓雁門郡王王智興衛

尉卿李有裕金部郎中羅公太尉崔植淮南節度崔從等墓碑徐嶠之所書彭城郡夫人劉氏鄭國夫人鄭氏懷州刺史陶公等墓碑沈傳師所書東京留守忠懿公李愷墓碑歸登所書統軍劉昌啟少保趙公墓碑劉禹錫所書觀察王質僕射史公贈司空崔羣等墓碑鄭餘慶所書權貞孝公墓碑鄭綱所書崔忠公墓碑裴潯所書虞城縣令李府君墓碑吳通微所書富平縣尉韋器墓誌張庭珪所書桂州都督長史程文英趙公墓碑梁升卿所書斛斯府君岷州刺史王君工部李景伯等墓碑韓擇木所書梁州都督徐秀墓碑韓秀榮所書尚書左丞暢悅長安尉王府君墓碑韓秀弼所書裴公墓碑皆在西京今其墓俱不可攷通志既列在西京雖不盡在洛陽可附于洛陽唐墓之後以備參稽

五代何福進墓

李通志墓在府城北福進都指揮使

五代馮道墓

李通志墓在府城東南碑樓保

五代白公墓

金石補遺後周匡國君節度使白公神道碑

在河南府西北三十里喬家凹西田間

宋石守信墓

李通志墓在府城西北守信中書令封衛國

公諡武烈

按陳橋驛守信首謀立點檢為天子明旦守信與諸將掛圍入以黃袍加太祖身羅拜呼萬歲今墓在石碑窪

宋曹彬墓

李通志墓在府城北彬樞密使追封濟陽郡王

諡武惠

宋李琪墓

李通志墓在府城東南伊闕琪左武衛大將軍

宋潘美墓

李通志墓在府城西美忠武節度使諡武惠

宋曹玘墓

李通志墓在府城西北玘彬之子虞部員外郎

宋范雍墓

范文正公集資政殿大學士范忠獻公墓銘云

慶歷紀號之六載某月日葬於洛陽之某原某里公諱雍

字伯純諡曰忠獻

李通志墓在府城東南

宋張詠墓

李通志墓在府城東三十里詠樞密直學士諡

忠定

宋吳禧墓

李通志墓在府城南伊樊里倩御史

宋魏威信墓

李通志墓在府城東威信駙馬都尉封魏國

公

按墓在白馬寺西舊傳為唐魏徵墓據唐書魏徵陪葬昭陵在陝西不在洛陽舊府志又有尉遲敬德墓尉遲亦陪葬昭陵不在洛陽舊府志已辨魏威信墓非魏徵墓但列威信墓于唐墓中洛志又列威信墓于五代墓中皆誤矣攷威信乃宋初宰相魏仁浦第三子尚公主仁浦在晉為樞密使在周為宰相故或曰晉相或曰周相

古蹟志

陵墓二

或曰宋相又魏仁浦牡丹記作魏仁浦魏威信宋史作魏威信

宋呂蒙正墓 金石攷洛陽有呂文穆公神道碑咸平六年

富弼撰

按舊志文穆姪呂夷簡墓夷簡次子呂公著墓併在洛陽又載韓魏公墓在韓家窪皆無所據故不列

宋范仲淹墓 宋史皇祐四年五月卒上深痛悼贈兵部尚

書諡文正御題神道碑曰褒賢之碑 歐陽文忠公集文

正公神道碑云皇祐四年五月薨於徐州十有二月葬於

河南尹樊里之萬安山下 李通志文正子純仁及孫凡

三世十六墓俱附

宋文彥博墓 李通志墓在府城南彥博太師封潞國公諡

忠烈

按蠶尾集文潞公先塋石刻皇祐二年七月中書門下牒後列術者三今攷文潞公塋有二墓蓋公附于先人墓次也

宋富弼墓 宋史弼薨帝輟朝三日贈太師諡文忠元祐初

配享神宗廟庭哲宗篆其碑首曰顯忠尚德之碑命學士

蘇軾撰文刻之 蘇文忠公集富鄭公神道碑云墓于河

南縣金谷鄉南張里

宋張汝士墓 歐陽文忠公集堯夫諱汝士明道二年卒葬

洛陽北邙山下尹師魯誌其墓歐陽修為之銘乃得金谷

古塋命太原王顧以丹為隸書納壙中以其葬之速也不

能刻石嘉祐二年其子吉甫山甫改葬伊闕之教忠鄉積慶里修又為之換墓表

按墓誌有一人製序一人製銘者不獨張堯夫墓也唐元希聲墓碑崔氏製序張說製銘已前乎此矣

宋楊楷墓 歐陽文忠公集學士楊次公墓銘云葬于洛陽縣宣武營平樂鄉先塋

宋范純仁墓 宋史純仁卒贈開府儀同三司謚忠宣御書

神道曰世濟忠直之碑

按嗜退菴語存范忠宣 魏朝廷賜碑額曰世濟忠直唐君益表其居曰忠直坊范公子正平正思請曰上賜刻于螭首揭於墓甃若賜之康莊以為往來觀非朝廷意也先祖先人功名聞於遠邇何待此而顯流俗所尚識者所耻。又按忠宣附先文正公墓 山墓兄純佑弟純禮純粹俱附并文正公孫正臣 正平正路正巳

正夫正墓曾孫直雍直彥直情直方直思亦俱附李濂通志所謂三世十六墓也

宋陳希亮墓 李通志墓在府城北希亮太常少卿

按元文類載姚燧撰宋陳太常神道碑畧云陳充凱馳書請曰五八世祖宋太常少卿公以治平二年卒葬洛陽其後子孫以官為家死不返葬顧於太常墓失其地所曾祖少中公訪而得之筆地之名與距城幾何里步以詔後昆志亦勸哉會薦離大兵終無有能至者七十餘年矣元凱始成其志如所筆發墓驗之果得范公鎮所撰誌銘墓以蠟紙紙副吾家乘願為銘樹石以表墓道燧受讀之其可系者凡十二世又推而上之遠本三千歲之上皆有稽察骨帛者為神道碑據舊志碑在府西南李王屯通志謂在城北不知何據

宋程琳墓 金石攷文簡公嘉祐二年葬河南伊闕縣神陰

鄉張留里歐陽文忠公為墓誌銘嘉祐四年又換神道碑畧云琳有勞于國家大書曰旌勞之碑詔史臣為之銘

按大中公弟璠與從弟瑜墓誌俱稱以族兄文簡蔭補官則文簡公于大中為族兄弟矣墓在今府店保

宋程希振墓 一程全書大中家傳云嘉祐初公卜葬祖考

宋伊川始居河南

按大中祖名希振始葬伊川子適道附焉
生珣璠瑜道生瑜皆附先塋之次詳在下

程珣墓 一程全書大中家傳云大中諱珣字伯温以疾終于西京國子監公舍太師文彦博西京留守韓公縝令左丞蘇公頌等九人相繼以公清節言於朝詔賜二百疋帛仍命有司供其葬事以四月十五日葬于伊川先塋之

次

按大中公適長子嘗自撰墓誌于頤續之伊川文集有書先公自撰墓誌後但就闕處補之耳

宋程璠墓 一程全書顯撰程郎中墓誌略云諱璠字仲韞

尚書諱適之仲子葬河南伊陽神陰鄉附於先塋

宋程琬墓 一程全書頤撰程朝奉墓誌畧云諱琬字季聰

贈開府諱適之子大中之季弟葬於伊川附先塋

宋程瑜墓 一程全書顯撰程殿丞墓誌畧云諱瑜字叔寶

尚書虞部員外郎諱希振之孫贈大理寺丞諱道之子從

兄司農葬公于河南伊陽神陰鄉先塋之次

宋程明道先生墓 墓表先生葬于伊川潞國太師題其墓

曰明道先生弟頤序其所以而刻之石

宋程伊川先生墓 一程全書尹子曰先生之葬洛人畏入

黨無敢送者故祭文惟張繹范域孟厚及焯四人乙夜有素衣白馬至者視之卻溥也蓋溥亦有畏而暮出城是以

後

按伊川墓亦祔先塋而無墓表可徵者蓋當時洛黨之禁嚴矣然先生之道千載彌光固不係墓表之有無也○又按明道次子程邵公早死塋于神陰祖塋之東明道有誌又有幼女澶娘墓誌云塋于神陰先塋之東與其姊嬌兒同兆伊川有孝女程氏誌稱為顯女以擇配不待失時後持母喪以毀死且以不勝喪為恨當塋祖塋東蓋古人塋旁必別有葬塋之兆在程氏塋中其制如此

宋趙從約墓 李通志墓在府城西北從約榮州刺史宋李

清臣撰神道碑銘云惟建寧公合德温温友朋是好孝愛

之惇厚重平夷弗馳弗奔

宋楊琪墓 李通志墓在府城西北杜澤原琪供備庫副使

階銀青光祿大夫封原武伯歐陽修有誌

宋楊宰父墓 古文品外錄李甘薦楊宰書畧云孝童楊宰

父死趙軍之亂宰自洛陽走常山二千里號伏叛壘委髮

羸骸有可憐狀讐意感解以喪還之單纒冬月往來太行

間凍膚皸瘵銜哀雨血行路稠人為宰泣

按宰持父喪歸塋墓當在洛陽列之以成孝童之志

元察罕帖木兒墓 元史本傳察罕帖木兒以兵圍益都為

王士誠所刺贈潁川王諡忠襄

按舊洛志墓在縣西又平樂保有元伯顏察兒墓為湖廣等處行中書省平章政事封薊國公贈淮陽王

明伊厲王墓 李通志墓在府城西五十五里

明簡王墓 李通志墓在府城西南三十里

明安王墓 李通志墓在府城東北十里

明悼王墓 李通志墓在府城西六十里

明定王墓 李通志墓在府城西北十里

明莊王墓 李通志墓在府城西北八里

明敬王墓 李通志墓在府城北十五里

明光陽榮靖王墓 李通志墓在府城西三十里

明方城懷僖王墓 李通志墓在府城西四十里

明西鄂安僖王墓 李通志墓在府城北十里

明李郁墓 李通志墓在府城北卽山麓郁兵部侍郎

明閻禹錫墓 李通志墓在府城北禹錫御史

明白良輔墓 李通志墓在府城北良輔太僕卿

按閻禹錫白良輔乃薛河東高弟子

明畢亨墓 李通志墓在府城北良村亨右副都御史祭酒

邱濬撰墓銘畧云執法臺端不畏強禦牧民大郡恤其憂

苦入尹京兆百廢具舉出巡邦畿民瘼斯瘳進無附麗退

何容與居者英鄉得温公圃生順死寧允謂得所

明劉健墓 李通志墓在府城東北健大學士謚文靖大學

士賈詠撰墓銘云瞻彼洛矣惟天地中元精秘發毓時名

公淵源之後伊洛是宗初官太史繼以青宮載典邦秩載
簡宸衷密席毗倚僉曰竒逢禮隆師傅身代天工夷險一
節寵榮不驚古稱良相韓魏攸同堂堂勁氣烈烈清風托
孤寄命壽考令終公忠直諒勲業事功公紀有傳公碑則
豐印山之北洛水之東還彼靈秀于彼嶽嵩我銘我誌永
詔無窮

按帝王山陵以後歷代冢墓仍以各縣為次但古蹟必
徵古書自李濂通志後不須博証其胡及國朝名人
墓但據府縣志錄出者另附後

河南府志卷之七十三終

河南府志卷之七十四

古蹟志二十

陵墓三

偃師 鞏縣 孟津 宜陽 登封 永寧
新安 澗池 嵩縣 冢墓附

商伊尹墓

史記殷本紀伊尹卒葬伊尹于亳

李通志伊

尹墓在偃師縣西北八里

按史記注皇覽曰伊尹冢在濟陰己氏平利鄉亳近己
氏是亦指南亳為言不知實西亳也通志固不謬耳

商伯夷叔齊墓

李通志墓在偃師縣西北首陽山夷齊孤

竹君之子

按夷齊墓偃師有之蒲阪亦有之者皆依首陽山為據
也四書釋地曰史記正義首陽山有五所王伯厚攷曾
子書以為在蒲阪舜都者得之余謂莫徵信於麗注然
已兩說互存既云河北縣雷首山有夷齊廟闕駟十三

州志曰山一名獨頭山夷齊所隱也山南有古冢陵栢蔚然攢茂邱阜俗謂之夷齊墓又云平縣故城有首陽山春秋所謂首戴也夷齊之歌所矣曰登彼西山上夷齊之廟蓋莫能定爾總之認餓為失國而餓兩地皆可通跡認餓為耻食周粟則寧死乎唐虞揖遜區不知耻食周粟者必無之事也據閻氏之意以為論語經文言餓不言餓死故以餓為讓國而餓非耻食周粟而餓如是則首陽下宜無二子墓矣然論語以齊景夷齊對言而以死後之稱不稱為異則太史公采薇餓死之說其必有自來也即欲據歌中黃農虞夏之語謂首陽宜在蒲阪不在偃師亦非通論夫偃師殷之故都也夷齊叩馬正在太渡河之前其既諫而去也徘徊故都采薇西山地應不相遠則偃師二子之墓何得徑指為非哉○又按水經注瀟水下孤竹城史記曰孤竹君之二子伯夷叔齊讓國於此而餓死于首陽漢靈帝時遼西太守廉翻夢人謂已曰余孤竹君之子伯夷之弟遼海漂吾棺御聞君仁善願見藏覆明日視之水上有浮棺矣嗟笑者皆無疾而死於是改葬之蓋夷齊讓國而去國人立中子為君遼海浮棺乃中子墓非叔齊墓也

周萇宏墓

郡國志注

皇覽曰雒陽縣東北山萇宏冢

通志萇宏墓在偃師縣東以范中行氏之難見殺葬此唐

柳宗元有弔文

按孔子入周問樂萇宏蓋周賢大夫也萇宏城成周本忠于周而晉人以為違天不祥則殺萇宏者非周人意晉人意也血化為碧精誠所致事雖不經理所時有今墓在偃師東十里化村西北山上化村者因化碧生稱也皇覽以為在雒陽東北山者蓋魏時洛陽所屬直至偃師東故皇覽云然

漢田橫墓

史記

田橫與其客二人乘傳詣雒陽至尸鄉遂

自剄高帝為之流涕發卒二千人以王者禮葬田橫既葬

二客穿冢旁孔皆自剄下從之

漢桓榮墓

後漢本傳

榮疾篤帝幸其家問起居入街下車

擁經而前撫榮垂涕賜以牀茵帷帳刀劍衣被良久乃去
自是諸侯將軍大夫問疾者不敢復乘車到門皆拜牀下
榮卒帝親自變服臨喪送葬賜冢塋於首山之陽注首陽

山在偃師縣西北

謝承書曰何湯字仲弓榮門徒常四百餘人湯為高弟以才明知名榮年四十無子湯乃去榮妻為更娶生三子榮甚重之後湯以明經當授太子推薦榮榮拜五更封關內侯榮嘗曰此皆何仲弓之力也

魏鍾繇墓

李通志墓在偃師縣東繇太傅善書

水經注

尸鄉澤野負原夾郭多墳隴焉即陸士

會王輔嗣處也袁氏王陸詩敘機初入洛次河南之偃
時忽結陰望道左右民居者因往退宿見一少年姿神

言元機服其能而無以酬機題緯古今綜簡名

不甚欣解將曉去稅駕姬曰君何宿而來自東

利落上有山陽王家墓機乃怪悵還睇昨路空

攢蔽日知所遇者審王弼也

弼墓據水經注在偃師縣西尸鄉而今縣東三里弼墓者乃金元以後所立墓碑非其實也碑有二為金顯忠尉行河南府偃師縣主簿兼尉鮮于淵所一大書偃師伯王輔嗣之墓八字碑陰有元陳思忠蓋金元後不知王弼墓在偃師尸鄉遂誤以偃師東大冢當之也

晉書本傳預先為遺令曰吾去春入朝因郭氏

緣陪陵舊義自表營洛陽城東首陽之南為將來兆

所營中有小山上無舊冢其高顯雖未足比邢山然

志

卷之七十四

古蹟志

三

陵墓三

二陵西瞻宮闕南觀伊洛北望夷叔曠然遠覽情之
安也故遂表樹開道為一定之制至時皆用洛水圓石
隱道南向儀制取法於鄭大夫欲以儉自完其棺器小
歟之事皆當稱此子孫一以遵之

按墓在偃師西
十餘里土婁村

晉鄭仲林墓

水經注休水逕緱氏城西水之西南有晉城

門校尉昌原恭侯鄭仲林碑晉皇始六年立

重人穴

水經注鄴水世謂之溫水泉水側有重人穴穴

中有僵尸戴延之西征記曰有此尸尸今猶在夫物無不
之理竟無不遷之道而此尸無神識事同木偶之狀喻

其推移未若正形之速遷矣

唐許遠墓

李通志墓在偃師縣西遠睢陽太守與張巡同

死國難者

按昌黎張中丞傳後敘曰遠雖才不及巡開門納巡位
本在巡上授之柄而處其下城陷而虜與巡死先後異
耳蓋遠死于偃師遂葬于偃師本與
張巡同一不屈非始就虜以求生也

唐顏真卿墓

地輿記顏真卿墓在偃師碑陰刻米芾書云

公之使賊也謂餞者曰昔昔江南遇道士陶八八授以刀
圭碧霞服之可不死註云七十後有大厄當會我於羅浮
後公葬偃師北山有賈人至南海見道士奕託書至偃師
顏家及造訪則瑩也守冢蒼頭識公書大驚家人卜日開

墳棺已空矣

按本傳公為盧杞所陷使李希烈數為希烈挫辱至拘真卿守以甲士掘方丈坎於廷傳將阮之真卿見希烈曰死生分也何多為乃拘送真卿蔡州真卿度必死乃作遺書墓誌祭文指寢室西壁下曰此吾殯所也竟為希烈所害後淮蔡平子顏頤護喪還帝廢朝五日贈司徒諡文忠天下不稱其名字而曰魯公公之節在千古而世顧以神仙之事稱之固儒者所不道也

唐王光謙墓

文苑英華權德輿撰神道碑畧云光謙贈右

僕射葬於河南府偃師縣印山之陽

唐趙憬墓

文苑英華權德輿撰神道碑畧云太子太傅貞

憲趙憬窆於河南緱氏縣景山之原

唐崔儼墓

文苑英華贈太師崔儼神道碑云葬於成周之

偃師從世墓也

按宰相世系表儼作陞金石攷崔儼碑會昌元年劉禹錫撰柳公權書

唐武就墓

文苑英華權德輿撰神道碑畧云貞元六年就

卒以明月之晦降體魄于印山北原有靈鶴百數徊翔嘹

唳後改葬緱氏潁川王之兆從先封以敘昭穆禮也

唐劉知柔墓

文苑英華李邕撰神道碑畧云開元十一年

薨于東都康俗里制曰簪纓舊德楨幹通才宜寵贈章式

旌泉壤可贈太子少保諡曰文葬於河南府緱氏縣景文

山原禮也

唐王同暉墓

文苑英華孫逖撰神道碑畧云皇上以公春

華秋實之稱著于兩宮故贈以太子詹事飾終之禮厚莫重焉有司以公天經地義之德冠乎百行故諡之曰孝易名之典善莫大焉

唐王太僕墓 文苑英華張黻撰太僕卿上柱國華容縣男王府君墓誌畧云薨於洛陽之陶化里塋于偃師之某原却倚首陽前瞻洛汭豈伊瑕邱之樂並取邢山之兆

按太僕墓誌舊志誤入碑記

唐李贊善墓 文苑英華常袞撰墓誌畧云西涼有武昭之諡後魏有姑臧之封祚子我唐親則同姓開元中李商隱表公清白遷太子右贊善終于東京崇政里塋于偃師縣

東姑臧公之塋次

唐裴御史墓 文苑英華穆員撰墓誌畧云嗚呼有唐君子河東府君之墓元魏河北太守萬虎兄弟三人時稱三虎並仕於魏魏都河洛故裴氏始有中眷之號公萬虎八代孫為監察御史卒塋于首陽山之陽

唐馬秘監墓 文苑英華李翱撰墓誌畧云公諱某字盧符官秘書少監又加史館修撰以纂錄自樂為事撰歷代紀錄類史鳳池錄纂寶折桂錄新羅紀行將相別傳及所為文總四百八十八卷卒塋于偃師從先塋也

唐邢渙思墓 文苑英華杜牧撰墓誌畧云亡友邢渙思諱

羣仕歙州刺史為治急於束縛黠吏冗事弊政不以久遠必務盡根本卒於東都思恭里葬於偃師某原

唐元盛墓 〔文苑英華〕穆員撰墓誌畧云河南兵曹元公盛卒於東都綏福里葬於偃師首陽山之北原

唐徐申墓 〔文苑英華〕權德輿撰墓誌畧云東海郡開國公贈太子少保徐公寧神於偃師縣之某原

唐盧東美墓 〔昌黎文集〕考工員外盧君墓銘畧云盧君東美有友四人天下謂之四夔墓在河南緱氏縣梁國之原

唐房武墓 〔昌黎文集〕興元少尹房君墓誌畧云房故為官族自太尉瑄以德行為相世號為太尉家公會祖太尉之

叔父也父諱武與夫人合葬河南緱氏之高龍原

按舊志有贈龍西開國公黃公墓又有贈太師諡忠齊王張繼祚墓俱在高龍保

唐畢垌墓 〔昌黎文集〕唐故河南府王屋縣尉畢君墓誌銘

畧云畢憬之子構累官至吏部尚書是為景公景公生抗為廣平太守抗安祿山城陷覆其宗贈戶部尚書尚書生朝垌從葬偃師之士婁

唐張圓墓 〔昌黎文集〕河中府法曹張君墓誌銘云葬河南

偃師

唐竇叔向墓 〔李通志〕墓在偃師縣西石橋保叔向左拾遺持節舒州諸軍事

按金石補遺叔向神道碑在蔡莊廟內作供几蔡莊即寺莊保也通志於叔向墓謂在石橋於叔向子牟墓謂在寺莊不知昌黎撰牟墓誌乃補叔向墓次牟墓既在寺莊叔向墓在寺莊無疑矣謂在石橋者誤

唐竇牟墓 昌黎文集國子司業竇公墓誌云墓河南偃師

先公尚書之兆次

唐薛戎墓 昌黎文集故朝散大夫越州刺史薛公墓誌云

墓於河南偃師先人之兆次以韋氏夫人祔

唐徐嶠之墓 通志金石畧西京有洛州刺史徐嶠之碑

金石攷墓碑天寶八年李邕撰在偃師

按金石畧所載西京墓碑有八偃師者從金石攷錄出下併同

唐徐浩墓 通志金石畧西京有彭王傅贈太子少師徐浩

碑 金石攷墓碑貞元十五年張式撰在偃師

唐武登墓 通志金石畧西京有江陰縣令武登碑長慶三年

唐武儒衡墓 李習之全集兵部侍郎贈工部尚書武公墓

誌銘畧云父登江陰令贈禮部侍郎公之喪歸祔河南緱

氏禮部先公之墓次

唐趙道光墓 通志金石畧西京有洪州錄事參軍贈趙州

刺史趙道光碑 墨池編唐緱氏有趙道光碑

唐趙昌墓 通志金石畧西京有少保趙公碑 金石攷趙

昌墓碑在偃師

唐李衆墓 通志金石畧西京有左散騎常侍致仕李衆碑

金石攷墓碑元和十三年李絳撰在偃師

唐顧少連墓 通志金石畧西京有兵部尚書東都留守顧

少連碑 金石攷墓碑在偃師

唐徐昕墓 通志金石畧西京有萬年縣令徐昕碑 金石

攷墓碑大歷四年韓雲卿撰在偃師

唐李固言墓 金石攷贈太尉李固言碑大中六年李珣撰

在偃師

唐許康佐墓 金石錄偃師禮部尚書許康佐碑書撰人姓

名殘缺

唐崔邛墓 金石攷墓碑在偃師

唐裴曹墓 金石攷墓碑在偃師

唐李英墓 金石攷權德輿所撰石僕射李英墓銘在偃師

唐蔣奐墓 金石攷崔祐輔所撰汝南公蔣奐墓銘在偃師

唐崔廣墓 金石攷李孝嗣所撰臨洛縣尉清河崔廣墓銘

在偃師

唐盧顥墓 金石攷盧顥所撰許州叅軍盧顥墓銘在偃師

唐李珣墓 李通志墓在偃師縣西寺莊保珣淮陽節度使

贈司空諡貞穆

唐燕欽融墓 唐書中宗紀景龍四年五月丁卯殺許州司

戶叅軍燕欽融

按偃師志韋后預政欽融發其事中宗詔融面訊命杖之宗楚客令衛士加刃致死睿宗立詔贈諫議大夫備禮改葬又攷縣東十里鋪北廟內供几有宋燕府君神道碑稱宋神宗時人世居范陽來偃省十一世祖唐許州司戶參軍燕欽融墓宋人建會聖宮逼近墓乃遷于靈龜山東北去周長宏墓七百九十一步西去王弼墓五里十三步

唐范陽太君盧氏墓

杜工部全集盧氏墓誌畧云故修文

館學士著作郎京兆杜府君諱某審言之繼室范陽縣太君

盧氏卒於陳留郡之私第歸葬於河南之偃師入著作之

大塋在縣首陽之東原我太君用甲之穴禮也墳南去大

道百二十步竒三尺北去首陽山二里塋內西北去府君

墓二十四步則壬甲可知矣

按舊志偃師有唐褚遂良歷代墓偃志辨曰唐書本傳遂良貶死愛州卽窆於彼二男一孫祔咸通九年詔訪其後護喪歸葬陽翟唐人有詩紀其事卽謂在偃者爲褚氏先世祖塋又攷其父褚亮傳亮父玠曾祖湮世爲杭人皆有各梁陳間亦無北塋之說今於偃師唐人墓不列褚氏附見其說於此

五代葛從周墓

墓碑貞明二年張璉奉勅書

按五代史本傳梁太祖時從周屢以軍功拜左金吾衛上將軍以疾致仕拜右衛上將軍居于偃師末帝卽位拜昭義軍節度使封陳留郡王食其俸于家卒贈太尉今墓在淮廟村西人遂誤爲淮陰侯墓

宋劉絢墓

宋史絢字質夫事二程先生

李通志墓在偃

師縣北絢太學博士

宋尹副使墓

金石攷偃師有崇信軍節度副使尹公墓表

至和元年韓琦撰

按偃志縣西有朱光庭墓縣東有范祖禹墓朱偃師人故墓偃師至范祖禹史稱貶昭州別駕安置永州徙賀州又徙賓化而卒其墓偃也無可攷志以為正德間有人毀其志云

金程德元墓 李通志墓在偃師縣南少微保德元大中大

夫凡四世三十八墓俱耐

元程震墓 元遺山集御史程君墓表畧云震字威卿父德

元用君貴封大中大夫雷內翰淵述世德之舊備矣子八

人君其二子卒耐于金昌府芝田縣某里太中君之新塋

禮也

按程氏塋在今緱氏東程家村東據元好問墓表稱太中大夫而舊府縣志俱以為少中大夫似誤又金石攷程氏塋中尚有王思廉所撰墓碑與雷淵元好問所撰凡三碑

元陳天祥墓 李通志墓在偃師縣西南緱氏保天祥中書

省平章諡文忠

按偃志陳氏塋在蔣村又有嘉議大夫陳孟温墓秘書監丞陳用忠墓用忠墓乃陳思忠誌

元李景昌墓 李通志墓在偃師縣西景昌光祿大夫封梁

國公

杳冥君墓 金薤琳琅杳冥君銘集古錄不載歐陽公蓋未

之見趙氏金石錄雖列其目而云無書換人姓名則亦不知其為記也讀陳子昂集見其冥冥君墳記云皇帝因登緱山望少室尋古靈跡得王子晉之遺墟在休水之層曲欲開石室營壽宮庀徒方興得古藏焉內有甃瓦長二丈

一尺濶八尺中有古劍一銅碗一瓦器二又有古五株錢朱漆片及棖撥之應手灰滅卽具物備容還定舊壙哀其銘志磨滅姓位不顯乃錫之名曰冥冥君云觀子昂文則墳嘗發於武氏拚而錫之以名亦武氏也但薛稷云杳冥此曰冥冥無二義也

按杳冥君不知何代人故附於偃師後然以五銖錢文觀之恐是漢時人也

以上偃師

漢黃霸墓 漢書本傳黃霸陽夏人自漢興言治民吏曰霸爲首爲丞相五歲甘露三年薨諡曰定侯

按霸陽夏人爲丞相後徙杜陵而韋志芝田鎮有黃霸墓不知何據

漢岑彭墓 後漢書本傳彭征蜀所營地名彭亡聞而惡之

欲徙會日暮蜀刺客詐爲亡奴降夜刺殺彭彭首破荆門長驅武陽持軍整齊秋毫無犯叩穀王任信聞彭威信數千里遣使迎降會彭已薨帝盡以任所貢獻賜彭妻子諡曰壯侯

按鞏縣有岑彭溝縣志以爲彭墓在焉

晉潘岳墓 水經注羅水又西北逕潘岳子父墓前有碑岳父茈瑯琊太守碑石破落文字缺敗

晉潘岳墓 水經注岳碑題云給事黃門侍郎潘君之碑碑云君遇孫秀之難闔門受禍故門生感覆醢以增慟乃樹碑以記事太常潘尼之辭也

晉三田冢 李通志冢在鞏縣西有二冢相傳墓田真田廣

田慶

按鞏志以三田為
隋人辨在宅里門

唐杜甫墓 温公詩話杜甫終於耒陽藁葬之至元和其孫

始改葬於鞏縣

按偃志據元微之撰墓銘以工部墓為在首陽山前當
陽侯之墓次而鞏縣康家店即山上有工部墓志遂以
為始葬偃而後遷鞏今微之傳墓誌時乃云次葬楚
據謂謂當鞏陽侯之墓次其實歸葬于
也又鞏縣有二家縣志
以為鞏縣文宗武昭墓云

宋遂國公墓 李通志墓在鞏縣西南遂國公太宗孫諡昭

金石錄真德皇帝衛州防禦使遂國公墓銘嘉祐五年

歐陽修撰

宋高密侯墓

李通志墓在鞏縣西南高密太宗曾孫 金

石攷高密侯葬河南永安縣修為撰銘

按金石攷據歐陽集載皇從任筠州團練使安陸侯康
州刺史高密侯在監門衛將軍廣平侯皇從孫監門衛
將軍右屯衛大將軍武當侯右監門衛將軍夫人周氏
右監門衛將軍夫人金堂縣君錢氏武昌縣君郭氏東
陽縣君鄭氏俱葬河南永安縣修各為撰銘又據温公
集載華陰侯仲連墓銘右屯衛大將軍令邦墓銘及皇
從任右屯衛將軍士虬墓記皆在永安
縣今其墓俱不可確指錄之以備參稽

木吳王顥墓 東都事畧英宗次子吳王顥薨年四十七哲

宗哭之慟成服苑中贈尚書令兼中書令諡曰榮顯薨之

五日以月朔應視朝于文德殿哲宗以顥未成服改視垂

南府志

卷之七十四

古蹟志

三

陵墓三

拱云類通經史工飛白善鼓琴神宗臨御久友愛彌篤哲宗尊禮尤隆既薨葬于永厚陵之北徽宗即位追封吳王

宋趙普墓 東都事畧太宗謂近臣曰趙普國初元勛先帝

與朕最為舊故能斷大事盡忠國家真社稷之臣聞其劄

謝悽愴之懷不能已因出涕左右皆感慟贈尚書令封真

定郡王諡曰忠獻太宗撰神道碑親八分書以賜之遣右

諫議大夫范杲攝鴻臚卿護喪事葬日設鹵簿鼓吹如式

舉唐制也 李通志墓在鞏縣西

宋高懷德墓 東都事畧懷德尚宣祖女燕國長公主加駙

馬都尉卒年五十七贈中書令渤海郡王諡曰武穆 李

李

通志墓在鞏縣西南懷德歸德軍節度使

宋寇準墓 東都事畧準貶雷州司戶叅軍太宗嘗得通犀

命工為二帶一以賜準及是準遣人取自洛中至數日具

朝服被帶北面再拜呼左右趨設卧具就榻而卒年六十

三詔許歸葬西京 李通志墓在鞏縣西準没于雷州詔

許歸葬西京即此仁宗題其額曰旌忠

按萊公墓在鞏縣西南寇家灣蓋陪葬真宗陵也

宋包拯墓 東都事畧拯拜禮部侍郎樞密副使終于位年

六十四贈禮部尚書諡曰孝肅

按鞏縣西南後泉溝有孝肅墓亦陪葬真宗陵也

肅墓亦陪葬真宗陵也

元張恩墓

李通志墓在鞏縣西南坊郭保恩安撫使

金

石攷鞏縣有元清河郡侯張公神道碑至元口年歐陽元撰
以上鞏縣

周冉伯牛墓 李通志墓在孟津縣西舊清河城耕孔子弟子

按孟津志據文獻通考伯牛魯人墓在山東東平州又與圖秘考伯牛洛人直隸永平縣亦有伯牛墓而孟津沿稱既久姑依通志存之

漢樊噲墓 前漢書本傳噲還至滎陽益食平陰二千戶將軍守廣武

按孟津古平陰也噲食平陰二千戶故今孟津樊山下有噲墓然噲又封舞陽侯通志載噲墓在舞陽縣北二

十四里可
兩存之

漢梁孝王墓 漢書文三王傳梁孝王北獵梁山有獻牛足上出背王惡之六月中病熱六日薨

按孟津志東關有梁孝王墓他無所見攷前漢書注張晏曰足當處下所以輔身也今出背上象孝王背朝而平上也北者陰也又在梁山明為梁也牛者丑之畜衝在六月北方數六故六月六日王薨也

裴氏塋 水經注灑水出梓澤中澤北對原阜即裴氏墓塋所在碑闕存焉

按道元水經注裴氏墓塋在灑水源之北今其地入孟津據孟津志魏裴潛墓在輝彰溝魏志潛河南尹始五年裴道贈太常諡曰貞侯遺令儉葬墓中惟置一坐瓦器數枚其餘一無所設子秀晉書本傳列秀子願秀從弟楷楷子與憲楷弟緯且曰裴王二族盛於魏晉之世時人以爲八裴方入王徽比王祥楷比王衍康比王

古蹟志 左 陵墓三

綏綽比王澄瓚比王敦遐比王導頽比王戎邈比王元
云而洛陽朝市圖有裴楷墓卽水經注所謂裴氏墓塋
蓋梓澤北原舊屬洛陽今乃入孟津耳不但列裴潛裴
楷墓者以水經注旣曰裴氏墓塋則塋中固不獨裴潛
裴楷二人墓也

唐穆寧墓 文苑英華穆員撰元堂誌畧云公棄養于東都

歸義里嗣子贊洎質員賞奉遷靈座附曾王父母子偃師

首陽山之北原公嘗避亂奔行在轉秘書少監

按首陽山北原今入孟津穆員又撰河東郡太夫人裴氏墓誌云歸于首陽山北原先公之居蓋雖合窆而實

二誌 以上孟津

戰國韓昭侯墓 李通志墓在宜陽縣西周顯王時諸侯

按宜陽爲古韓地故昭侯墓在焉而縣志又以爲有張良墓則未免附會耳

三國魏二杜墓 李通志墓在宜陽縣西杜畿尚書左僕射

杜恕幽州刺史俱葬此

按宜陽志墓在韓城

唐獨孤通理墓 文苑英華獨孤及撰墓表畧云朝散大夫

贈秘書監獨孤通理先窆於洛陽龍門山後葬伊水西甘

泉鄉之原

唐獨孤及墓 文苑英華崔祐甫撰神道碑畧云有唐碩量

深識之士曰獨孤常州諱及字至之贈秘書監通理之第

四子葬於河南府壽安縣某原先秘監之塋

唐獨孤郁墓 昌黎全集獨孤郁墓志銘畧云常州刺史贈

禮部侍郎憲公諱及之第二子遷秘書少監卒贈絳州刺史
史葬河南壽安之甘泉鄉家塋憲公墓側

按壽安今宜陽地
金石攷入洛陽誤

宋尹源墓 歐陽文集太常博士尹君墓志銘畧云君諱源

字子漸卒于官至和元年其子材葬君子河南府壽安縣
甘泉鄉龍洲里其平時所為文章六十篇皆行於世

宋尹洙墓 歐陽文集尹師魯墓誌銘畧云師魯河南人天

下之人識與不識皆曰師魯客其喪于南陽不能歸平生
故人無遠邇皆往賻之然後妻子得以其柩歸河南葬于
先塋之次

按師魯見源墓誌云父諱仲宜官至虞部員外郎贈工
部郎中歐公子師魯墓誌又云余與師魯兄弟交嘗銘
其父之墓則尹氏父子兄弟皆歐公撰墓銘也又攷餘
冬序錄云歐陽永叔為師魯作墓銘與尹材書曰刻石
時首尾俱不要留官銜題目及撰人書人刻字人姓名
晉以前皆不著撰人姓名此古人有深意久遠自知象
蓋祇著尹君
師魯四字

宋張思叔墓 詳宅里門

按宜陽志思叔
墓在東店七里

元賈辛墓 李通志墓在宜陽縣東北石村保辛晉寧路總

管封武威郡侯

元郭實美墓 李通志墓在宜陽縣西韓城保實美總管

按宜陽志唐代有段志賢
墓在段村西附見于此

以上宜陽

許由冢 史記太史公曰子登箕山其上蓋有許由冢云

巢父墓 李通志墓在登封縣東南四十里巢父堯時隱者

夏啟母墓 帝王世紀陽城有啟母冢 李通志墓在登封

縣西

按啟母既有墓則淮南化石之說不辨而知其謬矣意陽城啟母墓傍有石破裂後人遂附會而生石破生啟之說如是則啟母墓宜近啟母石而李濂志以為在登封西今亦無可考

周頴考叔墓 見縣志

按李濂通志考叔墓在襄城縣東北而登封志以為在縣西翟略溝夫翟略古頴谷也考叔常為頴谷封人墓不必在頴谷也當以襄城為是

魏京兆王墓 魏書京兆王子大興病請為沙門詔皇太

子於四月八日為之下髮更名僧懿居嵩山太和二十二年終

按嵩山上峻極峯北有地名墓坡蓋京兆王墓也俗謔為景莊王

唐李少安墓 文苑英華權德輿撰墓誌畧云元和三年感

疾不起于長安興化里第君温仁孝友嘗為長安主簿尹守以為能嗣子奉轎車祔於東都頴陽縣之某原

唐盧殷墓 昌黎文集登封縣尉盧殷墓誌畧云元和五年

十月范陽盧殷以故登封縣尉卒登封君能為詩詩可傳者千餘篇愈為買棺又作銘葬嵩下鄭夫人墓中

按登封盧店有元懷孟路總管孫頴墓頴陽西有元禮部尚書太原郡侯温某墓併附

晉盛彥冢

李通志冢在永寧縣東彥有孝行人稱孝公墓

按晉書孝友傳彥字翁子廣陵人也母王氏因疾失明彥每言及未嘗不流涕於是不能辟召躬自侍養母食必自哺之母既疾久至于婢使數見捶撻婢忿恨伺彥蹙行取蟻蟪炙餽之母食以為美然疑是異物密藏以示彥彥見之抱母慟哭絕而復蘇母曰豁然即開從此遂愈陸雲薦之於刺史周浚云

唐王質墓

金石攷唐左散騎常侍王質神道碑開成二年

劉禹錫撰碑云墓河南府永寧縣洛川鄉史原從舊阡也

宋穆仕墓

李通志墓在永寧縣北大邑保仕元帥

宋何頡墓

李通志墓在永寧縣東北楊坡保頡嘗從東坡

學詩卒葬于此世名為詩客冢

木花用吉墓

李通志墓在永寧縣東吳村保用吉鈞州安

撫使

元薛庸齋墓

李通志墓在永寧縣王范鎮庸文人

按薛元字庸齋李通志作薛庸誤

元游環墓

李通志墓在永寧縣東北楊坡保環善辭賦

元全寶墓

李通志墓在永寧縣南河鎮寶永寧王

元張俞冢

李通志墓在永寧縣東俞蜀人遊驪山及韓岳

卒葬此

明宋禮墓

李通志墓在永寧縣西錦陽山禮工部尚書曾

榮撰墓銘云瞻彼洛西閭閻是崇善積慶流委祉於公公在亂齟厥志斯奮發其蘊儲際此昌運兩遷外臺憲軌肅

清薦歷郎署益馳俊聲繼登儀曹克贊邦禮晚列冬官朱
徽有煒迨于龍飛恩命惟新公乃弗祿念公舊臣體魄既
歸受此窀穸銘無愧辭以勒貞石 以上永寧

秦甘羅墓 李通志墓在新安縣東五里羅秦上卿鄢陵縣
亦有墓

魏母邱興盛墓 水經注穀水東逕魏將作大匠母邱興盛

墓南二碑存焉儉父也管輅別傳曰輅嘗隨軍西征過其
墓而嘆謂士友曰元武藏頭青龍無足白虎衝尸 衝魏志
作衝

朱雀悲哭四危已備法應滅族果如其言

按母邱興盛魏志作母邱興儉之父也管輅傳又作過
儉墓下實儉父興墓也據水經注既在白起壘下函谷

關上縣志謂在慕容山下是也但以母邱列唐墓中誤
矣又習鑿齒曰母邱儉感明帝之顧命故起兵討司馬
師君子謂母邱儉事雖不成可謂忠臣矣夫竭節而赴
義者我也成之與敗者時也我苟無時成何可必乎忘
我而不自必乃所以為忠也古人有言死者
復生生者不愧若母邱儉可謂能不愧也

隋韓擒虎墓 隋書本傳隣母見擒門下儀衛甚盛有同王

者母異而問之其中人曰我來迎王忽然不見又有人疾
篤忽驚走至擒家曰我來謁王左右問曰何王也荅曰閻
羅王擒子弟欲撻之擒止之曰生為上柱國死作閻羅王
斯亦足矣因寢疾數日竟卒 李通志墓在新安縣西二
十里

按隋書唐人所作擒
下去虎字避諱也

唐袁天綱墓 李通志墓在新安縣西天綱太史

按新安志墓在縣西二十五里蘆院保廣輿記涿州亦有天綱墓

唐李淳風墓 李通志墓在新安縣西淳風太史

按新安志墓在縣西二十里官莊保地輿記四川簡州亦有淳風墓

唐張海仙墓 金石攷唐處士張海仙誌畧大歷八年令狐

士宗撰

唐權參軍隼墓 文苑英華在新安縣權德輿撰墓誌

五代漢清河太君墓 金石攷新安有後漢清河郡太君誌

銘乾佑三年王德成撰

按誌太君張氏累贈太常少卿王公珩之妻秦寧君節度副使筠之母塋于河南府河清縣長泉先少卿之塋

宋錢若水墓 李通志墓在新安縣西南五里若水集賢學

士贈工部尚書

宋錢緯墓 金石攷新安錢宣靖公祠久圯明嘉靖間御史

宋儀望重修版築之初掘土得石為壽昌縣君高氏誌高

為殿中丞錢緯配緯為宣靖公若水之孫也夫人塋河南

新安縣新鄉夷子里暖泉村耐殿中君之塋 以上新安

唐李抱真墓 文苑英華穆員撰墓志畧云抱真本姓安氏

從父兄司徒涼國公抱玉事肅宗代宗勲著王室錫以天

姓公以軍功轉左僕射同中書門下平章事又遷司空食

實封五百戶卒塋於澗池補先君太保之塋

宋張玘墓

宋史本傳玘世居澠池嘗從岳飛復京西六州

後屯泗州海州圍急詔會鎮江都統張子蓋赴之環城數

十匝矢石如雨玘戰于州北三里麾精騎衝其陣手殺數

十人殲其長殺獲蕩計圍遂解玘亦中流矢卒子蓋上其

功特贈觀察使孝宗又贈清遠軍承宣使

按澠池志玘墓在治北百二十里南村城南山下據史卒于海州豈其子孫得以公歸葬與

元楊文質墓

李通志墓在澠池縣西文質宣慰使封宏農

郡侯

按澠池志楊文質名彬墓在治西二十五里沙村元丞相夔夔有記又隙金石攷澠池有飛騎尉洛陽男楊君世慶碑元統三年李木魯撰撰夔夔書張起巖篆額

明曹端墓

李通志墓在澠池縣東霍州學正

按山西通志及曲沃志俱載月川墓在霍州高氏之原從夫人墓也據年譜正統中翰林官諫捐貲屬先生子秀歸葬澠池窟陀里又月川墓在霍州一子廬墓邦人寅年終于官權葬霍之高氏原墓一子廬墓邦人稱其孝丁卯遷柩歸葬澠池祖塋以上澠池

古尹姑冢

李通志冢在嵩縣南空桑澗卽伊尹母

按嵩志有戰國秦王冢韓王墓及漢葛將軍墓事無可徵故不列

唐元德秀墓

金石攷魯山墓碣在陸渾南四里建中四年

李華撰顏真卿書李陽冰篆唐人以事辭書篆非常謂之

四絕碑又元結撰墓誌銘

唐李素墓

昌黎文集河南少尹李公墓誌銘畧云元和七

年葬河南伊闕鳴臯山下曾祖宏泰簡州刺史祖乾秀伊

闕令父燮宣州長史自簡州而下皆葬鳴臯山下

唐房瑄墓 工部全集有詩云遠聞房太守歸葬陸渾山

按嵩志瑄墓在古城

宋邵康節父墓 二程全書明道撰康節墓誌云父諱古隱

德不仕先生之幼從父徙共城晚遷河南葬其親於伊川

宋邵雍墓 李通志墓在嵩縣北新店保諡康節明道撰墓

銘云嗚呼先生志豪力雄濶步長趨凌高厲空探幽索隱

曲暢旁通在古或難先生從容有問有觀以飲以豐天不

勅遺哲人之凶嗚臯在南伊流在東有寧一宮先生所終

宋呂誨墓 司馬溫公集右諫議大夫呂誨墓銘云獻可葬

伊闕先塋 李通志墓在鳴臯山下

按宋史呂誨以諫用安石求去出知河南有疾乞休提舉崇福宮表謝猶以身諭朝政言臣本無宿疾值醫者用術乖方任意妄投湯劑差之指下禍延四肢一身之微固無足恤奈九族之託何誨凡三居言責所爭皆關朝廷大事疾草光往省至則目已瞋矣光哭之誨聞其聲蹙然而起張目強視曰天下事尚可為君實勉之遂卒蓋公之惓惓以天下為憂雖死猶不忘云

元張伯玉墓 金石攷嵩縣有張左丞碑銘王弼撰

按嵩志左丞張伯玉墓在東關志又稱孫教化李指揮墓俱在惠明山下蘭溪墓在省元村東樞久公墓曲出不花墓俱在雙泉村皆元人並附此

補遺

以上嵩縣

周襄王陵 李壁王荆公詩注晏丞相嘗有題鞏縣西門周

襄王廟詩云人來人去市朝變山後山前煙霧凝紫帶二

川河洛水寂寥千古帝王陵

按晏公詩金百文嵩繅首題公亦賦公有陵可知今地

宋張詠墓 我躬自營墓域見良

方多德然曰天不 夜夢一老人衣冠甚偉

也既覺悟曰乘崖乃張詠之墓 其地

天夏墓 深輭小巖夏英公好術數於洛中得善地追葬

其地 安期已貴顯當 不自營委之幹者其

地乃古侍中墓穴也故柳碑刻具在

近埋之墓未幾而龍圖死其婦挈貲財數萬改適乃又得

罪廢焉

近代冢墓附

按古蹟陵墓徵引古書以李濂通志年代為斷自通志

後明及國朝冢墓從各縣志采入者則別附於後既

欲體不相亂亦

使以類相從也

明

李郁墓在府城北印山麓 郁侍郎

金問誌墓

翟瑄墓在府城北印山麓 瑄尚書

子銓誌墓

潘瑄墓在府城北印山原 瑄副使

畢孝誌墓

翟廷蕙墓在府城北卽山 廷蕙副使 喬縉誌墓

高賓墓在府城北卽山望朝嶺 賓禮科給事中 知府永傑始祖

張瀾墓在府城史家灣北 瀾按察使 何塘誌墓

史簡墓在府城北卽山 簡布政使 劉健誌墓

張文墓在府城瓦窰溝 文太僕卿 劉思賢誌墓

吳瀚墓在府城北卽山翠雲峯後 瀚巡撫 許誥誌墓

孫應奎墓在府城北卽山 應奎尚書

尤時熙墓在府城西澗水東 時熙主事學者稱西川先生 張元忭誌墓

沈應時墓在府城西北卽山麓 應時尚書 劉贊誌墓

劉贊墓在府城北卽山陽 贊按察司副使

董堯封墓在府城東北鄭家凹 堯封尚書

王邦瑞墓在府城西南秦山 邦瑞宜陽人尚書

張松墓在府城卽山之陽 松都御史 張四維誌墓

謝江墓在府城東北十里 江給事中

陳大壯墓在府城七里橋西 大壯郎中

溫如璋墓在府城西澗水東 如璋都御史 吳三樂誌墓

劉廣業墓在府城北卽山 廣業按察使 陳惟芝誌墓

楊歸儒墓在府城北卽山 歸儒布政使 汪輝誌墓

劉衍祚墓在府城北卽山 衍祚按察使 魏養蒙誌墓

魏養蒙墓在府城東五里堡 養蒙尚書

秦道顯墓在府城鵝店西道顯參政朱之蒲誌墓

何箴墓在府城鳳凰保箴知縣郭興言誌墓

張以謙墓在府城北窰東以謙參政顧秉謙誌墓

張淵墓在府城史家灣淵按察司使

來秉衡墓在府城北大眾後道西秉衡舉人明季殉難

張其瑾墓在府城東北馬家坡其瑾濮州牧明季城守盡節贈山東按察司使

曹節孀墓在府城東火燒街西北節婦張氏適曹昂正德間流賊攻洛不受辱

瀝水

閻存姐墓在府城南五里

國朝

董篤行墓在府城西北望朝嶺篤行副都御史呂兆琳誌墓

張所修墓在府城北卽山所修徵士

郭一鵬墓在府城東北卽山上一鵬杭嚴道薛所蘊誌墓

史良植墓在府城東北五里堡良植知縣

袁拱墓在府城東金村鎮後拱右江道

李學裕墓在府城東孔家寨學裕布政使方苞誌墓

明

高資墓在偃師白雲山陽資紹興知府

李暢墓在偃師南楊村暢給事中

詹士華墓在偃師東十里士華右布政

高惟孝墓在偃師西北三里 惟孝知府

張時中墓在偃師南四十里 時中贈副憲

張蒲墓在偃師西七里 蒲布政使

蔣完植墓在偃師北邙山 完植知府

張其平墓在偃師東十里 張其平誌墓 其平巡撫

國朝

張岳墓在偃師南龍尾坡 岳總鎮

董色起墓在偃師南蔣村 色起知縣

王德顯墓在偃師西北二里 德顯知縣

張爾統墓在偃師西五里 爾統國子監助教 孝子光宙附墓

張鈺墓在偃師西北邙山麓 鈺知府

蔣挺達墓在偃師東北邙山上 挺達都給事中

張杞墓在偃師西六里 杞知府

姬之簋墓在偃師西北埽頭坡 之簋主事

喬履信墓在偃師黃土岡下 履信主事

武紹周墓在偃師淮廟村 紹周郎中 朱筠誌墓

明

魏敏墓在鞏縣坊郭保 敏通政使

劉登墓在鞏縣黃冶村 登參議

竇祥墓在鞏縣坊郭保 祥御史

趙成墓在鞏縣蛾眉嶺 成明威將軍

霍敏墓在鞏縣梢柴務 敏授昭信校尉

馬隆墓在鞏縣神提保 隆提學副使

趙迎墓在鞏縣梢柴務 兵備僉事

姚若時墓在鞏縣魯莊 若時通判

國朝

范芝墓在鞏縣涉村 芝洛陽人莊浪道

張乾二墓在鞏縣橫嶺 乾二知縣

曹大先墓在鞏縣白廟東原 大先訓導

孫祚隆墓在鞏縣羅莊南 祚隆贈修職郎

明

陳唯芝墓在孟津西十里 惟芝都御史

喬允升墓在孟津南五里 允升尚書

李天寵墓在孟津城南山下 天寵巡撫

陸坦墓在孟津縣東 教授

國朝

李際期墓在孟津城南 際期尚書諡僖平

王鐸墓在孟津城外西北隅 鐸尚書諡文安子

閻紹墓在孟津南山麓 紹知府

明

李文墓在宜陽北山 文郎中

任淮墓在宜陽縣東 淮知州

翟文墓在宜陽縣東 文教諭

明 文員外郎

傅六墓在登封潁陽東南 文員外郎

焦宏祚墓在登封顧家河西 宏祚主事

劉景耀墓在登封小金店西 景耀巡撫

常克念墓在登封 克念推官

鄔廷誨墓在登封嵩縣書院左 廷誨登封正事知縣

崔光宇墓在登封文家村 子參議 應科附

國朝

傅景星墓在登封少室原 景星少司空

傅作霖墓在登封大金店 作霖按察副使

耿介墓在登封西南 介少詹學者稱逸菴先生

景日珍墓在登封東 日珍禮部侍郎 再觀祖誌墓

明

趙翥墓在永寧東南 翥尚書

宋禮墓在永寧錦陽山 禮尚書

張論墓在永寧金門川 論巡撫 何吾誌墓

耿裕墓在永寧紫蓋山 裕太師

國朝

張鼎延墓在永寧城東 鼎延侍郎吳偉業作神道碑

明

黑千戶墓在新安水南寨 千戶姓呂小字黑厥洪武時以軍功授指揮千戶不愛遂稱黑

千戶為寧陵呂新吾始祖

孟化鯉墓在新安東一里 化鯉郎中贈光祿學者稱雲浦先生

呂孔學墓在縣南二里玉屏山下 孔學忠節父

呂維祺墓在新安東一里 維祺兵部尚書明季殉難贈太傅諡忠節學者稱明德先生

國朝

呂兆琳墓在新安東一里 兆琳御史

呂履恒墓在新安東北 履恒戶部侍郎沈德潛誌墓

呂謙恒墓在新安北 謙恒大理寺卿

呂復恒墓在新安東 復恒教諭

呂耀曾墓在新安東 耀曾侍郎方苞誌墓

明

王古寶墓在嵩縣牛砦南 古寶少保

齊魯墓在嵩縣九龍山 魯都御史

李興墓在嵩縣莘渠西 興御史

孫鳳墓在嵩縣鐵冶坡 鳳布政使

王守誠墓在嵩縣牛砦南 守誠知府

董相墓在嵩縣莘渠北 相御史 王邦瑞誌墓

湯九州墓在嵩縣嵩坪 九州石埭人 昌平副總兵戰死九

汪輝墓在嵩縣望城圃北 輝禮部侍郎 呂明德有傳

屈動墓在嵩縣張嶺 動給事中

國朝 武君烈墓在嵩縣武村

武君烈墓在嵩縣武村 君烈遊擊崇祀昭忠祠

河南府志卷之七十四終

河南府志卷之七十五

古蹟志二十一

洛陽 寺觀一

漢白馬寺

永經注漢明帝夢見大人金色頂佩白光以問

羣臣或對曰西方有神名曰佛形如陛下所夢得無是乎

於是發使天竺寫致經像始以榆欏 欏 欏通謂以 榆木為經函 盛經

自馬負圖表之中夏故以白馬為寺名此榆欏後移在城

內愍懷太子浮圖中近世復遷此寺然金光流照法輪東

轉創自此矣 伽藍記白馬寺浮圖前奈林蒲萄異於餘

處枝葉繁衍子實甚大奈林實重七斤蒲萄實偉於棗味

並殊美冠於中京帝至熟時常詣取之或復賜宮人宮人
 得之轉餉親戚以為奇味得者不敢輒食乃歷數家京師
 語曰白馬甜榴一實直牛事物紀原漢明時自西域以
 白馬馱經來初止鴻臚寺遂取寺名置白馬寺即僧寺之
 始也

按高僧傳寺名白馬者天竺國有伽藍名招提與處太
 富有惡國王利於財將毀之有一白馬繞塔悲鳴即停
 毀自後改招提為白馬諸處多取此名
 據是則白馬馱經之說猶為後起矣

晉太康寺 伽藍記趙逸見杜子休宅曰此宅中朝時太康
 寺也龍驤將軍王濬平吳之後始立寺本有三層浮圖用
 甄為之指子休園中曰此是故處子休掘而驗之果得甄

數千萬兼有石銘云晉太康六年歲次乙巳九月甲戌朔
 八日辛巳儀同三司襄陽侯王濬敬造子休捨為靈應寺

晉石塔寺 伽藍記趙逸曰晉朝三十二寺盡皆埋滅惟此

寺獨存指園中一處曰此是浴室前五步應有一井眾僧
 掘之果得屋及井焉

後魏永寧寺 伽藍記寺靈太后胡氏所立在閭闔門南御

道西中有九層浮圖高九十丈有剎復高十丈剎上置金
 寶瓶容二十五石瓶下有承露金盤三十重周匝皆垂金
 鐸永熙三年二月浮圖為火所燒經三月不滅有人地柱
 火尋柱周年猶有煙氣其年五月中有人從象郡來云見

浮圖於海中光明照耀儼然如新俄然霧起浮圖遂隱

後魏建中寺 伽藍記寺爾朱世隆所立本劉騰宅在西陽

門內 西陽門內中有三層浮圖作六牙白象負什迦在虛中四

後魏長秋寺 伽藍記寺劉騰所立騰初為長秋令因名在

西陽門內中有三層浮圖作六牙白象負什迦在虛中四

月四日佛像常出辟邪師子導引其前吞刀吐火騰驤一

面綵幢上索詭譎不常奇伎異服冠於都市

後魏瑤光寺 伽藍記寺宣武帝所立在閭闔門內講堂尼

房五百餘間椒房嬪御學道之所掖庭美人並住其中亦

有名族處女落髮來依此寺後爾朱兆入洛胡騎入寺淫

穢京師語曰洛陽女兒急作髻瑤光寺尼奪女婿

後魏景樂寺 伽藍記寺清河王懌所立在閭闔南堂廡周

環曲房連接輕條拂戶花葢被庭至於六齋常設女樂歌

聲遶梁舞袖徐轉絲管寥亮諧妙入神以是尼寺丈夫不

得入得在觀者以為至天堂

後魏昭儀尼寺 伽藍記寺閭官等所立在東陽門內一里

蕭忻云高軒斗升者閭官嫠婦胡馬鳴珂者莫非黃門之

養息也忻見闔寺寵盛遂發此言因知名

後魏愿會寺 伽藍記寺王翊捨宅立佛堂前有桑樹形如

羽蓋葉凡為五重每重葉生椹各異京師道俗謂之神桑

後魏光明寺

伽藍記寺在宜壽里段暉捨宅立盜者欲竊

金像與菩薩合聲喝賊盜者驚怖應即殞倒眾僧聞像叫

聲遂來捉得賊

後魏胡統寺

伽藍記寺太后從姑所立在永寧南一里許

寶塔五重金刹高聳洞房周匝對戶交窻朱柱素壁甚為

佳麗

後魏修梵寺

伽藍記寺在清陽門內有金剛鳩鷲不入鳥

雀不棲菩提達摩云得其真相也

後魏嵩明寺

伽藍記寺在修梵寺西

後魏景林寺

伽藍記寺在開陽門內禪房內置祇洹精舍

形製雖小巧構難比加以禪閣虛靜隱室凝邃嘉樹夾牖
芳杜匝堦雖云朝市想同巖谷靜行之僧繩坐其內餐風
服道結跏數息有石銘一所國子博士盧白頭為文

按以上後魏諸寺
俱在古洛陽城內

後魏明懸尼寺

伽藍記寺彭城王勰所立在建春門外石

橋南

後魏龍華寺

伽藍記寺宿衛虎賁所立在建春門外陽渠

南

後魏建陽里十寺

伽藍記建春門外建陽里有瓔珞慈善

暉和通覺暉元宗聖魏昌熙平崇真因果等十寺里內十

庶所供宗聖寺有像一軀高三丈八尺端嚴殊特相好畢備崇真寺比丘惠凝死七日還活經閻羅王檢閱以錯名放免時有五比丘同閱有一講經比丘閻羅王云講經者心懷彼我以驕凌物比丘中第一龕行令付司一造經像比丘閻羅王曰沙門之體必須攝心守道志在禪誦不干世事不作有爲雖造作經像正欲得他人財物既得他物貪心卽起旣懷貪心便是三毒不除具足煩惱亦付司一造寺比丘閻羅王曰卿作太守之日曲理枉法劫奪民財假作一寺非卿之力何勞說此亦付司魏昌尼寺李次壽所立在里東南角

後魏景興尼寺

伽藍記寺在石橋南閹官等所立

後魏靈應寺

詳見前太康寺

後魏莊嚴寺

伽藍記寺在東陽門外一里御道北東安里

後魏秦太上君寺

伽藍記寺在東陽門暉文里胡太后正

號崇訓母天下號父爲秦太上公母爲秦太上君爲母追

福因以名焉

後魏正始寺

伽藍記寺在東陽門外敬義里正始中百官

所立因以名

後魏平等寺

伽藍記廣平武穆捨宅所立在青陽門外二

里御道北寺門外金像一軀高二丈八尺相好端嚴常有

神驗孝昌二年十二月中此像面有悲容兩目垂淚遍體皆濕時人號曰佛汗京師士女空市里往而觀之有比丘以淨綿拭其淚須臾之間綿濕都盡更以他綿換俄然後濕如此三日乃止明年四月爾朱榮入洛陽誅戮百官死亡塗地永安二年三月此像復汗五月北海王入洛莊帝北巡永安三年七月此像悲泣如初十二月爾朱兆入洛擒莊帝于晉陽

後魏景寧寺

伽藍記寺楊椿所立在青陽門外景寧里椿居此里遂分宅為寺因以名焉

後魏寶明寺

伽藍記青陽門外孝義里西北蘇秦冢冢旁

有寶明寺

按以上諸寺俱在古洛陽城東今其地或入偃師依伽藍記盡入洛陽說見宅里門

後魏景明寺

伽藍記寺宣武帝景明年中立因以為名在

宣陽門外一里御道東四月七日京師諸像皆來此寺尚書祠部曾曹錄像名有一千餘軀至八日以次入宣陽門向閭闔宮前受皇帝散花于時金花映日寶蓋浮雲幡幢若林香煙似霧梵樂法音聒動天地百戲騰驤所在駢比時有西域胡沙門見此唱言佛國永熙中詔國子祭酒邢子才為寺碑文子才河間人

後魏大統寺

伽藍記寺在景明寺西

後魏招福寺

伽藍記寺在大統寺南世人謂是蘇秦舊宅

後魏秦太上公二寺

伽藍記二寺在景明南一里西寺太

后所立東寺黃嬪所造並為父追福因以名之時人號為

雙女寺

後魏報德寺

伽藍記寺孝文所立為馮太后追福在開陽

門外三里

後魏勸學里三寺

伽藍記開陽門外有漢國子學堂太

十七年高祖題為勸學里里有大覺三寶寧遠三寺周廻有園珍果出焉有梨如承光寺亦多果木奈味甚美冠於

京師

按金石錄大覺寺碑陰題韓毅書當時碑碣往往不著姓氏毅以書知名故特自著之寺在洛陽即勸學里寺也

後魏正覺寺

伽藍記寺在延賢里尚書令王肅所立肅在

江南之日聘謝氏女為妻及至京師復尚公主謝作五言

詩以贈之其詩曰本為簿上蠶今作機上絲得路逐勝去

頗憶纏綿時公主代肅答謝云鍼是貫綿物目中恒任絲

得帛縫新去何能納故時肅甚有愧謝之色遂造正覺寺

以懃之

後魏龍華追聖王寺

伽藍記龍華寺廣陵王所立也追聖

寺北海王所立也並在報德寺之東法事僧房比秦太土

公京師寺皆種襍果而此三寺園林茂盛莫與之爭

按後魏龍華寺有二
一在城東一在城南

後魏菩提寺

伽藍記西域胡人所立在幕義里沙門發冢

得一人以進太后問侍郎徐紇曰上古以來頗有此事否

紇曰昔魏時發冢得霍光女婿范明友家奴說漢朝廢立
與史書相符此不足為異也

後魏高陽王寺

伽藍記寺高陽王雍之宅也在津陽門外

三里

後魏崇虛寺

伽藍記寺即漢之濯龍園延熹九年桓帝祠

老子於濯龍園設華蓋之坐用郊天之樂此其地也

按濯龍園據百官志本注園近北宮是濯龍園在城內
也伽藍記以為城外西南崇虛寺即漢濯龍園恐非本

真。以上諸寺俱
在古洛陽城南

後魏冲覺寺

伽藍記寺太傅清河王懌捨宅所立在西明

門外一里

後魏宣忠寺

伽藍記寺在西陽門外城陽王徽所立永安

中北海入洛莊帝北巡諸王各懷二望唯徽獨從莊帝至
長子城大兵阻河雄雌未決徽願入洛陽捨宅為寺及北
海敗國道重暉遂捨宅焉

後魏王興御寺

伽藍記寺在宣忠寺東闡官王桃湯所立

時闡官伽藍皆為尼寺惟桃湯獨造僧寺世人謂之英雄
門

後魏光

〔伽藍記〕寺在西陽門外有三層浮圖一所以

石為基形製甚古趙逸曰晉朝石塔寺今為光寶寺也

後魏法雲寺

〔伽藍記〕寺西域沙門曇摩羅所立在光寶寺

西摩羅咒枯樹能生枝葉咒人變為驢馬見之莫不忻怖
西域所賣舍利骨及佛牙經像皆在此寺

後魏開善寺

〔伽藍記〕準財里內有開善寺京兆人韋英宅

後捨為寺

後魏追光寺

〔伽藍記〕寺東平王畧宅也後捨為寺

後魏融覺寺

〔伽藍記〕寺清河王懌所立在闔闔門外

後魏大覺寺

〔伽藍記〕寺廣平王環捨宅立在融覺寺西永

熙中平陽王卽位造甄浮圖一所詔中書舍人温子昇為

文

後魏永明寺

〔伽藍記〕寺宣武帝所立在大覺寺東沙門三

千餘人西域遠者乃至大秦國南中有歌營國去京師甚

遠雖二漢及魏亦未嘗至今始有沙門拔陀自云北行一

月至勾稚國北行十二日至孫典國又北行三十日至扶

南國方五千里南夷之國最為大又北行一月至林邑國

出林邑入蕭衍國拔陀又云古有奴調國乘四輪馬為車

斯調國出火浣布以樹皮為之凡南方諸國亦與西域大

秦安息身毒諸國交通往來

按以上諸寺在古洛陽城西

後魏禪虛寺 伽藍記寺在大夏門御道西前有闕武場歲

終農隙甲士習戰千乘萬騎常在於此羽林馬僧相善觝

角戲擲戟與百尺樹齊等虎賁張車渠擲刀出樓一丈帝

亦觀戲在樓恒令二人對為角戲

按晉宣武場在大夏門東北竹林七賢論曰王戎幼而

清秀魏明帝於宣武場上為欄苞虎賁使力士袒裼進

與之搏縱百姓觀之戎年七歲亦往觀焉虎乘間薄欄

而吼其聲震地觀者無不辟易顛仆戎亭然不動帝於

門上見之使問姓名

後魏疑元寺 伽藍記闕官賈燦所立在廣莫門外永平里

地形高顯下臨城闕房廡麗精竹栢成林實淨行息心之

所也

按以上二寺在古洛陽城北

後魏北印二寺 伽藍記北印山上有馮王寺齊獻武王寺

魏書馮熙傳熙信佛法自出家財建浮圖精舍其北印

寺碑文中書侍郎賈元壽之詞高祖頒登北印寺親讀碑

文稱為佳作

後魏關口二寺 伽藍記京南關口有石窟寺靈巖寺

按後魏龍門八寺見伽藍記有二焉餘詳在下

後魏灑澗二寺 伽藍記京西灑澗有白馬寺照樂寺

按後魏白馬寺有二一在西陽門外三里御道南一在京西灑澗間又按伽藍記洛陽寺凡有一千三百六

寺觀一

十七所天平元年遷都鄴城洛陽餘寺四百二十一所其北邙二寺瀍澗二寺闕口二寺乃郭外不在限數

後魏龍門八寺 **名勝志**龍門有八寺其最著者曰奉先曰

香山

按後魏所建龍門八寺見于御藍記者惟有石窟靈巖二寺餘六寺見于舊洛志者曰乾元曰廣化曰崇訓曰寶應曰嘉善曰天竺而奉先香山不與焉然奉先香山據舊洛志亦建于後魏時八寺外益以奉先香山則為十寺故居易記曰龍門十寺香山為冠名勝志舉龍門八寺之名而並數奉先香山其亦弗深考歟至八寺遺址據薩天錫龍門記伊闕兩岸舊有八寺無一存者值東崖嶺有壘石址兩區餘不可辨又孫應奎乾元寺記舊在伊闕東山巔魏時龍門八寺惟此為甲去村寫遠嘉靖間遷于山麓今香山寺亦非舊址乃康熙間所建舊址猶在今寺東南嶺上又金石攷龍門有敬善寺石像銘而舊志有嘉善無敬善當有一誤○又按撫言裴晉公質狀彫小有相者曰郎君若不至貴即當餓死一日遊香山寺有婦人以父被罪假得玉帶二犀帶一以

崇津要置于欄楯忘收而去度得而授之後見相者曰必有陰德及物前程萬里非某所知也又李白杜甫皆有題奉先寺詩韋應物楊巨源皆有題香山寺詩則龍門十寺至唐時惟二寺最盛矣

隋敬愛寺 **公私畫史**隋敬愛寺有孫尚之畫在洛陽

按洛志隋天女寺雲花寺有展子虔畫光發寺有董伯仁畫恩覺寺有袁子昂畫俱見公私畫史在洛陽又洛陽西南延秋保有隋洛雁寺開皇王寅歲建相傳為金舌禪院

隋漢王寺 **方輿紀要**寺在府東隋楊元感作亂遣其弟積

善將兵自偃師南緣洛水西入東都遣達奚善意拒之善意渡洛南營于漢王寺

唐昭覺寺 **大典錄**秦王破王世充洛州立昭覺寺

唐龍門三龕 **集古錄**三龕在河南龍門山夾伊水東西

可愛壁間鑿石為佛像後魏及唐時所造惟此三龕像最大乃魏王泰為長孫皇后造也

按後魏胡太后崇信浮屠鑿崖為窟中刻佛像後人踵而為之尺寸可磨悉鑿佛像即所謂石窟寺也其地猶在唐人三龕之南

唐修行寺 太平寰宇記棠棣碑在河南縣西修行寺永徽

初立二碑

按金石錄云唐史循吏傳賈敦頤敦實相繼為洛州刺史長史有惠愛郡人皆為刻石號棠棣碑今敦實之碑亡矣此碑載初除洛州制書有云三川之境是稱都會六條之寄尤屬時英蒲州刺史賈敦頤體業雖正識用優敏蓋其名乃敦頤也又武后實錄敦實傳中亦作敦頤以此知唐史傳寫之誤

唐淨土寺 丘僧傳顯慶五年帝幸東都勅召僧義褒慧立

等詣洛京見帝于合璧殿敘論稱旨留住東都淨土寺

唐大雲寺 唐書武后紀天授元年置大雲寺 名畫記東

都大雲寺門東兩壁鬼神佛殿上菩薩六軀淨土經變閣

上婆婁仙並尉遲畫

唐佛授記寺 高僧傳長安元年詔賢首於東都佛授記寺

講新華嚴經至華藏世界品大地震動即日召對長生殿

問帶網十重六相之義 法師義淨傳高宗咸亨二年往

西域求佛經孤經二十五年歷三十餘國還至河洛得梵

本經律論近四百部合五十萬夾金剛座真容一鋪舍利

三百粒太后親迎於上東門外奉安佛授記勅令翻譯

唐安樂寺 唐書五行志安樂公主於洛州造安樂寺

唐昭成寺 朝野僉載洛川昭成佛寺有安樂公主造百寶

香爐高三尺開四門絲來線去鬼出神入一切寶貝用錢

三萬 名畫記昭成寺西廊障日西域記圖楊廷光畫三

門下護法二神張遵禮畫香爐兩頭淨土變藥師變程遜

畫 名畫記昭成寺西廊障日西域記圖楊廷光畫三

唐荷澤寺 柳氏舊聞明皇幸東都值旱遣高力士召天竺

僧無畏祈雨無畏捧水一鉢以小刀攪旋之顧謂力士去

雨且至力士疾馳回視白氣如匹練馬及天津風雨驟至

比奏衣盡霑濕遂於其地造荷澤寺

唐福先寺 唐書皇甫湜傳裴度辟為判官度修福先寺將

立碑求文於白居易湜怒曰近捨湜而遠取居易請從此

辭度謝之湜即請斗酒飲酣援筆立就度贈以車馬繪綵

衣厚湜大怒曰自吾為顧况集序未嘗許人今碑字三千

字三縑何遇我薄耶度笑曰不羈之才也從而酬之 名

畫記福先寺三階院吳畫地獄變像有病龍最妙寺三門

兩頭亦似吳畫 集古錄韓退之題名二皆在洛陽其一

在嵩山天封宮石柱上刻之其一在福先寺塔下

按福先寺神龍元年建在洛陽東五里塔兒灣後移在北名塔寺

唐玉泉寺 名勝志六一稿云唐九僧集曩已亡矣予遊禹

安山之玉泉寺于進士閤交如舍得之交如舉進士後隱

居此山終身不出

按玉泉寺唐大通神秀禪師講律道汾陽王郭子儀奉勅建後天成年明宗改名得當寺

唐天官寺

圖畫見聞誌開元中將軍裴旻詣吳道子請于

東都天官寺畫神鬼數壁以資冥助道子荅曰吾畫筆久廢若將軍有意為吾纏結舞劍一曲庶因猛勵以通幽冥旻乃揮劍入雲高數十丈若電光下射引手執鞘承之劍透室而入觀者數千人無不驚慄道子于是援毫圖壁颯然風起為天下之壯觀道子平生繪事得意無出于此

唐惠林寺

唐書李愷傳李源留守愷之子痛父死祿山之

難誓不婚娶依愷別墅改惠林寺祠殿乃其先寢未嘗輒踐穆宗長慶初遣中使資手詔緋袍牙笏絹二百疋往洛

陽惠林寺宣賜源苦陳年高疾甚固辭竟卒于寺

唐安國寺 李通志寺在府治南唐咸通間建明洪武初置

僧綱司於內

按安國寺今名鐘樓寺在府西南隅

五代廣愛五寺

尹和靖集楊凝式墨蹟甚多在洛陽城佛

寺中今存者廣愛長壽天宮甘露興教凡五處皆題於壁距今踰八十年字頗缺落不可辨者十有三四天王院僧繼明擇字之最完者得長壽甘露兩壁總八十七模刻於

石

按尹和靖集所載廣愛五寺其天宮寺已見于唐餘四寺不知起于何時寺各有楊凝式題字故列于五代

宋法祥寺 李通志寺在府城東夾馬營即宋太祖誕生之

地建隆三年建初為應天寺後改今額

按法祥寺據洛陽志以為即今縣學宮也

宋褒賢寺 金石攷寺在洛陽范文正公忠宣公墓在其地

是寺為奉祠之所內有仁宗所篆褒賢碑

宋旌孝寺 李通志寺在府城南宋皇祐元年建寺傍有程

子墓

大字寺 名園記大字寺圍唐白樂天園也寺中樂天刻

甚多

宋潛溪寺 歐陽修牡丹花品潛溪緋者千葉緋花出于潛

溪寺本唐李藩別墅紫花叢中特出緋者一二朶明年移

在他枝洛人謂之轉枝花

按金石錄潛溪在洛陽龍門山側地有溪谷之勝

宋普明僧舍 司馬光耆英會序昔白樂天在洛與高年者

八人遊時人慕之為九老圖傳於世宋興洛中諸公繼而

為之者凡再矣皆圖形普明僧舍普明樂天之故第也

宋妙覺僧舍 耆英會序元豐中潞國文公留守西都韓國

富公納政在里第集士大夫老而賢者於韓公之第置酒

相樂凡十有一人既而圖形妙覺僧舍時人謂之洛陽者
英會宣徽王公方留守此都願寓名其間光未及七十用
狄監盧尹故事亦預於會

按耆英會富韓公弼七十九文潞公彥博七十七席司
封汝言七十七王安之尚恭七十六趙南正丙七十五
劉伯壽凡七十五馬肅之行已七十五楚正叔建中七
十二王不疑謹言七十二張昌言問七十張景先熹七
十王公拱辰七十司馬温公光未七十亦與會又文彥
博與程大中公珣司馬郎中旦席司封汝言年皆七十
八作同甲會文彥博有詩曰四人三百二十歲况是同
庚甲子年占得梁園為賦客合成商嶺採芝仙清談豐
豐月生席素髮蓬蓬雪滿肩此會將來誠未有洛中應
作畫圖傳司馬温公又作真率會與司馬旦席汝言王
尚恭建中王謹言叔達七人為會温公為約曰序齒
不序官具務簡素朝夕食不過五味菜果脯鹽之類各
不過十器酒巡無笑深淺自酬主人不勸客亦不辭逐
巡無下酒時作菜羹不禁召客共用一簡客注可否於

字下不別作簡或因事分簡者聽會日早赴不待促違
約者每事罰一巨觥會中楚正叔多飲食品詩一會時
司馬旦席汝言年皆七十八計同甲真
率諸公之年二會俱在耆英會後一歲

隋宮元壇 **大業雜記**景運門內道右有惠日法雲二道場

通真玉清二元壇

按關尹喜傳尹喜結草為樓精思至道周康王聞之拜
為大夫以可視望故號此宅為關令仙人觀即觀之始
也淵鑑類函曰樓觀本尹喜之居有草樓焉後
人創立道宮又曰樓觀至隋煬帝改為元壇

唐元元觀 **舊唐書**太微宮使柳璨奏元元觀在北山請拆

入都城于清化坊內建置太微宮以備車駕行事從之

按唐北山上元元觀亦曰元元皇帝廟工部有詩今為
上清宮乃明伊王妃方氏建正殿梁柱及瓦皆範鐵為
之人稱
鐵瓦殿

唐凌空觀 唐書葉法善自言生隋大業丙子三世為道士嘗於凌空觀設壇醮祭都人往觀俄見數十人自投火中眾大驚法善笑曰此為魅所憑以吾法所攝而然耳問之果病後愈

宋通元觀 金石攷通元觀朗然子劉希岳悟真詩政和元年立後燬於兵金天德二年重刻

按通元觀在洛水南今名樓霞宮即朗然子飛昇處

金長生觀 元遺山集紫虛大師墓碑畧云离降子諱道顯出于文登于氏過洛陽得劉君舊廬葺居之是謂長生觀正大中提點亳州太清宮賜紫虛大師衛致夷以某年月

日蕊師於洛陽長生觀

金玉虛觀 李通志觀在府治東南金大定間建明洪武十五年置道紀司於內

按金玉虛觀在玉皇閣閣下為雷神洞

先九真觀 李通志觀在府城南舊有東華正陽純陽海蟾重陽丹陽長真長生長春九真塑像在內

按九真觀元時道流買安樂窩因九賢祠改九真觀今復為安樂窩矣

元僊觀 李通志觀在府城東郭元元統間始建初為通仙觀至元五年改今名

以上洛陽

河南府志卷之七十五終

李通志 偃師縣東 碑云 李通 字 元 通 漢 高 祖 時 人 也 漢 書 有 傳 云 通 少 有 志 節 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯 漢 高 祖 十 年 通 以 少 將軍 封 侯

河南府志卷之七十六

古蹟志二十二

寺觀二

偃師 鞏縣 孟津 宜陽 登封 永寧
新安 澗池 嵩縣

唐招提寺

金石攷 偃師有招提寺三藏聖教序顯慶二年

王行滿書

按招提寺在偃師縣南三十五里。又按城西南四十里湯王廟東有大魏石佛像碑城外洛水南楊村有宋至道年間石幢皆古刹遺蹟也附見此

宋壽聖寺

李通志 寺在偃師明洪武間置僧會司於內

按偃師城內壽聖寺有宋熙寧二年勅賜聖壽禪院石刻

胡龍泉寺

李通志 寺在偃師縣東洪武間建

古蹟志

古蹟志

寺觀二

按龍泉寺在偃師東鄆溪中寺前有溫泉出焉水經注所謂鄆水而北山鄆溪者也每歲上巳邑人修禊夏日澗綠綠二渠舒錦飛閣軒敞倚欄消暑下臨清池劍鱗游泳良勝蹟也

漢仙人觀 水經注 緱氏故滑國土薜更名中亭城有仙人

祠謂之仙人觀

按武滄著如緱氏視仙人迹觀當起于楚昭蓋世云

宋仙鶴觀 在偃師縣南緱山前王子晉於此乘

鶴昇仙

以上偃師

漢明帝時

晉

前朝人刻環

後魏元領軍寺

伽藍記 京東石關有元領軍寺

按今鞏縣西洛水北有地名石關即伽藍記所謂京東石關也

隋栢谷塢寺

名勝志 栢谷塢在緱氏東北塢西有寺入谷

數百步有佛像精巧美麗有牛舂馬簸水碓之利

按栢谷塢即今鞏縣西南之百峪也其地正在古緱氏東北名勝志所謂塢西有寺者今百峪西休水澗中有

白雲寺者是也土人在寺傍掘土有石幢一乃隋開皇年號則寺建于隋矣

裴灌少林寺碑云隋開皇中有詔栢谷屯地一百頃賜少林寺蓋栢谷地屬少林又于

栢谷建寺寺固少林寺僧所建也裴灌碑又云少林寺西北五十里有栢谷聖羣峯合沓深谷逶迤復磴綠雲

俯窺龍界高頂拂日傍臨鳥道居晉成塢在齊為郡王世充僭號署曰轅州乘其地險以立烽火太宗軍次廣

武僧志操惠師抗表以明大順執充任仁則以歸本朝太宗嘉其義烈頻降璽書宣慰賜地四十頃水碓一具即栢谷莊是也各勝志所記牛舂水碓與裴灌碑畧同

但以栢谷塢為在偃師則因偃師志而誤也偃師志以栢谷塢為在今緱氏東去少林太近不知所謂緱氏東北者古緱氏也于今為滑城鞏縣百峪正在滑城東北去少林五十里與裴濯碑亦合

隋石窟寺

方輿紀要寺在鞏縣西洛水北王世充與李密

相持世充渡洛水過倉城為營與密戰于石窟寺東

石攷鞏縣石窟寺即淨土寺有兩石幢一為唐開元十九

年一為後唐長興三年

宋羅漢寺

金石攷宋羅漢寺禪院碑天聖八年張觀奉勅

撰

按羅漢寺在牛山之南嵩山之北前有水東北注羅即白馬溪之源也羅水上流又有蒲池水注之蒲池水源有菩提寺碑字剝落不詳何代所建

金普安寺

李通志寺在鞏縣治南金貞祐三年建明洪武

中置僧會司於內

元玉晨觀

淵鑑類函大洞玉經曰玉晨宮中有玉映之宮

又有元君六淵之宮黃老圖華之宮上清真陽宮太極上

宮主衆仙詞詠

李通志觀在鞏縣西南元至治元年建

按玉晨觀在鞏縣蘇村保舊志玉晨作玉宸

明崇慶觀

李通志觀在鞏縣南洪武十五年建置道會司

於內

以上鞏縣

唐興國寺

李通志寺在孟津縣西唐咸亨間始建

按孟津志寺在縣西北五里始名浮圖寺晉天竺僧佛圖澄西來住錫於此懷帝永嘉時曰河圖寺梁武帝改

日龍馬寺唐高宗麟德中改日興國寺尋改負圖寺李濂通志謂高宗咸亨間始建與志異

唐昭覺寺 方輿紀要唐寶應元年僕固懷恩討史朝義于

橫水賊大敗又轉戰于昭覺寺石榴園者君廟皆敗之金

人疆域圖孟津有昭覺寺

按秦王破王世充洛州立昭覺寺疑即孟津之昭覺寺蓋孟津本屬洛州故也寺已見洛陽

五代晉孟津古寺 清異錄晉少主北還至孟津界一古寺

遺下所張紫羅傘五層叠椽簷仍泥金作盤花但朱柄折

耳

宋文家寺 方輿紀要寺在孟津縣南建炎二年翟進復西

京遂襲兀朮於河陽敗還又帥韓世忠戰于文家寺復敗

走金人遂復入西京

元報恩寺 李通志河南報恩寺有三一在孟津西南元至

元二十八年建一在宜陽南元天歷二年建一在嵩縣東

明洪武初建其在孟津者置僧會司於內

按報恩寺孟津志以為西煙寺也在小集鎮

宋威靈觀 李通志觀在孟津縣西漢光武陵寢所在故名

按孟津志宋徽宗政和四年詔改古帝王陵廟為觀以道士處之此威靈所由始也

元寶泉觀 李通志觀在孟津縣西元至正二年建

按孟津志光武嘗飲此泉故得名

以上孟津

宋勝因寺 李通志寺在宜陽縣治西北即古甘棠驛宋大

定三年建明洪武修置僧會司於內

靈山報忠寺 王邦瑞報忠寺記靈山一名鳳凰山寺日報

忠寺寺之興也莫考其何時有老僧掘地得斷碑數寸題

日報忠而相傳亦云蓋已遠矣

按王記以寺不知起于何時而舊志則以為金大定三年建豈王未之見與

元彌陀寺 李通志河南彌陀寺有三一在宜陽縣西元至

正三年建一在澠池縣南元大德元年建一在嵩縣西南

元至元三年建

元奉真觀 李通志觀在宜陽縣西元至元八年建

明太清觀 李通志觀在宜陽縣治東南洪武間建置道會

司於內

按府志宜陽太清觀金正大八年建。又按金王廷陶公壽堂記錦屏山半有石洞三西曰紫雲東曰懸空其上曰玉芝可容客數十懸空者舊名也紫雲玉芝陶公自命之翠崖蒼壁珍木異卉並立而叢生有雲映石髓瓊漿玉液真神仙窟也又山有洞賓樓據志洞賓過錦屏有詩曰時當海晏河清日白鹿閒騎下翠臺本為君平川裏去不妨却到錦屏來又再過錦屏有半空豁然雷雨收詩一律後先掩映石跡猶存蓋錦屏為羽流之托跡久矣

以上宜陽

漢法王寺 嵩書漢明帝永平十四年嵩山建大法王寺魏

明帝青龍二年更名護國寺晉惠帝永康元年於護國寺

左建法華寺隋文帝仁壽二年建舍利塔更名舍利寺唐

太宗貞觀三年更名功德寺開元時更名御容寺大歷間

更名廣德法王寺後唐時因廢壞之餘分爲五院仍歷代
護國法華舍利功德御容舊稱

按嵩志法王寺佛殿前石池文許紫金蓮開中秋一月
云生公說法時從地湧也往往他移即萎亦神異矣

後魏開居寺 伽藍記嵩高中有開居寺 嵩畫開居寺故

元魏宣武帝離宮建於永平年詔馮亮與僧暹河南尹甄

琛視形勝處翔興焉 李邕嵩嶽寺碑 嵩嶽寺者後魏孝

明帝離宮正光元年賧開居寺隋仁壽一載改嵩嶽寺十

五層塔者後魏之所立也發地四鋪而聳陵空八相而圓

方丈十二戶牖數百其東七佛殿者曩時之鳳陽殿也其

西定光佛堂者瑞像之戾止昔有石像故現應身浮於河

達於洛其南古塔者隋仁壽二年置舍利於羣嶽焉後有
無量壽殿者諸師禮懺誦念之場則天太后護送鎮國金
銅像置焉逍遙樓者魏主之所構也食堂前古鐵鐘者重
千斤函二十石正光年中寺僧之所造也西方禪院魏八
極殿之餘址也南有輔山者古之靈臺也中宗詔於其頂
爲大通秀禪師造十三級浮圖

按開居寺在法王寺西里許俱在今太室南麓北史稱
馮亮雅愛山水又兼工思造開居佛寺林泉旣奇營製
又美曲盡山居之妙又高僧傳曰唐永淳時嵩嶽開居
寺釋元珪廬嶽之羅塢一日偁丈夫從部曲來謁曰我
此嶽神也珪曰東巖寺之障莽然無樹北岫有之而背
非屏擁神能移北樹於東嶺乎神曰聞命幸無駭是夜
暴風吼雷物不安所詰旦和霽則北巖松
栢盡移東嶺其地今會善西戒壇是也

後魏道場寺

〔伽藍記〕嵩高中有道場寺

〔北史〕馮亮傳延

昌二年疾篤宣武敕以馬輿送令還山居嵩高道場寺

按道場寺今不可考馮亮嘗居寺後退居道場寺則二寺當相近或以為實一寺者非也

後魏嵩陽寺

〔伽藍記〕嵩高中有嵩陽寺

〔魏嵩陽寺碑〕大

德生禪師以此山先來未有塔廟禪師將欲接引四生卜

茲福地創立神場北背高峯南臨廣陌西帶濬澗東接修

林於太和八年歲次甲子創造伽藍築立塔殿

按嵩陽寺碑東魏天平二年刻石碑末書唐麟德元年從嵩陽觀移會善寺蓋寺自隋大業已改為觀唐營奉天宮至五代周改道院為書院宋時稱盛至今不改仍存嵩陽之名非復寺觀之舊其事遂千古矣

魏中頂三寺

〔伽藍記〕嵩高上有中頂寺東有昇道寺栖

禪寺

按中頂昇道栖禪在嵩頂上伽藍記有兩栖禪寺一在山上一在山下皆不可確指五代晉有峻極寺疑即後魏中頂寺也晉賜峻極額時並建峻極中院峻極下院中院在今二郎觀西有廢址下院在今登封西關二院皆得曰峻極寺宋司馬公題名峻極寺壁上實峻極中院也

後魏少林寺

〔唐裴灌寺碑〕少林寺者後魏孝文所立也沙

門跋陁自西域來太和中詔有司於此寺處之淨供法水

取給公府廼於寺西臺造舍利塔塔後造翻經堂周建德

中廢毀大象中於兩京各立一寺因孝思所置以陟岵為

名洛中陟岵即此寺也隋開皇中詔栢谷塢屯地一百頃

賜少林寺太宗賜地四十頃水碾一具武德中寺有白雀

見貞觀中白雀復瑞咸亨中御飛白書題金寺波若碑永
淳中御札又飛白書一飛字題寺壁垂拱中有冬竹抽筍
塔院後復有藤生 名勝志寺在少室山北麓有初祖菴
梁武帝時達磨於此面壁九年有照影石云達磨現影其
中

按韻府引畫禪迦佛陀禪師天竺人至隋隋帝嵩山起
少林寺至今房門上有畫神即是迦佛陀之迹據裴淮
碑寺立于後魏孝文而畫禪以為起于隋者
蓋寺毀于周隋開皇中復立為少林寺也

後魏明練寺 釋靖彰永泰寺碑寺創自後魏正光二載孝
明帝之妹入道為尼敕為置明練寺兼度士庶女等唐貞
觀三載議尼寺居山恐人侵擾敕令移額於偃師縣下置

此因廢焉神龍二載有嵩嶽寺僧道瑩請為永泰公主置
寺以永泰為名

後魏雙林寺 釋氏通鑑傅大士問嵩頭陀修道之地嵩指

崧山雙檮樹即今雙林寺也

按說嵩後魏有雙林寺善會大士倚雙檮
樹夜則行道畫則方作徇雙林寺以居

北齊碑樓寺 寺碑北齊天保八年丁丑立

按寺在登封東四十里石淙東原上內有豫州劉刺史
碑今其地名劉碑又登封東四十里蔣莊有在孫寺碑
刻大齊河清三年歲在甲申敬造告成測
影臺左有龍華寺齊武平元年建隋見此

隋會善寺 嵩書寺本魏孝文帝離宮也魏亡為澄覺禪師

精舍隋開皇中賜名會善寺 陸長源戒壇記漢晉間高

僧植貝多子於西峰一年三花置五佛正思惟戒壇思惟者以佛在貝多樹下思惟因名貝多為思惟即三花之義

按會善寺嘗無水唐時高僧晏公講經於此龍變作人來聽晏公向龍乞水龍贈泉自殿右宛轉流及山門而沒止供寺汲不資灌漑亦異事也寺在太室西南積翠峯下

唐盧巖寺 李通志寺在登封縣東北即唐諫議盧鴻隱居之處開元中改為寺

按唐書鴻拜諫議大夫固辭還山賜隱居服營草堂禮殊渥鴻到山中廣學處聚徒至五百人所居室自號寧極既卒子不敢居乃改為寺又有下盧巖寺與盧巖相近

唐中嶽寺 唐書元膺發兵圍李師道設重購以捕賊獲其渠魁按驗乃中嶽寺僧圓淨為師道買田伊闕陸渾山間

以舍山中趨勇而衣食之俗謂之山棚是也捕獲伏誅

按中嶽寺在嵩山神蓋峯下即寶林院也

唐龍潭寺 李通志寺在登封東北唐時建

唐竹林寺 嵩書嵩嶽山巖之下唐時有蜀僧法藏曾於其

地見聖竹林寺出現

五代晉峻極寺 李通志寺在登封城西五代晉時建初名

天成天福間更賜今額金大定間修明洪武初重修置僧

會司於內

按城西峻極寺所謂峻極下院也見前中嶽寺下

金清涼寺 李通志寺在登封西金貞祐中建

按清涼寺在少室前清涼峯下又有寶勝寺在少室前寶勝峯下寶豐寺在少室上寶豐巖下此三寺皆以少室峯巒得名也

元寶林寺

李通志寺在登封西南元至大中建

按寺在今潁陽鎮

漢萬歲觀

李通志觀在登封北五里嵩山之陽碑刻云漢

武帝時為萬歲觀唐為太乙觀宋改崇福觀明洪武間置道會司於內

按傳梅高書漢武帝登太室聞山呼萬歲乃於其地建萬歲亭山下建萬歲觀說嵩據東觀餘論以為唐以前凡今道觀皆謂之觀至唐始謂之觀不知觀之名以尹喜草樓得名史記公孫卿謂武帝仙人好樓居上合甘泉作延壽觀晉書許邁立精舍於餘杭元溜山朔望還家定省親及遺婦改名元觀刪道元水經注緱氏城有仙

人觀是觀之名漢已有之不始于唐登封有萬歲亭復有萬歲觀不得謂有亭名無觀名反疑兩地為一處也

隋嵩陽觀

隋書潘誕為帝合煉金丹帝為之作嵩陽觀

按潘誕為帝合丹云應用石膽石髓發工鑿石深百尺者數十處不得乃言若得童男女膽髓各三斛六斗可以代之帝怒鎖諸涿郡斬之綱目書曰道士潘誕伏誅

唐天封觀

李通志觀在登封縣北唐天寶初建元至元間

改為嵩陽宮後復改今額上有韓文公題名歐陽公跋

按說嵩天封觀與嵩陽觀近在漢栢之右登封志以嵩陽觀天封觀為一地蓋二觀舊址本不相遠而此廢彼興實通為一地今嵩陽書院有漢栢門外有唐李林甫嵩陽觀紀聖德感應頌碑後陳孫太冲鍊丹之術觀後有鍊丹井五詳宮殿門奉天宮嵩陽書院及前嵩陽寺下

唐崇唐觀

唐書隱逸傳潘師正事王知遠為道士得其術

居道遙谷高宗幸東都召見問所須對曰茂松清泉臣所
須也既不乏矣帝尊異之卽其廬作崇唐觀及營奉天宮
又敕直道遙谷作門曰仙游北曰尋真時太常獻新樂帝
更名祈山望仙翹仙曲卒諡體元先生

唐太一觀 唐書隱逸傳劉道合與師正同居嵩山帝卽所
隱立太一觀使居之時將封泰山雨不止帝令道合禳祝
俄而霽乃令馳傳先行太山祈禱得賞賜輒散貧乏無所
蓄咸亨中爲帝作丹劑成而卒帝後營宮遷道合墓開其
棺見骸若蟬蛻者帝聞恨曰爲我合丹而自服去然所
餘丹無它異

按太一觀卽漢萬歲觀
宋崇福宮也已見前

元白鶴觀 蒿書白鶴觀故址浮邱接王子晉居嵩高二十
餘年卽此處

按觀以子晉控鶴得名不詳起于何代據
登封舊志至正十二年重建故列元代

以上登封

唐福昌寺 李通志寺在永寧縣北唐貞觀元年建明置僧
會司於內

按永寧志寺在
城北鳳翼山麓

唐華嚴寺 李通志河南華嚴寺有三一在府城南元天歷
二年建一在永寧縣西南唐貞觀二年建一在新安縣西
金明昌六年建

按三寺在永寧者最古故列永寧

唐寥天觀 李通志觀在永寧縣南唐武德八年建明置道

會司於內

以上永寧

金洪福寺

李通志寺在新安縣北金大定三年建

按舊志寺在縣北二十里東白墻村唐乾祐六年建金大定三年修

金寶雲寺

李通志寺在新安縣北慕容山前金大定九年

建明置僧會司於內

元洞真觀

李通志觀在新安縣西元大德間建明置道會

司於內

以上新安

唐雲門寺

名勝志澠池縣北有雲門山其寺曰雲門寺西

北有王喬洞去縣二十里山石皆土所成取而破之本葉之形交錯其間文理具在若雕刻然洞之上二木亦皆化石而產枝葉其舊碑云昔神仙大丹成土木皆化為石

李通志寺唐時建

宋輝院寺

李通志寺在澠池宋大中祥符二年建

按澠池志寺為韶山雲門下院

以上澠池

唐龍興寺

名勝志思遠山在嵩縣西北十里有龍興寺則

天后于此避暑

唐伏牛山寺

名勝志伏牛山在嵩縣南三百里唐自在禪

師修行之所

按舊志伏牛山有上雲巖寺下雲巖寺
皆出自在禪師建上雲巖在太和保

金靈泉寺 名勝志奉牛山在嵩縣東下有靈泉寺

按舊志靈泉寺
金大定初建

明玉寶寺 李通志寺在嵩縣西洪武中建 以上嵩縣

按河南郡寺觀莫後于洛陽登封兩邑其古洛城內外
諸寺如伽藍記所稱梵宇駢比百戲騰驤誠如昌黎公
所云為京都土庶設詭異之觀戲玩之具也至登封各
嶽所在二氏依焉其梵宮道場為古名人逸士尋幽探
奇憩息之所皆足以助清吟供遊興其遺蹟又有不容
竟置者矣故附寺觀于古蹟之末而取其蹟之可存者
志之非敢簞鼓二氏
為吾道樹之敵也

南府志卷之七十六終

南
卷一
六終
武中建
以上